

## ILUARSISSUT

Nassuaatit 1. marts 2024-meersoq taarserpaa

(Immikkoortoq 1.3-mi qulequtaata oqaasii iluarsiivigineqarput, immikkoortoq 3.2 inatsimmut allamut tunngasumut innersuussisoqarpoq, kiisalu siunnersummi ataasiakkaanik kukkunersuiusoqarpoq.

§ 15, imm. 3-mi nassuaatinik allannguisoqarpoq

Tamatuma saniatigut nassuaatini § 21, imm. 1 aamma § 25, imm. 5 aamma 7-mi immikkoortut ilai peerneqarput.

Danskit naammagittaalliuutinik suliaqartarnerisa inatsisaat pillugu imm. 3.3-mi ilassuteqartoqarpoq, kiisalu § 1, imm. 2, § 4, imm. 6, § 6, imm. 6, § 7, imm. 1, 3 aamma 4, § 10, imm. 1, § 23, imm. 1, § 30, imm. 2 aamma § 33 nassuaatini ilanngussisoqarpoq)

Siunnersummut nassuaatit

### Nassuaatit nalinginnaasut

#### 1. Aallarniut

##### 1.1 Tunuliaqutaasut pingaarcerusut

Naammagittaalliuuteqarnissamut taarsiiffigitinnissamullu aaqqissuussinermik katitikkamik nutaamik aalajangersaanikkut peqqinnissaqarfimmi napparsimasut pitsaunerusumik sunniuteqarluarnerusumillu naammagittaalliuuteqarnissamut taarsiiffigitinnissamullu periarfissaqarnissaasa qulakeernissaannik kissaateqarneq siunnersummi tunuliaqutaavoq.

##### 1.2 Piareersarnerani immikkoortut pingaarcerit

1999-imi "Kalaallit Nunaanni peqqinnissakkut inatsisit nutarternissaannut aqutsisoqatigiit" nalunaarusiamik "Kalaallit Nunaanni peqqinnissakkut inatsisit nutarterneqarneri" pillugit saqqummiussippuit. Kalaallit nunaanni peqqinnissakkut inatsisit nutarternissaasa pisariaqarluinnalernerat aqutsisoqatigiit taakkulu sulinerannut tunuliaqutaavoq. Peqqinnissaqarfimmik 1. januar 1992-imi tigusinermili peqqinnissaqarfimmi suliassaqarfinni annertuuni malittarisassatigut tunngaviusunik pisariaqartunik nutarterisoqarsimanngilaq. Danmarkimi ministereqarfiit oqartussaasullu attuumassuteqartut allaqatigisareerlugit inatsisit nutarternissaannut suliniummik aallartitsinissamut aqutsisoqatigiinnik pilersitsisoqarnissaa isumaqatigiissutigineqarpoq.

Aqutsisoqatigiit Kalaallit Nunaanni peqqinnissakkut inatsisinik nutarterinissamut siunnersuusioqquneqarput. Peqqinnissakkut inatsisit nutarterneqarnerisa kingorna paasiuminartuullutillu paasissaanissaat kiisalu peqqinnissaqarfiup aaqqissugaaneranut

piginnaasaqarnikkullu pissutsinut tulluarsagaasimanissaat siunertaasimavoq. Nutarterilluni sulineq Kalaallit Nunaanni immikkut pissutsit eqqarsaatigalugit ingerlanneqassaaq.

Aqtsisoqatigiit napparsimasut inatsisitigut inissisimanerat pillugu Inatsisartut peqqussutissaattut siunnersuusiorput aamma napparsimasut sillimmernissaat pillugu Inatsisartut peqqussutissaattut siunnersuusiorlutik. Tamakku tunngavigalugit Napparsimasut inatsisitigut inissisimanerat pillugu Inatsisartut peqqussutaat nr. 6, 31. maj 2001-imeersoq akuerineqarpoq. Napparsimasut sillimmasiisarnerat pillugu inatsimmik akuersisoqanngilaq. Taamaalilluni peqqinnissaqarfimmit passunneqarnermut atatillugu ajoquersimanernut napparsimasut taarsiivigineqarsinnaanerannut tunngatillugu inatsisitigut malittarisassaqarsimannilaq. Peqqissutsimut Naalakkersuisoqarfik manna tikillugu taarsiinissaq pillugu sulianik aalajangersimasunik inatsisitigut tunngaveqanngitsumik suliarinnittarpoq, taamaallaalli peqqinnissamut tunngasutigut sullissumik aalajangersimasumik isornartorsiuinissamut Napparsimasut Maalaarutaannik Aalajangiisartut tunngavissaqarsimagaangata sulianik suliarinnittarsimavoq. Suliassat allat eqqartuussivimmik suliarisassatut innersuunneqarput.

Taamaammat aaqqissuunneqarnera nanginneqartartussanngoraangat taarsiivigineqarnissamut apeqqutip misilinneqarnissaa Napparsimasut Maalaarutaannik Aalajangiisartuni misilinneqarnissaa utaqqineqartariaqartarneranik kinguneqartarpoq, taakkulu sulianik kinguarsaasarlutik.

Suliani allaaserineqartutut peqqinnissamut tunngasutigut katsorsaanerup naammagittaalliuutigineqarnissaanut kiisalu taarsiiffigineqarnissaq pillugu qinnuteqarnissamut periarfissat nutarterneqarnissaat inatsisitigullu aalajangersarneqarnissaat pisariaqartinneqangaarsimapput. Tamanna pingaartumik ukiuni kingullerni immikkut pisariaqartinneqalersimavoq, tassani napparsimasunik suliarinnittarnermut suliassaqarfiup paasiumpinaannerulerneranik kinguneqarsimalluni.

Kalaallit Nunaanni sulisut akornanni taarseraattoqartupilussuuvoq, tamannalu peqqinnissaqarfiup iluani aamma atuulluni. Katsorsaanerup ingerlaavartuusannginnera assigiissaartuunnginneralu napparsimasup peqqinnissamut tunngasutigut sullissumik aalajangersimasumik naammagittaalliuutigineqartussamik toqqaaniarneranut ajornakusoortitsisarpoq. Tamanna napparsimasoq sullissinermi pitsaassuseq nalinginnaasumik akuerisaq malillugu katsorsartissimanngikkaluarluni pisut ilaanni uparuaasoqarsinnaannginneranik kinguneqartarpoq. Taamaammat peqqinnissamut tunngasutigut sullissisut ataasiakkaat katsorsaanermanni kukkunerisinnaasaat pinnagit ingerlarnganili pingarnerutitsisumik inatsiseqarnissaq pingaruteqarpoq, taamaaliornikkummi peqqinnissamut tunngasutigut katsorsaanermik uparuaanissamut

periarfissaqarnissaq taperserneqassammat. Tamanna peqqinnissaqarfiup naammaginanngitsumik katsorsaaneranut pissutaasut ilaannik, assersuutigalugu sulinerup aaqqissuunneranik, aaqqissuussaanikkut pissutsit aningasaqarnikkulluunniit pissutsit tungisigut kukkussutigisimasaminnik ilinniuteqarnissaannut periarfissiisaq.

### *1.3 Siunnersuut nalinginnaasumik pingaarnersiorlugu*

Peqqinnissaqarfimmi peqqinnissamut tunngasutigut sulinermut aamma peqqinnissakkut sullisisut peqqinnissamut tunngasutigut sulinerannut naammagittaalliuutit pillugit malittarisassat, peqqinnissaqarfimmi piviusumik sulineq pillugu naammagittaalliuutit (sullissineq pillugu naammagittaalliuutit) kiisalu napparsimasut ajoquusernerinut taarsiinissamut periarfissat pillugit malittarisassat siunnersuutip imarai.

### *1.4 Siunnersuutip Inatsisartunut siullermeertumik saqqummiunneqarneraniilli allannguutit* 2021-mi Inatsisartut ukiakkut ataatsimiinneranni siunnersuut siullermeertumik saqqummiunneqarpoq, arlallilli pissutigalugit utertinneqarsimalluni. Piffissami tulliuttumi siunnersuutip matuma saqqummiunneqarnissaata tungaanut siunnersuummi pingaarnertut ukuninnga allannguiteqartoqarsimavoq:

- § 4: Naammagittaalliuutip Napparsimasut Maalaarutaannik Aalajangiisartuni suliarineqarsinnaanera pillugu Nunatsinni Nakorsaneqarfik aalajangiisinnaassuseqarpoq. Taamaattorli § 3 naapertorlugu naammagittaalliuutip katsorsaanermik naammagittaalliuuteqarnertut suliarineqarsinnaanera periarfissaajaannarpoq.
- § 16: Meeqqamik annaasaqarluni taarsiivigineqarsinnaatitaasumik ajoquusernermut atatillugu taarsiissuteqartoqarsinnaanera ilanngunneqarpoq.
- §§ 17, 18 aamma 27 Taarsiissutissanik naatsorsuineq tunniussinerlu pillugit aalajangersakkat ilanngunneqarput.
- § 26: Eqqartuussivimmut suliassangortitsinissamut piffissaliussaq ilanngunneqarpoq.

## **2. Siunnersuummi immikkoortut pingaarerit**

### *2.1 Maannamut pingaarnertigut inatsisitigut inissisimaneq*

Kalaallit Nunaanni peqqinnissamut tunngasutigut sullisisut peqqinnissamut tunngasutigut sulinerat pillugu napparsimasuniit naammagittaalliuutit Danmarkimi Napparsimasut Maalaarutaannik Aalajangiisartunut suliassangortinnejartarpuit, taakku naammagittaalliummi pineqartoq imaluunniit pineqartut peqqinnissamut tunngasutigut sullisisut piginnaatitaanermut inatsit naapertorlugu pisussaaffinnik unioqqutitsisimanersut isummertarlutik.

Tamatuma saniatigut malittarisassat atuuttut malillugit peqqinnissaqarfiup sullissinera pillugu naammagittaalliuteqartoqarsinnaavoq, kisianni "pisortat peqqinnissaqarfiannit sullissineq" eqqaassanngikkaanni taaguummut suut ilaanersut inatsisini erseqqinnerusumik nassuiardeqarsimanani. Taamaalilluni sullissinivik (sullissineq) aamma sulianut tunngatillugu sulineq immikkoortinneqartarput.

Peqqinnissaqarfimmi kukkusumik katsorsarneqarnermut taarsiivigineqarnissamut periarfissat ullumikkut Inatsisartut inatsisaatigut aalajangersarneqarsimanngillat. Taamaattorli 2015-imiit Aningaasanut inatsimmi napparsimasunut taarsiissutinut nammineerluni immikkut aningaasaliisoqartarsimavoq.

## *2.2 Siunnersuutip pingaarnertut aaqqissuussanera*

Siunnersuut kapitalinut sisamanut agguagaavoq.

Siunnersuummi kapitali 1 siunnersuutip atuuffissaa kiisalu immikkoortoq nassuaaffiusoq pillugit immikkoortumik imaqarpoq.

Peqqinnissaqarfimmi peqqinnissamut tunngasutigut sulinerup aammalu peqqinnissamut tunngasutigut sullisisut peqqinnissamut tunngasutigut sulinerat pillugit naammagittaalliutiginissaannut periarfissat aamma naammagittaalliutigineqartumik katsorsaavimmik oqaloqateqarnissamut neqerooruteqartumik naammagittaalliutit suliarineqarnerat pillugit malittarisassat siunnersuummi kapitali 2-mi allassimapput. Taakku saniatigut peqqinnissaqarfimmi sullissinermi sulinivimmik naammagittaalliornissamut (sullinneqarnermut naammagittaalliutit) periarfissaqarneq aammalu peqqinnissamut tunngasutigut katsorsaanermut aalajangersimasumut tunngasuunngitsut, taamaattorli assersuutigalugu katsorsaavimmi illutigut pissutsit, sulisuni pissutsit, nerisaqartitsineq assigisaallu pillugit kapitalimi allassimasoqarpoq. Tamatuma saniatigut naammagittaalliutit tunniunnissaannut piffissaliussat allassimapput.

Napparsimasut ajoquusernerinut taarsiivigineqarnissamut periarfissat pillugit malittarisassat, tassunga ilanngullugit taarsiivigineqarnissamut piumasaqaatit aamma aningaasat taarsiissutaasussat annertussusilerneri kiisalu taarsiinissaq pillugu suliat qanoq suliarineqarnissaat pillugit siunnersuummi kapitali 3-mi allassimasoqarpoq. Taamatuttaaq napparsimasut ajoquusernerinut taarsiivigineqarnissamut piumasaqaatit pisoqalisoorneri pillugit malittarisassanik tunngatillugit kapitalimi allaqqasoqarpoq. Aammattaaq kapitalimiippoq ajoquusernerup taarsiissutaasussap malitsigisaanik 18-inik suli ukioqalernani meeqqap toquneranut tunngasumut angajoqqaatut oqartussaassuseqartunut ajunngitsorsiassat pillugit aalajangersagaq.

Suliat nunatsinni piareersarneqarnerisa kingorna suliat aalajangiiffigineqartussat Danmarkimi oqartussanit naliliiffigineqassasut siunnersummi aamma siunniunneqarpoq. Innuttaasumut sianiginninnissaq siullertut pissutaavoq, tassami danskit oqartussaasui pineqartut suliassaqarfimmut immikkut ilisimasanik pigisaqarmata Kalaallit Nunaanni angussallugit ajornakusoorsinnaasunik. Taamatut immikkut ilisimasaqarnermi danskit oqartussaasui aalajangiinernik assigiittunik eqqortunilu aalajangiinissaminut, sulanillu suliarinninnerup piffissaliiffigineranut tunngavissaqarluarnerussapput.

Siunertamut naammagittaalliornissamut immersuiffissaq elektroniskiusoq ineriartortinnejarsimavoq, taamaalilluni nunami tamarmi innuttaasut naammagittaalliornissamut suliassartaat pissarsiariuminarnerulerlutik

Siunnersummi kapitali 4-miipput atulersitsinissamut aalajangersakkat kiisalu siusinnerusukkut inatsisinut allannguutit.

### *2.3 Inatsisartut inatsisaata atuuffia*

Peqqinnissaqarfimmi peqqinnissamut tunngasutigut sulinermut aammalu peqqinnissamut tunngasuni atorfillit suliaat pillugit naammagittaalliutit aammalu Kalaallit Nunaanni peqqinnissaqarfimmi katsorsaanerup ingerlanera pillugu napparsimasut naammagittaalliornissaannut periarfissiisumik malittarisassanik eqquassinissaq pillugu siunnersummi ilaqrpoq. Peqqinnissamut tunngasutigut sulineq isornartuusimanersoq imaluunniit Napparsimasut inatsisitigut inissisimanerat pillugu Inatsisartut peqqussutaanni nr. 6, 31. maj 2001-imeersumi kapitali 2-5-imut akerliusumik katsorsaavik iliuuseqarsimanersoq pillugu naammagittaalliutit pillugit suliat Danmarkimi Napparsimasut naammagittaalliutaannik Aqutsisoqarfimmit imaluunniit Danmarkimi Napparsimasut Maalaarutaannik Aalajangiisartunit aalajangiiffigineqartassasut siunnersummi siunniunneqarpoq.

Tamatuma saniatigut siunnersuut peqqinnissaqarfimmi suliarinninnivimmik (sullinneqarnermut naammagittaalliutit) napparsimasup naammagittaalliornissaanut periarfissiisoq, sullissinerup pitsaassusaanut naammagittaalliutinik imaqrartoq ingerlateqqinneqarpoq, matumanik katsorsaavimmi inini pissutsit, sulisuni pissutsit, nerisaqarneq assigisaaluunniit pillugit apeqqutit ilanggullugit. Siunnersuut malillugu naammagittaalliutit peqqinnissaqarfimmi qullersanit suliarineqassapput katsorsaavik naammagittaalliutigineqartoq suleqatigalugu.

Peqqinnissaqarfimmi, pisortani oqartussani allani namminersortunilu katsorsartinnermut assigisaanulluunniit atatillugu Kalaallit Nunaanni ajoqusertunut napparsimasut ajoqusernerinut napparsimasunut napparsimasulluunniit qimataanut taarsiinissamut periarfissaq pillugu malittarisassanik siunnersummi nutaatut aalajangersaasoqarpoq.

Taarsiinissaq pillugu suliat Danmarkimi Napparsimasunut Taarsiissuteqartarfimmit aalajangiiffigineqartassasut siunnersuummi siunniunneqarpoq.

### *2.3.1 Inatsisit atuuttut*

#### *Peqqinnissamut tunngasutigut naammagittaalliuutit*

Napparsimasut Maalaarutaannik Aalajangiisartunut maalaaruteqarneq pillugu Namminersorlutik Oqartussat nalunaarutaat nr. 14, 24. september 2012-imeersumi malittarisassat atuuttut malillugit Kalaallit Nunaanni peqqinnissamut tunngasutigut sullisisut peqqinnissamut tunngasutigut sulinerat pillugu napparsimasuniit naammagittaalliuutit Danmarkimi Napparsimasut Maalaarutaannik Aalajangiisartunut suliassanngortinnejartarpuit Inuk inuilluunniit arlallit peqqinnissaqarfimmi sulisuuusut naammagittaalliummut ilaatinneqartut nalinginnaasumik suliatigut akuerisaasut maligassat atorlugit iliuuseqarsimanersut Peqqinnissaqarfimmi Napparsimasut Maalaarutaannik aalajangiisartut isummerfigisarpaat.

Peqqinnissamut tunngasutigut sullisisut aalajangersimasut pillugit naammagittaalliorsinnaaneq Inatsisartut Inatsisissaanni matumani ingerlateqqinnejartarpuit, aammalu Namminersorlutik Oqartussat nalunaarutaat atorunnaarsinnejassalluni.

#### *Sullinneqarnermut naammagittaalliuutit:*

Peqqinnissaqarfip sullissineranut il.il. naammagittaalliuutit pillugit kaajallaasitaq nr. 13, 19. december 2002-meersoq malillugu peqqinnissaqarfip suliarinninnivia pillugu naammagittaalliuuteqartoqarsinnaavoq. Immikkut ilisimasatigut sulineq pineqarnani "pisortat suliarinninniviat pisortat peqqinnissaqarfianit suliarineqartup" saniatigut naammagittaalliuutinut sullisinerni suut pineqarnersut inatsimmi immikkut killilerneqarsimanngillat.

Kaajallaasitami § 3-mi atuarneqarsinnaavoq Dronning Ingridip Napparsimavissuanut naammagittaalliuutit aamma Kalaallit Peqqissartut Angerlarsimaffiannut naammagittaalliuutit Dronning Ingridip Napparsimavissuani Napparsimavimmut Aqutsisunit suliarineqartartut, peqqissaaveqarfinnullu kiisalu kigutigissaaveqarfinnut naammagittaalliuutit Peqqinnissaqarfip Sinerissami Aqutsisunit suliarineqartartut. Tassunga atatillugu oqaatigineqassaaq Sinerissami Aqutsisut Nunap Immikkoortuani Aqutsisunit taarserneqarsimanerat.

Peqqinnissaqarfimmi sulinivik pillugu naammagittaalliorsinnaaneq ingerlateqqinnejarpoq aamma inatsisartut inatsisaanni matumani erseqqinnerusumik allaaserineqarluni kaajallaasitarlu atorunnaarsinnejarluni.

*Napparsimasut ajoquusernerinut taarsiineq:*

Kalaallit Nunaanni peqqinnissaqarfimmi napparsimasut ajoquusernerminnik taarsiiffigineqarnissamut qinnuteqarnissaannut periarfissat pillugit erseqqinnerusunik malittarisassanik aalajangersaasoqarsimanngilaq. Peqqissutsimut Naalakkersuisoqarfik 2017-imi taarsiivigineqarnissamut periarfissat pillugit quppersagaaqqanik saqqummersitsivoq, tassani qinnuteqaatip Nunatsinni Nakorsaaneqarfimmun nassiuinneqarneratigut taarsiivigineqarnissaq pillugu qinnuteqartoqarsinnaasoq allassimasoqarluni. Peqqinnissamut tunngasutigut katsorsaanermut atatillugu peqqinnissamut tunngasutigut sullisisup kukkusimanera, peqqinnissamut tunngasutigut katsorsaanermi kukkusosoqarsimanera pillugu naammagittaalliuteqarnermi napparsimasup isumaqatigineqarnera aammalu peqqinnissamut tunngasutigut toqqaannartumik kukkusosoqarnerata malitsigisaanik napparsimasup inuttut ajoquusersimanera taarsiivigineqarnissaq pillugu qinnuteqarnissamut piumasaqaataasut tassani takuneqarsinnaavoq. 2015-imiit aningaasanut inatsimmi napparsimasunut taarsiissutinut immikkut aningaasaliisoqartarsimavoq.

*2.3.2 Matumunnga siunnersuut*

Siunnersuummi eqqarsaataavoq Kalaallit Nunaanni naammagittaalliornissamut taarsiiffigitinnissamullu aaqqissuussinermik katitikkamik nutaamik aaqqissuussinikkut Peqqinnissaqarfimmi napparsimasut pitsaunerusumik sunniuteqarluarnerusumillu naammagittaalliornissamut taarsiiffigitinnissamullu periarfissaqalissasut.

Siunnersuummi matumani pingaartumik erseqqissarneqarput:

- Innuttaasut naammagittaalliuiteqarnissamut taarsiivigineqarnissamullu periarfissaat ataatsimoortinneqassapput.
- Nunatsinni Nakorsaaneqarfieuq ataani naammagittaalliutinik suliaqartumik allattoqarfimmik pilersitsisoqarnissaa siunniunneqarpoq, taamaalilluni innuttaasoq ataatsimik saaffissaqassaaq peqqissutsikkullu paassisutissat naammagittaalliutip suliarinerani ataasiinnarmi toqqortaatigineqassallutik.
- Katsorsaanerup pitsaasumik ingerlanissaa oqaloqatigiittarnissarlu qitiutinnejarput.
- Ilanniartitsineq pitsaassutsimillu ineriartortitsineq aamma Peqqinnissaqarfieuq pitsaunerulernissaa kukkunerillu pinaveersaartinnissaat qitiutinnejarput.
- Suliat imminnut attuumassuteqanngitsutut suliarineqarsinnaapput, taamaalilluni taarsiinissaq pillugu apeqqut Peqqinnissaqarfimmi Napparsimasut Maalaarutaannik Aalajangiisartut aalajangiisimanersut apeqqutaatinnagu (imaluunniit oqartussaasunit allanit), aamma aalajangiisimanerup inernera apeqqutaatinnagu suliarineqarsinnaalluni.

Naammagittaalliuteqarnermut taarsiivigeqqunissamullu tunngatillugit suliat pillugit suliarinninneq Danmarkimi ingerlanneqassasoq siunniunneqarpoq. Taamaammat

Pisoqalisoorneq pillugu inatsit 22. december 1908-meersoq suli Kalaallit Nunaanni atuuttoq aallaavigalugu allaanerusunik pisoqalisoornissamut piffissaliunneqartut allat atuupput. Napparsimasut naammagittaalliutaannut Aqtsisoqarfipq peqqinnissaqarfimmi peqqinnissatigut suliad pillugit naammagittaalliuutinik suliarinnituussaaq, Napparsimasut Maalaarutaannik Aalajangiisartut peqqinnissamut tunngasutigut sullisisut pillugit naammagittaalliutinik suliarinnituussallutik, aammalu Napparsimasunut Taarsiissuteqartarfiup taarsiinissamut sulianik suliarinnituussalluni. Tassani inatsisitigut inissisimaffiup allanngortinneqarnera pineqangnilaq, suliali suliarineqartarnerisa aaqqissugaanerat aamma suliassap suliarineqarnissaanut paassisutissanik pisortatigoortunngorsaanissaq amerlanernillu pissarsisinnaaneq pineqarlutik. Napparsimasoq eqqarsaatigalugu assigiinngisitsinissaq suliallu pisariaqanngitsumik sivisumik suliarineqarnissaat pinngitsoortinniarlugit sulianik suliarinninnermi ingerlaavartumik assigiissaarisumillu suliarinnittoqartariaqartoq naliliisoqarpoq. Taamatut eqqarsaatiginninneq annertuutigut Danmarkimi oqartussanit attuumassuteqartunit akuerineqartussaassaaq, taakku suliad akuttunngitsumik pisariusut suliarinissaannut nalilersonissaannullu paasisimasaqarmata. Oqartussat taakku ukiut ingerlanerini suliassaqarfimmi immikkut ilisimasaqaleriartornikuupput, tamannalu maani nunatsinni sulisunik attasiinnarnissamik unammilligassaqarfiusumi angunissaa ajornakusoorpoq. Eqqartuussinermi suliaasinnaasutut pilersinneqarsinnaasuni Naalakkersuisut nukittunerumik inissismassasut aammattaaq naliliisoqarpoq. Taamaammat ataatsimoortumik isiginninneq aallaavigalugu suliad Danmarkimi suliarisassanngorlugit aalajangiiffigisassanngorlugillu nassiunneqartarnissaat tulluartusoq naliliisoqarpoq.

### *2.3.2.1. Peqqinnissamut tunngasutigut sulineq pillugu Naammagittaalliut(katsorsaavik ataaseq arlallilluunniit pillugit naammagittaalliutit)*

Peqqinnissaqarfimmi peqqinnissamut tunngasutigut sulineq pillugu napparsimasut naammagittaalliornissamut periarfissaat nutaaq siunnersummi aalajangersarneqassaaq.

Aalajangersakkap siunnersuutigineqartup kingunerisaanik peqqinnissamut tunngasutigut sullisisumik aalajangersimasumik imaluunniit peqqinnissaqarfimmi sulisunik aalajangersimasunik naammagittaalliuteqanngikkaluarluni peqqinnissaqarfimmi suliadigut sulinermik naammagittaalliornissaq periarfissaalerpoq. Taamaalillutik napparsimasut suliadigut sulinerup aalajangersimasup tamarmiusup isornartuuusimanersoq pillugu nalilersonissamut periarfissaqalerput. Danmarkimi Napparsimasut Maalaarutaannik Aalajangiisartunut maalaaruteqartarneq pillugu Namminersorlutik Oqartussat nalunaarutaat nr. 14, 24. september 2012-imeersoq malillugu peqqinnissamut tunngasutigut sullisisunik aalajangersimasunik naammagittaalliorsinnaaneq attatiinnarneqassaaq, aammalu Namminersorlutik Oqartussat nalunaarutaat atorunnaarsinnejassalluni.

Siunnersuutip kingunerisaanik napparsimasut peqqinnissamut tunngasutigut sulinermik naammagittaalliortut katsorsaavimmik oqaloqateqarnissaq pillugu neqeroorfigineqarnissamik piumasaqalersinnaalissapput.

Siunnersuut malillugu Danmarkimi Napparsimasut naammagittaalliutaannut Aqutsisoqarfik peqqinnissaqarfimmi peqqinnissamut tunngasutigut sulineq pillugu naammagittaalliutinik aalajangiissapput, aammalu Danmarkimi Napparsimasut Maalaarutaannik Aalajangiisartut peqqinnissamut tunngasutigut suliaqartussat peqqinnissamut tunngasutigut sullisisutut akuerisat pillugit naammagittaalliutinik aalajangiisassallutik. Napparsimasut naammagittaalliutaannut aqutsisoqarfik aammalu Napparsimasut Maalaarutaannik Aalajangiisartut isornartorsiunissamut tunngavissaqarnersoq pillugu aalajangiinermanni peqqinnissaqarfip napparsimasumik katsorsaanermini peqqinnissamut tunngatillugu suliatigut sulinerani ataatsimut isigalugu pitsaassuseq nalinginnaasumik akuerisaq malinneqarnersoq pillugu isummissapput.

#### *2.3.2.2. Peqqinnissaqarfimmi suliarinninnivimmik naaammagittaalliorneq (sullinneqarnermut naammagittaalliutit)*

Peqqinnissaqarfimmi sullisinermi sulinivimmik naammagittaalliuteqarnissamut napparsimasut periarfissaqarnerat peqqinnissamullu tunngasutigut sulinermik naammagittaalliuteqarneq siunnersummi malittarisassani ilaatinneqanngitsoq siunnersummi ingerlateqqinnejarpooq. Aalajangersakkamut assersuutigalugu ilaassapput sullissinerup qaffassisssuaniik naammagittaalliutit, tassunga ilanngullugit katsorsaavimmi inini pissutsit, sulisut pissusaat, nerisaqartitsineq assigisaallu.

Siunertaq tassaavoq kukkunerit ilinniarfiginissaat katsorsaanermut atasunik napparsimasunut pissutsit pitsaanerulersinnissaat aamma saaffiginnissut katsorsaavimmi ilinniartitsinermut qanoq atorneqarnera pillugu napparsimasunut ilisimatitsineq, taamaalillunilu Peqqinnissaqarfimmut tatiginninneq pilerseqqillugu.

Sullinneqarnermut naammagittaalliutit katsorsaavimmiunngitsoq immikkoortumilli allamit qulaajarneqarlutillu aalajangiiffigineqartassasut siunnersutigineqarpoq. Taamaamat siunnersuut malillugu sullinneqarnermut naammagittaalliuut peqqinnissaqarfimmi qullersanit suliarineqassaaq. Tamatuma saniatigut paasissutissiissutigineqassaaq peqqinnissaqarfimmi aqutsisutut qullersat taakkummata sullisinernut naammagittaalliutinik Nunatsinni Nakorsaaneqarfimmiit tigusisarlutillu kingornalu taakkununnga suliarinnittartut. Suliarinninnermut atasunik naammagittaalliuut peqqinnissaqarfimmi aqutsisutut qullersat suliarinniffimmut naammagittaalliutigineqartumut tusarniaatigalugu nassiuutissavaat. Assersuutigalugu peqqissaavinnut naammagittaalliorqarsimappat naammagittaalliut

peqqinnissaqarfimmi aqutsisutut qullersat Nunap Immikkoortuinut Aqutsisunut tusarniaatigalugu nassiuressavaat, taannaavorlu peqqissaaviit qullersaqrifiat.

### *2.3.2.3. Napparsimasut ajoquusernerinut taarsiineq*

Peqqinnissaqarfimmi, pisortani oqartussani allani namminersortunilu katsorsartinnermi assigisaanulluunniit Kalaallit Nunaanni ajoquusernernut napparsimasut imaluunniit napparsimasunut qimataasut siunnersuutikkut taarsiivigineqarnissaat periarfissaalissaq.

Taamaalillutik katsorsaaviit tamarmik peqqinnissaqarfimmum, Kalaallit Nunaanni oqartussanut allanut imaluunniit Peqqinnissaqarfip aqunneqarnera, aaqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersoq naapertorlugu namminersortunut atassutillit aalajangersakkamut ilaapput.

Inatsit malillugu ajoquusernerit suut taarsiivigineqarsinnaanersut siunnersuutikkut aalajangersarneqarput. Pisuni sorlerni napparsimasoq imaluunniit – toqusoqarnerani – taassuma qimataa napparsimasup ajoquusernera pillugu taarsiivigineqartussaatitaanera aamma aalajangersarneqarpoq. Peqqinnissaqarfimmi Danmarkimi naammagittaalliuuteqarsinnaaneq taarsiivigitissinnaanerlu pillugit inatsimmi taarsivigininnissamut piumasaqaatit assigiippit, taamaattorli Kalaallit Nunaanni pissutsit immikkut ittut atuuttullu nalorninartortaqartillugit.

Siunnersuummi § 11, nr. 1, napparsimasumik misissuinermut, katsorsaanermut il.il. atatillugu kukkunernut taarsiisoqarnissaanut periarfissiivoq, immikkut ilisimasalimmit allaanerusumik suliarinnissinnaagaluarpat. Tassunga ilaatigut nappaatip kukkusumik suussusersineqarnera pissutigalugu kukkusqarnera apeqqutaatinagu imaluunniit nakorsaanikkut isiginninneq aallaaviginagu pissutsilli allat pissutigalugit katsorsaasoqarnera imaluunniit paarlattuanik, nakorsaanikkut isiginninneq aallaavigalugu katsorsaasoqannginnera apeqqutaatinagu kukkusumik katsorsartinnerit suulluunniit ilaapput. Taakkua saniatigut katsorsaariaatsip imaluunniit katsorsaanermi teknikkip kukkusup atorneqarsimanera kiisalu katsorsaanermi imaluunniit katsorsaanerup kingorna napparsimasumik nakkutilliinermi kukkusqarnera pissutigalugu ajoquusernerit ilaapput.

Katsorsaanermut il.il. peqqinnissamut tunngasutigut sullissisup aalajangersimasup suli annerusumik sissuerneratigut kukkunermik sumiginnaanermilluunniit pinngitsoortitsisimasinnaagaluartutut pisuutinnissaa piumasaqaataanngilaq.

§ 11, nr. 1 malillugu nakorsaammik pineqartumik kukkulluni tunniussisoqarpat imaluunniit taassuma atorneqarnissaanut ilitsersuut peqqinnissamut tunngasutigut sullissisumit

malinneqanngippat nakorsaatit ajoqusiinerat taamaallaat taarsiinissamut aaqqissuussinermut ilaapput.

Taakku saniatigut siunnersuummi § 11, nr. 2-4-mi malittarisassat malillugit ajoquserneq taarsiivigineqarsinnaatitaasoq akuerineqarsinnaavoq ajoquserneq misissuinermut, katsorsaanermut assigisaanulluunniit atatillugu teknikkikkut atortuni, sakkuni allatigulluunniit atortuni atorneqartuni kukkunermik ajutoornermilluunniit peqquteqarpat, ajoquserneq nakorsaanikkut isiginninneq aallaavigalugu napparsimasup nappaataanik katsorsaanissamut taamaaqataanik sunniuteqartoq katsorsaariaaseq imaluunniit katsorsaanermi periaaseq pigineqartoq alla atorlugu pinngitsoortinnejqarsinnaasimagaluartoq kingornatigut nalilerneqarpat, imaluunniit misissuinerup malitsigisaanik, tassunga ilanggullugu nappaatip suussusernera, imaluunniit katsorsaanermi ima annertutigisumik napparsimasup naammaginartumik sapigaanik annertunerusumik aseruuttoqarluni imaluunniit nappaat nassataqarluni.

§ 15-imut siunnersuut malillugu napparsimasut ajoqusernerinut taarsiissutissat taarsiissuteqarnissamut akisussaaneq pillugu inatsimmi, peqqussutikkut nr. 796, 1. oktober 1993-ikkut kingusinnerusukkut allannguuteqartukkut Kalaallit Nunaannut atuutilersinneqartumi malittarisassat malillugit annertussusilerneqartarput. Napparsimasumut taarsiineq ajunngitsorsiassallu taarsiissutissaniit ajunngitsorsiassaniillu nammineq akiliutit ilanngaatigeriarlugit tunniunneqartarput. Taarsiinerit ajunngitsorsiassallu suliap piffissamut aalajangiiffigneranut qummut iluarsineqassapput aamma suliap aalajangiiffigneraniit sapaatit akunnerinik tallimanit kingusinnerusumiit aningasat tunniunneqarpata ernialerneqassallutik. Taanna peqqinnissaqarfip iluani naammagittaalliueteqarnissamut taarsiivigineqarnissamullu periarfissat pillugit danskit inatsisaanni malittarisassanut naapertuuppoq.

Kalaallit Nunaanni Nunatsinni Nakorsaaneqarfimmit naammagittaalliummik tunniussiffiusumi aallarniutaasumik suliamik piareersaareernerup kingorna Danmarkimi Napparsimasunut Taarsiissuteqartarfik taarsiinissamut nassiutereernerani suliani aalajangiisassasoq siunnersuutigineqarpoq.

#### *2.3.2.4 Taarsiissutaasinnaasumik iliuuseqarnerup malitsigisaanik meeqqap toqunerani ajunngitsorsiassat*

Siunnersuummi § 16-imiippoq katsorsartinneqartup taarsiiffigneqartussamik ajoquserneranut atatillugu meeqqamut toqusumut angajoqqaatut oqartussaassuseqartunut ajunngitsorsiassat pillugit aalajangersagaq.

Ajunngitsorsiassap taassuma siunertaraa meeqqamik annaasaqarnermut atassuteqarsinnaasumik nalinginnaasumik aningaasaqarnikkut aningaasartuutinut

taarsiinissaq, soorlu napparsimanermik nalunaaruteqarneq imaluunniit tarnip pissusaanik ilisimasalimmit ikiorneqarneq. Taamaattorli aalajangersakkap taassuma meeqqap annaaneqarnera pillugu taarsiinissamik siunertaqanngilaq, taamaattumik "taarsiinermut" taarsiullugu "ajunngitsorsiassaq" atorneqarpoq.

### **3. Pisortanut aningasaqarnikkut allaffissornikkullu kingunerisassat**

#### *3.1. Naammagittaalliutit pillugit sulianut allattoqarfik*

Inatsisisatut siunnersuummi Nunatsinni Nakorsaaneqarfipataani naammagittaalliutit pillugit sulianut allattoqarfimmik pilersitsisoqassasoq siunnersuummi siunniunneqarpoq. Taamaalilluni naammagittaalliutit pillugit suliat katersornerisigut assigiaartumillu suliarinerisigut isumalluutit allamut atugassaalersut sulinermi tassani ilaanissaat siunertaavoq. Naatsorsuutigineqarpoq pilersitsinermut aningasartuutit tassunga atatillugu ilinniagaqtumik fuldmægtigimut naapertuuttuk ukiumut 600.000 kr.-it missaannik akissarsiatigut aningasartuutaassasut.

#### *3.2. Peqqinnissamut tunngasutigut naammagittaalliutit*

Peqqinnissaqarfipaqunneqarnera, aaqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaata allanngortinneqarneranik Inatsisartut inatsisaat nr. 2, 29. maj 2012-imeersumut (Napparsimasut Maalaarutaannik Aalajangiisartunut maalaaruteqarneq) nassuaatinit takuneqarsinnaavoq 1992-imi peqqinnissaqarfipaqunneqarnera sioqqullugu Kalaallit Nunaanni peqqinnissamut tunngasutigut napparsimasut naammagittaalliutaannik Danmarkimi oqartussat isumaginnittuusimasut. Taamaalilluni periutsimik pisoqaanerusumik ingerlatitseqqinnej pineqarpoq.

Peqqinnissaqarfipaqunneqarnera, aaqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaata allanngortinneqarneranik Inatsisartut inatsisaat nr. 2, 29. maj 2012-imeersumut (Napparsimasut Maalaarutaannik Aalajangiisartunut maalaaruteqarneq) nassuaatinit takuneqarsinnaavoq 1992-imi peqqinnissaqarfipaqunneqarnera sioqqullugu Kalaallit Nunaanni peqqinnissamut tunngasutigut napparsimasut naammagittaalliutaannik Danmarkimi oqartussat isumaginnittuusimasut. Taamaalilluni periutsimik pisoqaanerusumik ingerlatitseqqinnej pineqarpoq.

2017-imi naammagittaalliutit suliarineqartarnerannut danskit naalagaaffiata aningasartuutai suliamut ataatsimut 17.362 kr.-ninut naatsorsuiffigineqarpoq.

#### *3.3. Taarsiinissaq pillugu suliat*

Taarsiiressaq pillugu suliat manna tikillugu inatsisinik tunngaveqanngitsumik suliarineqartarsimapput.

Napparsimasunut Taarsiissuteqartarfiup naammagittaalliuutit pillugit sulianik suliarinninneq tigijumaaraa siunnersummi tunngavissinneqarpoq. Napparsimasunut Taarsiissuteqartarfiup nalunaarutigaa suliassamik taassuminnga suliaqarusullutik. Napparsimasunut Taarsiissuteqartarfiup suliassat 14.919 kr.-nik akilersillugit suliarissallugit naatsorsuutigalugu paasissutissiissutigaa. (2024-mi akit) suliassamut ataatsimut aamma akia momsitaqanngilaq. Akiali ingerlaavartumik nalimmassarneqartarpoq aningaasartuutiviillu assigalugit.

Tamatuma saniatigut Napparsimasunut Taarsiissuteqartarfimmut Suliareqqitassanngortitanik Aalajangiisarfiup Naammagittaalliuut suliassat taarsiivigininnermut tunngasut suliarinissaannut siunnersuummi tunngavissinneqarpoq. Tamannali peqqinnissaqarfiup iluani naammagittaalliorsinnaaneq taarsiisinnaanerlu pillugit inatsimmi tunngaveqartariaqarpoq, taamaattumillu Danmarkimi inatsit allanngortinneqartariaqarluni, inatsit tamanna december 2023-mi danskit folketingiani allanngortinneqarpoq aamma tamanna peqqinnissaqarfiup iluani naammagittaalliuteqarnissamut taarsiiffigitinnissamullu periarfissat pillugit danskit inatsisaanni § 58 b imm. 5-mik nutaamik immikkoortortaqalerpoq.

Inatsisinik allannguinerit saniatigut Napparsimasunut Taarsiissuteqartarfimmuit Suliareqqitassangortitanik Aalajangiisarfimmik Naammagittaalliuut isumaqtigiissuteqartoqassaaq, taakkunannga suliassanik suliariinninnerut assigisaannullu aningaasartuutit allassimassapput. Aningaasartuutip taassuma akilernissaanut Aningaasanut inatsimmi aningaasanik naammattunik aningaasaliisoqarnissaa anguniarneqarpoq. Naatsorsuutigisatut tamanna ajornassappat aningaasartuutit peqqinnissaqarfimmi maannakkut immikkoortinnejareersimasut iluanni qanoq akilernejarsinnaanersut qulaajarnejeqassaaq.

Nunat Avannarliit sinnerini naammagittaalliuutit nalinginnaasumik ingerlanneqartarnerattut ingerlatsinissaq ammaanneqartussaammat taarsiissuit tunniunneqartut taamaaqataanik qaffassasut naatsorsuutigineqarpoo.

Napparsimasut taarsiiffiginissaannut sulianut aningaasartuutit ulloq manna tikillugu Peqqissutsimut Naalakkersuisoqarfimmuit tunniunneqartarsimapput, sillimmasiisoqarsimangilarlu, soorluttaarlu Namminersorlutik Oqartussani suliffiup iluanut tunngatillugu sillimmasiisarnermut aaqqissuussisoqanngitsoq. Aningaasartuutaasartut siusinnerusukkut 1,5 mio. kr.-nit missaanniittarsimapput, taakkulu napparsimasut taarsiiffigitinnissaannut suliat tunniuttarnerannut aningaasaliissutinut siusinnerusukkut inatsisitigut pisussaaffiusunut naapertuupput. Siunnersuut manna aqqutigalugu napparsimasut naammagittaalliuutaannut suliassaqarfik annertusineqarpoq, naatsorsuutigineqarporlu taarsiinissanut sulianut aningaasartuutit ukiumut 7 mio. kr.-ninut qaffassasut. Tamakku 2024-mut aningaasanut inatsimmut ukiunullu missingersuusiorfiusunut ilanngunneqarput.

Aningaasanut taamaallaat ilaapput taarsiinerit akilerneri taamaalillunilu allaffissornermut suliallu sularinerinut aningaasartuutaanngitsut.

§ 23, nr 1 aamma 2-mut siunnersuut malillugu pisortat peqqinnissaqarfiata iluani katsorsartinnerup aamma Naalakkersuisut akisussaaffigisaanni pisortani oqartussani allani katsorsartinnerup kingorna ajoquusernerit pillugit taarsiernernut aningaasartuutit Naalakkersuisunit akilerneqassapput, kommuninilu pisortat sullissiviini katsorsartinnerup kingorna ajoquusernerit pillugit taarsiernernut aningaasartuutit kommuninit akilerneqassallutik.

### *3.4 Meeqqamut toqukkut qimaguttumut ataasiarluni akiliineq*

§ 16-imut siunnersuut malillugu ajoquusernerup malitsigisaannik suli 18-inik ukioqalersimanngitsumut meeqqamut toqusumut angajoqqaatut oqartussaassuseqartumut imaluunniit oqartussaassuseqartunut ajunngitsorsiassat nalunaarutigineqarput, tak. Kapitali 3. Nalunaarut atuutilerpat aningaasat annertussusaat aaqqiivigineqassapput. Naatsorsutigineqarpoq aalajangersagaq taanna pisortanut annikitsumik aningaasartuuteqartitsinermik kinguneqassasoq, qularnaatsumillu ilisimaneqarnissaa ajornaraluartoq ukiut siuliinit oqaluttuat takutippaat suliat taamatut ittut ukiumut ataatsip missaannik amerlassuseqartartut.

## **4. Inuussutissarsiortunut aningasaqarnikkut allaffissornikkullu kingunerisassai**

Inatsisartut inatsisaat taarsiiffigitinnissamut naammagittaalliuuteqarnissamullu annertunerusumik periarfissiivoq, tamannalu peqqinnissakkut ilinniarsimasunik sulinermik ingerlataqartunut suliffeqarfinnut namminersortunut aningaasartuuteqarnermik kinguneqarsinnaalluni, taarsiilluni akiliinikkut aamma atortussat oqaaseqaatillu oqartussanut naleqquttunut nassiunnerinut isumalluutinik atuinikkut.

§ 23, nr. 3-mut siunnersuut malillugu pisortani peqqinnissaqarfiup avataatigut ingerlanneqarsimasut katsorsaanerit malitsigisaanik ajoquusernerit pillugit katsorsaasarfiit namminersortut taarsiisussaatitaapput. Taamaattorli suliffeqarfik namminersortoq peqqinnissakkut ilinniarsimasumik sulisoqartoq taarsiilluni akiliinernut matussutissanik sillimmasiisariaqanngilaq. Sulisut kattuffiat Pension og Forskning oqaloqateqatigereerlugu ilisimatitsissutigineqarpoq taamatut sillimmasiinissamut neqeroorummik Kalaallit Nunaanni peqanngitsoq taamaattumillu naliliisoqarluni sillimmasiinissamut pisussaaffiup maannakkut equnneqarnera tulluassanngitsoq. Siunnersuummili sillimmasiinissamut piumasaqaatit pillugit nalunaarummik nalunaaruteqarnissaata tunngavissinneqarnissaa qulakkeerneqassaaq. Sillimmasiissutit attuumassuteqartut Kalaallit Nunaanni pissarsiarineqarsinnaalerpata aamma tamanna pillugu piumasaqaateqarnissaq attuumassuteqarsorineqarpat tunngavissiineq tamanna atorneqarsinnaavoq.

## **5. Avatangiisinut, pinngortitamut inuillu peqqissusaannut kingunerisassai**

Siunnersuut avatangiisinut pinngortitamullu kinguneqartitsissangitsoq naliliisoqarpoq, kisianni naammagittaalliuteqarnissamut periarfissap annertusineratigut ilikkagaqarnissamut annertuumik periarfissaqarpoq taamaalillunilu peqqinnissakkut neqeroorutit pitsaanerulernissaannut tunngavissaqarluni taamaalillunilu innuttaasut peqqinnerulersinnaallutik.

## **6. Innuttaasunut kingunerisassai**

Peqqinnissaqarfiup iluani naammagittaalliutit taarsiinissallu pillugit sulianik suliarinninnermut atatillugu innuttaasut inatsisitigut isumannaallisaanikkut annertuumik siunnersuummi pitsangorsaaffigineqarput. Tamatumani siunnersuutikkut peqqinnissaqarfiup peqqinnissamut tunngasutigut sulinera pillugu naammagittaalliuteqarsinnaanerup, peqqinnissamut tunngasutigut sullissineq peqqinnissamut ilinniarsimasut akuerisaasut pillugit maalaarsinnaatitaanerup kiisalu napparsimasut ajoquaternut taarsiivigitinnissamut qinnuteqarsinnaanerup periarfissinneqarnera tunuliaqtarineqarput.

## **7. Kingunerisinnaasai pingarnerit allat**

Siunnersuut annertuunik allanik kinguneqassanngitsoq naliliisoqarpoq.

## **8. Oqartussaasunik aamma kattuffinnik il.il. tusarniaaneq**

Siunnersuut ullormi 15. maj 2021 [www.naalakkersuisut.gl-imi](http://www.naalakkersuisut.gl-imi) tusarniaanernut nittartagaq aqutigalugu, akissuteqarnissamut 11. juni 2021 killigitillugu tamanut saqqummiunneqarpoq. Tusarniaanermut akissutigineqartut oqaaseqaatinik ilaqaqtut oqaatsit atorneqartut allanngortinnagit oqaatigeqqinneqarput, siunnersummullu ilanngussaq 1-impi pisariaqartitsineq naapertorlugu oqaaseqarfingineqarlutik. Tusarniaanermut akissutigineqartunut oqaaseqaatit uingasumik allassimapput.

Siunnersuut maannakkutut isikkoqartillugu piffissami 18. januar 2024-imiit 16. februar 2024-imut qulaani allaaserineqartoq suleriaaseq malillugu kingumut tusarniutigineqarsimavoq. Tusarniaanermit akissutit piffissami tessani tiguneqartut ilanngussaq 1-impi suliarineqarput. Piffissaq tusarniaaffusoq ilanngussaq 1-impi sammineqarpoq.

## **Siunnersuummi aalajangersakkanut ataasiakkaanut nassuaatit**

### *§ 1-imut*

§ 1-imut siunnersuummi Inatsisartut inatsisaata atuuffia aalajangersarneqarpoq.

#### Imm. 1-imut

Inatsisartut inatsisaatigut Kalaallit Nunaanni peqqinnissaqarfíup iluani naammagittaalliuteqarnissamut taarsiinissamut periarfissaq sunniuteqarluartoq equnneqassaaq peqqinnissaqarfímmi peqqinnissamut tunngasutigut sulinerat pillugit, peqqinnissamut tunngasuni atorfillit akuerisat suliaat pillugit, suliarinninnivik pillugu naammagittaalliutteqarnermut (sullinneqarnermut naammagittaalliutit) naammagittaalliututinut, piviusumik sulineq pillugu naammagittaalliututinut kiisalu napparsimasut ajoquusernerinut taarsiinissaq pillugu sulianut ataatsimut maalaartarnermut aaqqissuussinermik pilersitsisoqassaaq.

"Peqqinnissakkut ilinniarsimasutut sulinermut" innersuussinermi eqqarsaatigineqarpoq peqqinnissakkut ilinniarsimasutut katsorsartinnerup sumi ingerlanneqarsinnaanerata annertuunngorlugu paasineqarnissaa. Taamaalilluni naammagittaalliutteqarsinnaaneq taarsiivigineqarsinnaanerlu pisortat napparsimmaviutaanni imaluunniit pisortat kigutileriffiutaanni peqqissutsimik suliallit suliarinninnerannuunnaq killeqanngilaq, taamaattorli sumiiffimmut killilerlugu Kalaallit Nunaanniinnaq suliarinninnermut taamaallaat ilaatinneqarpoq, taamaattorli § 10, imm. 3 takuu. Telemedicinikkut Rigshospitalemit oqaloqatiginnittarnerit assersuutigalugu ilaatinneqanngillat, tassami tamakku Danmarkimi ingerlanneqartarmata. Tamanna pillugu suliat danmarkimi malittarisassat malillugit suliarineqarsinnaapput. Naammagittaalliuteqarnissamut taarsiinissamullu periarfissat aamma sumiiffinni allani peqqinnissakkut ilinniarsimasut katsorsaanerni atuuppoq, peqqinnissaqarfímmi sulisoq katsorsaanermik suliaqartoq akuersissuteqarpat.

#### Imm. 2-mut

Aalajangersakkamut siunnersuut malillugu kakiuisartut pinnersaallutillu katsorsaasartut inatsimmut ilaangillat. Kakiineq imaluunniit pinnersaalluni katsorsaaneq inuup pingarnertut inuussutissarsiutigineraa, saniatigut inuussutissarsiutigineraa imaluunniit nuannariinnarlugu ingerlatarineraa matumani apeqquaatinneqanngilaq. Pinnersaalluni katsorsaanerit, peqqinnissakkut ilinniarsimasut nakorsaanikkullu akuersissutillet, Inatsisartut inatsisaannut ilaapput, tamanna imm. 1 aamma 2-mi aallaaveqalersinnaavoq.

Kakiortinneq aallaaviatigut taaguummut "katsorsaanermut" ilaangilaq. Taamaattorli napparsimasup katsorsarneranut atatillugu kakiuineq, katsorsaaneq pillugu taaguummut ilaavoq. Nakorsaanikkut kakiuinissamik pisariaqartitsineq pissutigalugu napparsimasunik katsorsaanermut atatillugu kakiuineq nakorsaanikkut kakiuinermik taaneqartarpooq. Nakorsaanikkut kakiuineq napparsimmavissuarni atorneqarnerpaasarpooq. Katsorsaanermut atatillugu kakiuineq assersuutigalugu tassaapput qinnguartartilluni katsorsaanermi qinnguartartiffissanik nalunaaqutsiineq aamma qinnguartaammik misissuinermut atatillugu ameraasanik nalunaaqutsiineq. Iluarsaaqqinnermi, assersuutigalugu iviangikkut kræfteqarnermi pilattartinnerup kingorna mulinut assingusunik "nutaamik" kakiuineq imaluunniit napparsimasunik amermi nalinginnaasumi timip qalipaataata milattut ittunik qaqtortaqalersimasunik, taamatut nappaatillit amiinik kajorsaalluni imaluunniit napparsimasunut qallunik katagarnermik kinguneqartitsisumik nappaatilinnik kakiuineq aamma atorneqartarpooq. Tamatuma saniatigut nakorsaanikkut kakiuineq aamma iluarsiierni, assersuutigalugu pilatsinnerup kingorna ammip qalipaataa nalinginnaasoq pilerseqqinniarlugu, kiinnami qileqqumik qaqtumik kajorsaalluni kakiuineq atorneqartarpooq. Taamaalillutik kakiuisartut, nakorsaanikkut kakiuinernik suliaqartut Inatsisartut inatsisaannut matumunnga ilaapput.

Pinnersaalluni suliarinnitarneq iluarsiiilluni sulinertut nassuiarneqarpoq, tassani pinnersaanissaq imaluunniit isikkumik allanngortitsinissaq pitsanngorsaanissarluunniit pingaarnertut siunertaralugit katsorsaanissamut pingaarutilimmik pisariaqartuussallutik. Tassa imaappoq pinnersaalluni katsorsaanermi pilattaaneq allatigulluunniit suliarinninnerit pineqarput, taakkunani pinnersaanissaq pingaarutilimmik pisariaqartuussalluni aammalu isikkup allanngortinnissaa pitsanngorsarnissaaluunniit pingaarnertut siunertarineqassalluni. Tamanna inatsisartut inatsisaanni matumani "katsorsaaneq" pillugu nassuaammut naapertuitinngilaq (§ 2, imm. 1-imut nassuaatit takukkit). Tamannalu assersuutigalugu isumaqarpoq botox-imut suliaritinnermut ajoquteqalernermik kinguneqartumut Inatsisartut inatsisaat manna malillugu naammagittaalliuuteqartoqarsinnaassanngitsoq taarsiissutinulluunniit qinnuteqartoqarsinnaassanngitsoq.

Pilattaanerit pinnersaallunilu suliarinninnerit allat, isikkup allanngortinnissaanut isikkorissaanissamillu siunertallit, peqqinnissamullu tunngasutigut sullissisumit timikkut tarnikkullu (nakorsaalluni) suliarinninnertut ingerlanneqartut matumani Inatsisartut inatsisaannut ilaapput, tassunga ilanngullugit ilaatigut kræftimik napparsimanerup kingorna iluarsaassinerit, meeqqat pissusissamisuunngitsumik ajoqutaannik pilattaanerit imaluunniit katsorsarneqarsinnaanngitsumik migrænertarnermut botoximik katsorsaanerit.

Imm. 3-mut

Tarnimikkut napparsimasunik nammineersinnaajunnaarsitsisarneq allatigullu pinngitsaaliissummik iliuuseqartarneq pillugit (Tarnimikkut napparsimasunik nammineersinnaajunnaarsitsisarneq allatigullu pinngitsaaliissummik iliuuseqartarneq pillugit Inatsisartut Inatsisaat nr. 11, 12. juni 2019-imeersumi) malittarisassat atuuttut malillugit suli suliarineqartassapput aamma Inatsisartut inatsisaanni matumani malittarisassanut ilaanatik.

#### Imm. 4-mut

Nakorsaatit aalajangersimasut piginnaasaannik taamaallaat peqquteqartut ajoquusernerit pillugit taarsiinerit inatsisartut inatsisaanni matumani malittarisassanut ilaanngillat.

#### Imm. 5-imut

Peqqinnissamut tunngasutigut sullisisut allat inatsisartut inatsisaat manna malillugu nalunaarummi akisussaanermut ilaasinnaanerannik aalajangersaanissamut aalajangersakkami Naalakkersuisut piginnaatinneqarput. Inatsisartut inatsisaanni siunertap akuerinissaanut napparsimasullu naammagittaalliuteqarnissamut taarsiiffigineqarnissamullu periarfissai eqqarsaatigalugit pisariaqalersoq paasineqarpat piginnaatitsissut atorneqassasoq pingartumik eqqarsaatigineqarpoq.

#### § 2-mut

#### Nr. 1-imut

"*Peqqinnissaqarfik*" ima paasineqassaaq peqqinnissaqarfik tamarmiusoq, matumani napparsimmaviit, peqqissaaviit, peqqissaaveqarfiiit, nunaqarfinni nakorsiartarfiiit il.il. Taamaalilluni taagummi Kalaallit Nunaanni Kigutileriffeqarfiiit, kigutileriffiit namminersortut, Nunatta Nakorsaataasivia, nunap immikkoortuini tallimani peqqissaaviit aamma Dronning Ingridip Napparsimmavissua pineqarput. Inatsisartut Inatsisissaat una Pituffiup sakkutooqarfiaita iluani Kalaallit Nunaanni peqqinnissaqarfimmit nakorsartinnissamik pisariaqartitsisunik misissuinerunngippat nakorsartinnissamullu innersuussinerunngippat, Pituffiup sakkutooqarfiani peqqinnissakkut sullisisunut atuutinngilaq.

Napparsimmavissuarmut uninnissaq sioqqullugu suliniutit peqqinnissaqarfimmit ingerlanneqartut aamma ilaapput. Namminersorlutik katsorsaasartut aaqqissuussinermut ilaasut ikittuinnaapput. Katsorsaaviit namminersortut allat nutaat peqqinnissamut tunngasutigut suliaqartussat peqqinnissamut tunngasutigut sullisisutut akuerisaappata naammagittaalliuteqartarnermut aaqqissuussinermi ilaajumaarput.

## Nr. 2-mut

*"Peqqinnissakkut ilinniarsimasutut sulinermi" suliarinninneq* Napparsimasut inatsisitigut inissisimanerat pillugu Inatsisartut peqqussutaanni nr. 6, 31. maj 2001-imeersumi nassuiarneqartutut paasineqassaaq. Katsorsaaneq misissuinertut, nappaammik suussusersiuinertut, nappaammik katsorsaanertut, sungiusaaqqinnertut, peqqinnissamut tunngasutigut paaqqutarinninnertut aamma napparsimasunut ataasiakkaanut tunngatillugu pinaveersaartitsilluni suliniuteqarnertut nassuiarneqarpoq. Katsorsaanermut periarfissat allat ilaangillat. Katsorsaanermi periarfissat allat ima paasineqassapput katsorsaariaatsit annerusumik peqqinnissaqarfip avataani atorneqartartut aammalu katsorsaanermi isumalioriaatsinik aalajangersimasunik, assersuutigalugu katsorsaariaatsimik Kinamiut ileqqutoqaanneersumik (traditionel kinesisk medicin), meqqutit atorlugit peqqissaariaatsimik (akupunktur), niaqqup saarnga aallaavigalugu timimik katsorsaanermik (kraniosakral terapi), assaat isikkallu aallaavigalugit timimik katsorsaanermik (zoneterapi) il.il. tunngavillit. Katsorsaariaatsit maannakkut sunniuteqartarneri pillugit nakorsamit upernarsarneqarsimanngitsut, assersuutigalugu imerajuttunik katsorsaaneq ilaatinneqanngillat.

## Nr. 3-mut

Peqqinnissaqarfimmi sulisut pillugit nassuaat aalajangersakkami allattorneqarpoq. Litra a aamma b-mi allattuinerit tamakkiisuunngillat taamaattumillu aalajangersakkami allaaserineqareersimasutut maannakkut inuit sulisut aallaavigalugit paasineqassalluni. Litra b aamma c-mi allattuineq tamakkiisumik allaaserinninngilaq.

*§ 3-mut*

## Imm. 1-imut

Siunnersuut malitsigisaanik peqqinnissaqarfip peqqinnissamut tunngasutigut sulineranut naammagittaalliuutinik Danmarkimi Napparsimasut naammagittaalliuutaannut Aqtsisoqarfik aalajangiisassaaq. Napparsimasut naammagittaalliuutaannut Aqtsisoqarfik isornartorsiuniissamut tunngavissaqarnersoq pillugu aalajangiinermini peqqinnissaqarfimmi peqqinnissamut tunngatillugu suliatigut sulineq ataatsimut isigalugu sullissinermi pitsaassuseq nalinginnaasumik kalaallit nunaanni akuerisaq malillugu sullissisoqarsimanersoq pillugu isummissaaq, sukumiinerusumik imarisaat Napparsimasut naammagittaalliuutaannut Aqtsisoqarfip sulinerani ineriertortinnejassappata. Taamaalilluni Napparsimasut naammagittaalliuutaannut Aqtsisoqarfik peqqinnissamut tunngasutigut sullissinerup pitsaassusaanik tunngaveqarluni naliliissaaq. Peqqinnissamut tunngasutigut sullissinerup pitsaassusaani tassani kalaallit nunaanni pissutsit katsorsaanermilu atukkat

eqqarsaatigineqassapput. Taamaalilluni napparsimasumik katsorsaanermi peqqinnissamut tunngasutigut katsorsaanernut aalajangersimasunut tunngatillugu naammagittaalliuutinik Napparsimasut naammagittaalliuutaannut Aqutsisoqarfik taamaallaat isummertussaassaaq, peqqinnissamut tunngasut pitsaassusaannuunngitsoq.

Napparsimasut naammagittaalliuutaannut Aqutsisoqarfiup aalajangiineri katsorsaavimmut pineqartumut, assersuutigalugu napparsimmavimmut peqqissaavimmulluunniit katsorsaasimasumut maalaarummi pineqartumut nassiunneqassapput. Aalajangiinerit aamma Nunatta Nakorsaaneqarfianut nassiunneqassapput.

§ 3, imm. 1 malillugu peqqinnissaqarfimmi suliatigut sulinermut naammagittaalliuutip assinga Napparsimasut Maalaarutaannik Aalajangiisartunut suliassanngortinneqarsimappat suliatigut sulinerup assinga pillugu naammagittaalliuut suliarineqarsinnaanngilaq. Aalajangersakkap kingunerisaanik Napparsimasut Maalaarutaannik Aalajangiisartut peqqinnissamut tunngasutigut sullisisup suliatigut sulineranut aalajangersimasumut arlallilluunniit sulinerannut tunngatillugu maalaarummik suliaqarpal suliaqarnikuuppalluunniit, suliatigut sulinermut naammagittaalliuutit katsorsaanermi tassani katsorsaanerulluunniit ingerlaneranut peqqinnissaqarfimmi suliatigut sulinermut naammagittaalliuutit Napparsimasut naammagittaalliuutaannut Aqutsisoqarfimmit suliarineqarsinnaanngillat.

Nunatta Nakorsaaneqarfia maalaarummik tigusaqaruni taassuma katsorsaanerup assinga pillugu naammagittaalliuutigineqartumik Napparsimasut Maalaarutaannik Aalajangiisartut suliaqarsimannginnerat suliaqalinnginneralluunniit qulakkeeqqaassagaa aalajangersakkami piumasaqaataavoq, tassami taamaattoqassagaluarpat Nunatta Nakorsaaneqarfianit naammagittaalliuut itigartitsissutigineqassammat.

#### Imm. 2-mut

Napparsimasut Naammagittaalliuutaannut Aqutsisoqarfiup peqqinnissaqarfimmi peqqinnissamut tunngatillugu suliatigut sulinermut naammagittaalliuutinik aalajangiinerani quisuariannissamut periarfissai siunnersuummi aalajangersarneqarput. Napparsimasut naammagittaalliuutaannut aqutsisoqarfik peqqinnissaqarfimmi peqqinnissamut tunngatillugu suliatigut sulinermik isornartorsiunissamut tunngavissaqarnersoq pillugu aalajangiinermini napparsimasumik katsorsaanermi peqqinnissaqarfimmi suliatigut sulineq (ataatsimut isigalugu taassumaluunniit ilaanik) sullissinermi pitsaassuseq nalinginnaasumik akuerisaq malillugu sullissisoqarsimanersoq pillugu isummissaaq.

Aalajangersagaq malillugu Napparsimasut inatsisitigut inissisimancerat pillugu Inatsisartut peqqussutaanni kapitali 2-5-imiittuni malittarisassanut naammagittaalliuutinut, matumani

paasissutissinneqareernikkut isumaqataalluni akuersineq, napparsimasoq pillugu allattugaatinik takunnissinnaaneq, nipangiussisussaatitaaneq il.il. pillugit malittarisassanut tunngatillugu Napparsimasut naammagittaalliuutaannut Aqutsisoqarfik aamma isummersinnaavoq. Tassunga atatillugu inatsisit sanioqqunneqarsimanersut pillugit Napparsimasut naammagittaalliuutaannut Aqutsisoqarfik isummissaaq.

### Imm. 3-mut

Napparsimasut naammagittaalliuutaannut Aqutsisoqarfimmit aalajangiinerit allaffissornikkut oqartussanut allanut ingerlateqqinnejarsinnaannginnerat aalajangersakkami aalajangersarnejarpooq. Napparsimasut naammagittaalliuutaannut Aqutsisoqarfik aamma suliat aalajangiiffigineranni ingerlatsinermi inatsisitigut malittarisassanik eqortitsisimanersoq apeqquataavoq.

Kukkusqarsimappat imaluunniit suliamut tunngasumik isumaqatigiinnngitsoqarpat suliaq qaqinniaqqinnejassaaq taamaalilluni suliamik nutaamik naliliisoqarluni. Noqqaassut tunuliaqtalaralugu suliareqqinnissaannut tunngavissiisinnaasunik paasissutissanik nutaanik pingaarutilinnillu takkuttoqarsimanersoq aqutsisoqarfik naliliissaaq. Qaqeqqinnejarnissaanut noqqaaneq napparsimasumit, katsorsaavimmit imaluunniit Nunatsinni Nakorsaaneqarfimmit saqqummiunneqarsinnaavoq.

### § 4-mut

#### Imm. 1-imut

Siunnersuiteqarnerup kingunerisaanik peqqinnissamut tunngasuni atorfillit akuerisat suliaat pillugit naammagittaalliuutinut tunngatillugit Danmarkimi Napparsimasut Maalaarutaannik Aalajangiisartunit aalajangiisoqartalissaq.

Peqqinnissamut tunngasuni atorfillit § 2, nr. 3-mut nassuaatini taaneqartut Napparsimasut Maalaarutaannik Aalajangiisartut suliassaqarfiinut ilaapput.

Inatsisartut Inatsisissaat una Pituffiup sakkutooqarfiaita iluani Kalaallit Nunaanni peqqinnissaqarfimmit nakorsartinnissamik pisariaqartitsisunik misissuinerunngippat nakorsartinnissamullu innersuussinerunngippat, Pituffiup sakkutooqarfiani peqqinnissakkut sullisisunut atuutinngilaq.

Peqqinnissaqarfimmi peqqinnissamut tunngasutigut sulinermut naammagittaalliuutigineqarpat, tak. siunnersuummi § 3, imm. 1, imaluunniit naammagittaalliuut Napparsimasut naammagittaalliuutaannut Aqutsisoqarfimmit

suliarineqarsimappat, taava Napparsimasut Maalaarutaannik Aalajangiisartut naammagittaalliuut suliarisinnaanngilaat.

#### Imm. 2-mut

Aalajangersagaq malillugu imm. 1-imut ilaasunik sulianik Napparsimasut Maalaarutaannik Aalajangiisartunut naammagittaalliornissamik Nunatsinni Nakorsaaneqarfik suliassaqarpoq. Nunatsinni Nakorsaaneqarfik sakkortuumik pisoqarsimasoq naliliippat suliat taamaallaat suliassanngortinnejarsinnaapput. Sakkortuumik pisoqarnera pisarnertut pineqassaaq napparsimasumik katsorsaanermut atatillugu peqqinnissaqarfimmi sulisup aalajangersimasup pineqartup sulisarneranit ileqquusumit appasinnerusumik iliuuseqarsimanera pillugu maalaarummi allassimasoqarpat. Tamanna assersuutigalugu tassaasinnaavoq:

- Nakorsaq pilattaanermi assak, taleq imaluunniit niu peqqissoq katsorsartinneqartussarlu paarlaassimappagit.
- Anniartumik katsorsaanermut atatillugu nakorsap peqqissaasulluunniit ingasattumik nakorsaasersuinera.
- Napparsimasup nakorsaatinik sapigaqarneranik upernarsarneqarsimasumik takunninngitsoornera sapigaqarnermi qisuararluni.

Taamatut iluseqartut pissutsit sakkortuumik pisuunersut Nunatsinni Nakorsaaneqarfik naliliisussaavoq.

#### Imm. 3-mut

Aalajangersakkap malitsigisaanik peqqinnissakkut ilinniarsimasutut sulineq § 3-mut ilaappat Napparsimasut Maalaarutaannik Aalajangiisartut suliamik suliarinnissanngillat, tassa katsorsaanerup ingerlanera pillugu naammagittaalliuutitut suliaq suliarineqarpat.

#### Imm. 4-mut

Napparsimasut Maalaarutaannik Aalajangiisartut peqqinnissamut tunngasuni atorfilit akuerisat suliat pillugit naammagittaalliuutinik aalajangiinerani qisuararnissamut periarfissaat siunnersummi aalajangersarneqarput. Napparsimasut Maalaarutaannik Aalajangiisartut peqqinnissamut tunngasuni atorfiliup suliaqarneranik isornartorsiunissamut tunngavissaqarnersoq pillugu aalajangiinermanni napparsimasumik katsorsaanermi peqqinnissaqarfimmi suliatigut sulineq (ataatsimut isigalugu taassumaluunniit ilaanik) sullissinermi pitsaassuseq nalinginnaasumik akuerisaq malillugu sullissisoqarsimanersoq pillugu isummissapput.

Aalajangersagaq malillugu Napparsimasut Maalaarutaannik Aalajangiisartut kapitali 2-5-imiittuni malittarisassanut naammagittaalliuutinut, matumani paasissutissinneqareernikkut isumaqataalluni akuersineq, napparsimasoq pillugu allattugaatinik takunnissinnaaneq,

nipangiussisussaatitaaneq il.il. pillugit malittarisassanut tunngatillugu Napparsimasut maalaarutaannik Aalajangiisartut isummersinnaapput. Tassunga atatillugu inatsisit saneqqutaarneqarsimanersut pillugit Napparsimasut maalaarutaannik Aalajangiisartut isummissapput.

#### Imm. 5-imut

Napparsimasut naammagittaalliuutaannut Aqtsisoqarfimmit aalajangiinerit allaffissornikkut oqartussanut allanut ingerlateqqinnejarsinnaannginnerat aalajangersakkami aalajangersarneqarpoq. Napparsimasut naammagittaalliuutaannut Aqtsisoqarfik aamma suliat aalajangiiffigneranni ingerlatsinermi inatsisitigut malittarisassanik eqqortitsisimanerinut apeqqutit aamma ilanngullugit.

Kukkusqarsimappat imaluunniit suliamut tunngasumik isumaqatigiinngitsoqarpat suliaq qaqinniaqqinnejassaaq taamaalluni suliamik nutaamik naliliisoqarluni. Noqqaaneq tunuliaqtaralugu suliareqqinnejarnissaanut tunngaviliisinnaasunik paasissutissanik nutaanik annertuunillu takkuttoqarsimanersoq Napparsimasut Maalaarutaannik Aalajangiisartut naliliissapput. Qaqeqqinnejarnissaanut noqqaaneq napparsimasumit, katsorsaavimmit aamma Nunatsinni Nakorsaaneqarfimmit saqqummiunnejarsinnaavoq.

#### Imm. 6-imut

Siunnersuutigineqarpoq Naalakkersuisut imm. 1 aamma 2-mut tunngatillugu nalunaarusiornikkut aalajangersaasinnaasut, tassani ilaalluni aalajangersakkat taaneqareertut aamma saneqqunnejarsinnaaneranik.

### *§ 5-imut*

*§ 5-imut* siunnersuutikkut peqqinnissaqarfimmi peqqinnissamut tunngasutigut sulineq pillugu naammagittaalluteqarnissamut napparsimasut nutaamik periarfissaqalerput. Aalajangersagaq malillugu napparsimasumiit taannaluunniit sinnerlugu naammagittaalliuut taamaattoq Nunatta Nakorsaaneqarfianut tunniunnejassaaq. Taanna naammagittaalliuut suliarineqarsinnaanersoq pillugu aallarniutaasumik naliliissaaq, allatigut suliamik piareersaalluni, tassunga ilanngullugit akuersinermik pissarsiniarneq, napparsimasut pillugit allattugaatinik pissarsiniarneq, nutserineq il.il., kiisalu naammagittaalliuut Danmarkimi Napparsimasut naammagittaalliuutaannut Aqtsisoqarfimmi suliarisassanngorlugu aalajangiiffigisassanngorlugulu nassiuallugu. Nunatta Nakorsaaneqarfiata suliamik piareersaanera pillugu sukumiinerusumik itisiliinermut § 6-imut nassuaatinut innersuussisoqarpoq.

Aalajangersagaq Kalaallit Nunaanni katsorsaavik ataaseq arlallilluunniit pillugit naammagittaalliuteqarnissamut periarfissiivoq.

*§ 6-imut*

Imm. 1-imut

Naammagittaalliut suliarineqarsinnaanersoq pillugu Nunatta Nakorsaaneqarfia aallarniutaasumik naliliinermik tigusaqartassasoq aallarniutaasumillu naliliisassasoq siunnersuummi § 6-imi aalajangersarneqarpoq. Naliliinermi matumani Nunatta Nakorsaaneqarfia naammagittaalliutip imarisaanut isummissanngilaq, taamaallaalli naammagittaalliut naammagittaalliuteqartarnermut aaqqissuussinermi ilaanersoq, taamaalillunilu inatsisartut inatsisaanni matumani malittarisassat malillugit suliarineqarsinnaanersoq isummissalluni.

Taamaalilluni naammagittaalliut Peqqinnissaqarfimmi peqqissutsimik ingerlatsisunut tunnganersoq aamma naammagittaalliut Napparsimasut Maalarutaannut Aqtsisoqarfimmum ingerlateqqinneqassanersoq Nunatsinni Nakorsaaneqarfiep nalilersussavaa naammagittaalliutit Napparsimasut Maalaarutaannik Aalajangiisartunut ingerlateqqinneqassanersoq imaluunniit naammagittaalliut itigartitsissutigineqassanersoq Nunatta Nakorsaaneqarfianit aamma nalilersorneqassaaq.

Kikkut maalaarummik tunniussisinnaanerinut tunngatillugu kinaluunniit Kalaallit Nunaanni peqqinnissamut tunngasutigut katsorsartinneqarsimasoq naammagittaalliuteqarsinnaatitaavoq. Inuit utaqqiisaasumik Kalaallit Nunaanni najugaqartut - assersuutigalugu takornariat - peqqinnissamut tunngasutigut katsorsartinneqartut aamma naammagittaalliuteqarsinnaatitaapput. Taamatuttaaq napparsimasut Kalaallit Nunaanni katsorsarneqarsimasut peqqinnissaqarfiep peqqinnissakkut ilinniarsimasutut sulinera pillugu Danmarkimi Napparsimasut naammagittaalliutaannut Aqtsisoqarfimmum toqqaannartumik Naammagittaalliuteqarsinnaanngitsut allassimavoq.

Imm. 2-mut

Napparsimasup naammagittaalliutaa Napparsimasut Naammagittaalliutaannut Aqtsisoqarfimmum imaluunniit Napparsimasut Maalaarutaannik Aalajangiisartunut ingerlateqqinnginnerani Nunatta nakorsaaneqarfia namminersorluni aammalu piareersaalluni sulianik suliarinnissasoq siunnersuutigineqarpoq. Kalaalit Nunaanni peqqinnissaqarfimmum tunngasuni pissutsit pilugit paasissutissanik attuumassuteqartunik, Danmarkimi peqqinnissamut tunngasuni arlalitsigut allaanerussuteqarsinnaasunik, Napparsimasut naammagittaalliutaannut Aqtsisoqarfiep imaluunniit Napparsimasut Maalaarutaannik Aalajangiisartut pissarsinissaata qulakkeernissaa matumani siunertaavoq. Taamaalilluni

naammagittaalliuutip tigusaqareerneratigut, naammagittaalliuutip ersarissarneqareerneratigut suliallu eqikkarneqareernerata kingorna Nunatta Nakorsaaneqarfiaq suliaq piareersarsinnaalissavaa. Nunatta Nakorsaaneqarfiaq suliamic suliariinninneratigut, taarsiinissamut Kalaallit Nunaanni suliad Kalaallit Nunaanni pissutsit aallaavigalugit nalilorsorneqarnissaat qulakkeerneqassaaq.

#### Imm. 3-mut

Suliamik piareersaanermi tassani suliap pisoqalisoorsimanissaanut isummerneq aamma ilaavoq. Naammagittaalliuutit pillugit suliad ataasiakkaat allaffissornikkut aningaasartuuteqartitsisinnaanerat killilerniarlugu taamatut siusissukkut pisoqalisoorsimanerup isummerfigisinnaanissaanut periarfissaq eqqunneqarpoq. Naammagittaalliuut erseqqissumik pisoqalisoorsimappat taassuma naammagittaalliuutip pisoqalisimanera paaseqqinniarlugu Danmarkimut ingerlateqqinnejarnissaa naleqqutinngilaq. Taamaammat pisuni taakkunani Nunatta Nakorsaaneqarfia suliap pisoqalisoorsimanera pillugu aalajangiissaq. Pisoqalisoorsimanersoq nalornissutigineqarpat tamanna pillugu apeqqut Napparsimasut naammagittaalliuutaannut Aqtsisoqarfimmuit imaluunniit Peqqinnissaqarfimmi Napparsimasut Maalaarutaannik aalajangiisartunut nassiunneqassaaq. Napparsimasut naammagittaalliuutaannut Aqtsisoqarfimmuit imaluunniit Peqqinnissaqarfimmi Napparsimasut Maalaarutaannik Aalajangiisartunut nassiunneqassaaq.

#### Imm. 4-mut

Taamatuttaaq naammagittaalliuut erseqqilluinnartumik tunngavissaqanngippat, taava Nunatsinni Nakorsaaneqarfiaup naammagittaalliuutip suliariinissaanik itigartitsissuteqarsinnaavoq. Tunngavissaqanngippat assersuutigalugu isumaqarpoq katsorsaanermut tunnganngitsunik pissutsinik imaluunniit piviusumut naapertuitinngitsunik katsorsaanermik allaaserinnilluni maalaaruteqarneq. Nunatsinni Nakorsaaneqarfiaup aalajangiinera naammagittaalliuutigineqarpat, suliaq immikkut suliariassanngorlugu Napparsimasut malaarutaannut Aqtsisoqarfimmuit imaluunniit Peqqinnissaqarfimmi Napparsimasut Maalaarutaannik aalajangiisartunut immikkut ittumik suliarineqartussanngorlugu nassiunneqassaaq.

#### Imm. 5-imut

Nunatta Nakorsaaneqarfiani atortussat attuumassuteqartut nutserneqarnissaat qulakkeerneqassapput, tassunga ilanngulligit naammagittaalliuut, journalinut atortussat, suliassamik saqqummiussaq il.il. attuumassuteqarsorineqarpat pisariaqarpalluunniit danskisuumut kalaallisuumulluunniit nutserneqassanersut. Tassunga atasunik

aninggaasartuutinik Nunatsinni Nakorsaaneqarfik akiliissaaq tamanna inatsisini allani imaluunniit isumaqatigiisummit takuneqarsinnaanngippat.

#### Imm. 6-imut

Siunnersuutigineqarpoq Naalakkersuisut paragraf manna atorlugu nalunaarusiornikkut aalajangersaasinnaasut. Aalajangersagaq ilaatigut imm. 3 aamma 4 atorlugu aalajangikkanut tunngatillugu naammagittaalliuutinut maleruagassaliornissaanut periarfissiisoqarsinnaavoq.

#### *§ 7-imut*

#### Imm. 1-imut

§ 7, imm. 1-imut siunnersuutip kingunerisaanik napparsimasut Nunatta Nakorsaaneqarfianut naammagittaallieqarnissamut Inatsisartut inatsisitigut piffissaliussat iluanni peqqinnissaqarfipq peqqissutsimut tunngatillugu sulinera pillugu naammagittaalliuuteqartut katsorsaavimmik oqaloqateqarnissamik neqeroorfigineqassapput. Nunatta Nakorsaaneqarfia oqaloqateqarnissamut periarfissaq pillugu napparsimasumut ilisimatitsissaaq.

Peqqinnissamut tunngasutigut sullissinernut, peqqinnissaqarfimmit tamakkiisumik ilaannakuusumilluunniit aninggaasartuuteqarfigisaanut tunngasunik naammagittaalliuutinut aalajangersakkat malillugit oqaloqateqarnissamut neqeroorut atuuppoq. Napparsimmavinnut, matumani napparsimmavinni namminersortuni katsorsartinnermut aamma napparsimmavissuarmut uninnissaq sioqqullugu suliniutinut peqqinnissaqarfimmit ingerlanneqartunut tunngasunut naammagittaalliuutit pineqarput. Tamanna aamma kigutilerifinni katsorsartinnermut atuuppoq. Oqaloqatigiinnissaq pillugu neqeroorummut ilaannngitsut tassaapput napparsimasut pisinnaatitaaffiinut tunngasut naammagittaalliuutit peqqinnissaqarfimmi peqqissaanermik suliaqarneq, soorlu ilaatigut makkuusinnaasut, peqqinnissaqarfimmi allattukkanik assigisaanillu takunnissinnaatitaanermut itigartitsineq. Taamaattorli oqaloqateqarnissamut neqeroorut Kalaallit Nunaannut killeqartinneqarpoq. Tassa isumaqarpoq Danmarkimi katsorsartissimagaanni Danmarkimi katsorsaavimmik oqaloqateqarnissamik neqeroorfigineqarnissamut napparsimasutut piumasaqartoqarsinnaanngitsoq. Taamaattorli suliassami aalajangersimasumi attuumassuteqarsorineqarpat Kalaallit Nunaanni Peqqinnissaqarfimmi sulisumik oqaloqateqarnissaq neqeroorutigineqarsinnaavoq. Suliap Danmarkimi Napparsimasut naammagittaalliuutaannut Aqutsisoqarfimmut nassiunnerani Nunatta Nakorsaaneqarfia suliamic saqqummiussinerani napparsimasup oqaloqatigiinnermi peqataasimanera taassumalu inernerera allanneqarsinnaapput.

Oqaloqatigiinnissaq napparsimasup kissaatigippagu, tamatuminnga aallarniinissamut katsorsaavik aalajangersakkatigut pisussaaffilerneqarpoq. Oqaloqatigiinneq peqqinnissaqarfimmi siunnersortimit imaluunniit piginnaasalimmit allamit aammalu katsorsaavimmi pineqartumi inummit tamakkuninnga suliaqarsinnaatitaasumit ingerlanneqassaaq. Taamaattorli kina oqaloqatiginnissanersoq katsorsaavimmi nalilersorneqassaaq aamma napparsimasup Peqqinnissaqarfimmi sulisumik aalajangersimasumik oqaloqatiginninnissani aalajangersinnaanngilaa. Napparsimasup kissaatai kina peqataasussatut tulluarneranik naliliinermi ilaatinneqartariaqarpoq.

Najukkami oqaloqatigeeriaatsip aqunneqarnissaa katsorsaaviup nammineerluni aaqqissuussinnaavaa, soorluttaaq pissutsit aalajangersimasut eqqarsaatigalugit oqaloqatigiinnerup qanoq ingerlanissaa, matuman i oqaloqatigiinnerik ataasiarluni arlaleriarluniluunniit neqerooruteqarnissaq aamma oqaloqatigiinneq skypekkut teknologiimilluunniit aaqqiissut alla atorlugu ingerlanneqassanersoq pillugu nalilersuissasoq. Katsorsaavik ilaatigut peqqinnissaqarfimmi siunnersortimik ataatsimeeqateqarnissamut napparsimasumik aggersaasinnaavoq, soorluttaaq napparsimasumik ataatsimeeqateqarnermi peqqinnissaqarfimmi tunngasutigut sullisisut akuusimasut peqataanissaannut katsorsaavik aggersaasinnaassasoq. Oqaloqatigiinnerup qanoq ingerlanneqarnissaanik katsorsaaviup aaqqissuussinerani napparsimasup oqaloqatigiinnissap ilusissaanut kissaatai sapinngisamik katsorsaavimmit eqqarsaatigineqartariaqarput.

Napparsimasumik oqaloqateqarnermi atorfinititsinermi inatsisitigut pisussaaffiit qaangerlugit peqqinnissamut tunngasutigut sullisisut katsorsaanermi ilaasimasut peqataanissaannut aalajangersakkatigut katsorsaavik peqqusisinnaatitaanngilaq.

### Imm. 2-mut

Oqaloqatigiinnerup kingorna napparsimasup naammagittaalliuutimi suliarineqarnissaa kissaatiginnippagu tamanna pillugu katsorsaavik Nunatta Nakorsaaneqarfianut nalunaaruteqassaaq tamatumalu kingorna naammagittaalliuut naammassineqartutut isigineqassaaq. Oqaloqatigiinnerup kingorna napparsimasup naammagittaalliuutimi suli suliarineqarnissaa kissaatigippagu suliami paasissutissat attuumassuteqartut tamaasa suliarineqaqqinnissaanut atugassanngorlugit katsorsaaviup Nunatta Nakorsaaneqarfianut nassiutissavai. Suliap suliareqqinnejqarnissaanut paasissutissat ilaatigut tulluartut tassaapput napparsimasoq pillugu allattukkat, timikkut peqqissuuneq pillugu paasissutissat, oqaloqatigiinnermiit inerniliussat kiisalu peqqinnissaqarfimmi sulisumit attuumassuteqartumiit imaluunniit katsorsaaviup pisortaaniit oqaaseqaataasinnaasut.

### Imm. 3-mut

Aalajangersakkap napparsimasoq oqaloqatigiinnermi illersuisoqarsinnaatilerpaa.

**Imm. 4-mut**

Aalajangersakkap ersarissumik imm.1-im i saneqqunneqarsinnaanngitsunut aalajangersaanissamut ammaassivoq. Immikkoortup Naalakkersuisut imm. 1 pillugu ersarinnerusumik maleruagassiorsinnaatippaa, tassunga ilaalluni assersuutigalugu oqaloqatiginnissamut killiliussaq sapaatip akunneranut marlunnut apparneqarsinnaalluni imaluunniit sapaatip akunneranut arfinilinnut sivitsorneqarsinnaalluni tamanna naleqquttutut imaluunniit pisariaqartinneqartut nalilerneqarpat. Taamatuttaaq peqqinnissaqarfimmi oqaloqatiginnissamut sukumiisumik malittarisassiorraqnissaanut pilersitsivoq.

**§ 8-mut****Imm. 1-imut**

§ 5 malillugu peqqinnissaqarfíup peqqissutsimut tunngatillugu sulinera pillugu naammagittaalliuteqarnissamut ukiunik marlunnik piffissaliussaq § 5-imut siunnersuummi aalajangiunneqarpoq. Ukiunik marlunnik piffissaliineq piffissamiit naammagittaalliuteqartup pissutsinik naammagittaalliutigineqarsinnaasunik ilisimasaqalerneraniit imaluunniit ilisimasaqarfigilersimasussaagaluaniit naatsorsornejassaaq.

**Imm. 2-mut**

Aammattaaq naammagittaalliutip tunniunneqarnissaanut ukiunik tallimarluinnarnik piffissaliisoqarpoq, taannalu pissutsip naammagittaalliutigineqartup ullormi pineraniit naatsorsornejarluni. Taamaalilluni ukiunik tallimanik piffissaliineq napparsimasup pissutsinik naammagittaalliutigineqartunik qanoq ilinerani ilisimasaqalerneranut attuumassuteqanngilaq.

**Imm. 3-mut**

Naammagittaalliuteqarnissamut piffissaliussatut taaneqartut saneqqunneqarsinnaanngillat.

**§ 9-mut****Imm. 1-imut**

Peqqinnissaqarfíup kiffartuussineranut il.il. naammagittaalliutit pillugit kaajallaasitaq nr. 13, 19. december 2002-meersoq malillugu “kiffartuunneqarneq pillugu naammagittaalliutit”-nik taaneqartoq periarfissaareersoq § 9-mik siunnersuutikkut ingerlateqqinnejarpoq.

Peqqinnissaqarfimmi sulinivik (sullissineq) aamma § 5-imut siunnersuummi ilaangitsoq pillugu napparsimasut maalaarsinnaanerannut siunnersuut periarfissiivoq. Peqqinnissamut

tunngasutigut suliariinninnermut aalajangersimasumut tunngasut naammagittaalliuutit pinnagit, taamaattorli suliariinniffimmik ataatsimut isigalugu naammagisimaarinninnginnermik ersersitsiffiunerusut pineqarlutik. Assersuutigalugu sullissinerup pitsaassusaa, matumani assersuutigalugu najukkami pissutsit, nerisaqarneq aamma eqquiaaneq imaluunniit peqqinnissamut tunngasutigut sullissisut pissusilersornerat pillugit naammagittaalliuuteqarnerit aalajangersakkami ilaapput.

Katsorsaavimmi nalinginnaasumik utaqqisarnerit pillugit naammagittaalliuutit aallaaviatigut "sullinneqarnermut naammagittaalliuutinut" ilaapput. Taamaattorli § 5-imut siunnersuut malillugu Nunatta Nakorsaaneqarfia naliliinermini katsorsaanerup ingerlanerani utaqqinerit namminermi peqqinnissamut tunngasutigut sunniuteqarsimanersut imaluunniit sunniuteqarsimasinnaagaluarnersut tamatumalu malitsigisaanik peqqinnissaqarfimmi peqqinnissamut tunngatillugu suliatigut sulinermi pitsaassuseq nalinginnaasumik akuerisaq malinnejqarsimanersoq pillugu isummersinnaavoq. Suliani ataasiakkaani tamatigut aalajangersimasumik naliliisoqartassaaq.

Katsorsaariaatsimut aalajangersimasumut neqeroorutigineqannginneq ajortumut naammagittaalliuutit nalinginnaasunut aamma sullissinerup pitsaassusaanut politikkut aalajangersarnejqarsimasumut tunngassuteqarput taamaattumillu taaguummut "sullinneqarnermut naammagittaalliuutit"-nut ilaanatik. Katsorsaariaaseq Kalaallit Nunaanni neqeroorutigineqanngippat napparsimasorli Danmarkimi katsorsartinnissamut innersuunnejqarsimasussaagaluarluni, taava § 5-imut siunnersuut malillugu katsorsaanerup ingerlарнга aalajangersimasoq pillugu maalaarummik Nunatta Nakorsaaneqarfiani naliliinermini tamanna namminermi peqqinnissamut tunngasutigut sunniuteqarsimanersoq imaluunniit sunniuteqarsimasinnaagaluarnersoq tamatumalu malitsigisaanik peqqinnissaqarfimmi peqqinnissamut tunngatillugu suliatigut sulinermi ataatsimut isigalugu pitsaassuseq nalinginnaasumik akuerisaq malinnejqarsimanersoq pillugu isummersinnaavoq. Suliani ataasiakkaani tamatigut aalajangersimasumik naliliisoqartassaaq.

### Imm. 2-mut

Naammagittaalliuut peqqinnissaqarfimmi qullersatut aqutsisunut nassiunneqartoq allassimappat tamanna aqutsisut akisussaatillugit naammagittaalliuutip suliarineranut takussutissaavoq, soorunami aamma peqqinnissaqarfiup iluani suliaq suliarineqarsinnaalluni. Maannakkut peqqinnissaqarfiup aaqqissugaanerani sullissineq pillugu naammagittaalliuutit Peqqissutsimut Aqutsisoqarfimmi Peqqissutsimut qullersanut nassiunneqartussaassaaq.

### Imm. 3-mut

Sullinneqarnermut naammagittaalliuutit ilaatigut suliamut attuumassuteqannginnissamut isumaliutersuutit kingunerisaannik immikkoortumut arlaannaannulluunniit

attuumassuteqanngitsumut tunniunneqartarnissaat naleqqunnerpaassasoq nalilerneqarpoq. Taamaattumik sullinneqarnermut naammagittaalliuutit Nunatsinni Nakorsaaneqarfimmut, suliap ilisimatitsissutiginissaanut peqqinnissaqarfimmilu qullersanit suliarisassangorlugu nassiunnissaanut isumaginnittussamut tunniunneqartarnissaat siunnersuutigineqarpoq. Ilumut sullissineq pillugu naammagittaalliuut pillugu aamma naliliisoqarnersoq sullissineq pillugu naammagittaalliuutit tamarmik aallarniutaasumik Nunatsinni Nakorsaaneqarfimmit naliliiffigineqartariaqarput.

#### Imm. 4-mut

Taamaalisukkut suliamik suliarinninnissap qaammatinik pingasunik piffissalerneqarnissa siunnersuutigineqarpoq. Suliarinninnerit tassaasinnaapput allakkatigut akissutissiornerit imaluunniit oqarasuaatikkut naammagittaalliuuteqartumik oqaloqatiginninnerit. Naammagittaalliuut pinngitsoorani qaammatit taakku pingasut iluanni naammassineqartariaqanngilaq.

Piffissaliussaq piffissami naammagittaalliuutip peqqinnissaqarfimmi aqutsisunit qullersaasunit tiguneqarneraniit naatsorsorneqassaaq, tak. imm. 2.

#### *§ 10-mut*

#### Imm. 1-imut

Siunnersummi § 10, imm. 1 aqqutigalugu peqqinnissaqarfimmi peqqinnissamik suliaqartunit imaluunniit sulisunit allanit imaluunniit pisortat oqartussaaffini allani namminersortuniluunniit suliarinninnermut atatillugu ajoquernernut Kalaallit Nunaanni pilersunut napparsimasut napparsimasunulluunniit qimatai taarsiiffigineqarnissaat periarfissaalerpoq. "Qimatani" eqqarsaatigineqarput ilaquattat qaninnerpaat, tassunga ilanngullugit aamma aapparisat nalunaarsugaasut allalluunniit ilaquattat taarsiinissamut noqqaassutip suliarineranut inatsisitigut soqtiginnittut, assersuutigalugu kingornussisussat ilaquaanngitsut.

Assersuutigalugu inuup napparsimmavimmi, kigutileriffimmi, peqqinnissamut tunngasutigut sullissisumi namminersortumi imaluunniit napparsimmavik imaluunniit peqqinnissamut tunngasutigut sullissisoq namminersortoq sinnerlugu ajorunnaarsitsiniarluni iliuuseqartoqarsimanissa taarsiiffigineqarnissamut tunngaviusumik piumasaqaataavoq.

Taamaallutik katsorsaaviit tamarmik apeqqutaatinnagu peqqinnissaqarfiup ataani inissisimanersut, oqartussat allat ataanut inissisimanersut namminersortuunersulluunniit taakku aalajangersakkamut ilaapput. Najugaqarfik paaqqinniffiusumi aamma peqqinnissaqarfiup avataani isumaginninnermi paaqqinniffinni inissisimasut siunnersummi katsorsaavittut aamma ilaatinneqarput, tamatumani najugaqarfii paaqqinniffiusuni

imaluunniit isumaginninnermi paaqqinniffinniittumi peqqinnissamut sullisisumit misissuisoqarpat imaluunniit katsorsaasoqarpat.

Napparsimasunik ataasiakkaanik misissuinerit, katsorsaanerit assigisaaluunniit tamarmik, matumani pinaveersaartitsilluni iliuuseqarnerit, assersuutigalugu akiuussutissanik kapitinnerit ajorunnaarsitsiniarluni iliuuseqarnermut ilaapput. Katsorsarneqarsinnaanatik toqlersunik anniaateqartunik il.il. katsorsaanerit inatsimmi ilaapput, naak katsorsaaneq tamanna ajorunnaarsitsiunnangikkaluartoq. Misissortinnissaq, katsorsartinnissaq assigisaanilluunniit ikiorneqarnissaq anguniarlugit inuup napparsimmavimmut, peqqinnissamut tunngasutigut sullisisumut il.il. saaffiginnissimanera aalajangersakkami ilaanissamut naammappoq.

Inuit najugaqarfik paaqqinniffiusuniittut imaluunniit peqqinnissaqarfiup avataani isumaginninnermi paaqqinniffimiittut imaaliallaannaq inatsisartut inatsisaanni ilaanngillat. Taamaattorli najugaqarnerup nalaani peqqinnissamut tunngasutigut sullisisumit, assersuutigalugu nakorsamit namminersortumit misissuinernut imaluunniit katsorsaanernut il.il. atatillugu ajoquusernerit ilaapput.

Ajoquusernerit nakorsanut allanulluunniit paaqqutarinnittunut eqquisut Inatsisartut inatsisaata atuuffissaannut ilaatinneqanngillat. Napparsimasup ajoquuserneranut atatillugu annaasaqartariaqarsimasoq inuk alla taarsiivigineqarnani napparsimasoq taassumaluunniit qimatai taamaallaat taarsiiffigineqarsinnaapput. Taaguummi napparsimasumi naartut aamma pineqarput, taamaallutik naartunerup nalaani erninerulluunniit nalaani ajoquusernernut taarsiiffigitinnissamut pisinnaatitaasoqarluni, inatsimmi taarsiiffigineqarsinnaatitaanermut piumasaqaatit nalinginnaasut naammassineqarsimissaat piumasaqaataapput. § 16 malillugu ajoquusernerup taarsiiffigineqartussap malitsigisaanik meeqqamut toqungalluni erniusumut angajoqqaajusunut ajunngitsorsiassaqarttsisoqassaaq, naartuneq sivikinnerpaamik sapaatit akunnerini 22-ni ingerlasimappat.

Aalajangersagaq taarsiissuteqarnissamut akisussaaneq pillugu inatsimmi § 1 kunngip peqqussutaatigut nr. 796, 1. oktober 1993-imi Kalaallit Nunaanni atuutilersumi kingusinnerusukkut allannguiteqartumi taagutu “inuup ajoquusernera” naapertorlugu aalajangersagaq paasineqassaaq. Timikkut tarnikkullu ajoquusernerit, tassa imaappoq ajoquusernerit timikkut ajoquusernermut atatillugu pinngunngitsut aalajangersakkami ilaapput. Pigisat ajoquuserneri pisuussutitigullu annaasat (tassa imaappoq inuup ajoquusernerata kingunerinngisaanik aningaasatigut annaasat) ilaanngillat. Napparsimasup inuttut innarligassaannginneranik kanngunarsaanerit inuup ajoquuserneranik kinguneqanngitsut aamma ilaanngillat.

Siunnersuummi § 11-mi malittarisassat erseqqinnerusut malillugit katsorsaanerit il.il. malitsigisaanut taamaallaat taarsiisoqassaaq, kisianni napparsimanerup katsorsarneqartup kingunerisaanuunngitsoq ("tunngaviusumik nappaat"). § 11, nr. 1-3-mut siunnersuutip kingunerisaanik misissuinerup katsorsaanerulluunniit allatut ingerlanneqarsimanaeratigut pinngitsoortinneqarsimasinnaasunut ajoqusernernut taamaallaat tunngaviatigut taarsiisoqarsinnaavoq. Tunngaviusumik nappaatip kingunerisai taamaaliornikkut pinngitsoortinneqarsinnaasimappata tamatumunnga taarsiisoqarsinnaavoq. Taamaalilluni assersuutigalugu § 11-mi, tak. § 12, imm. 1, tunngaviit malillugit nappaat eqqortumik - imaluunniit sukkannerusumik - suussusianik aalajangiisoqarsimasinnaappat napparsimasup nappaataannik kukkusumik imaluunniit kingusinaartumik suussusersinerata malitsigisaanut taarsiisoqarsinnaavoq. Taamaattoqartillugu kukkusumik kingusinaartumilluunniit nappaatip suussusersinerata kingunerisaanik "ajoqusernerup annertusineranut" taarsiisoqassaaq, assersuutigalugu tunngaviusumik nappaatip ajorseriarnera imaluunniit taassuma atuunnerata sivitsornera imaluunniit tassannga katsorsaaneq annertunerulerluni.

Tunngaviit aamma taakku malitsigisaannik iluatsinngitsumik katsorsaasoqarpat, tassa imaappoq nalinginnaasumik naatsorsuutigineqartumik ajorunnaariartorneranik kinguneqanngitsumik katsorsaasoqarsimappat tamatumunnga pisumut taarsiisoqarsinnaanngilaq.

Imm. 2-mut

Inuit misileraaffigineqartut - taakku peqqissuunersut imaluunniit nappaateqarnersut apeqqutaanani - misiliinermut atatillugu ajoquserpata ajoqusernerit taakku aalajangersakkamut tassunga ilaapput. Tamanna assersuutigalugu tassaavoq misileraaneq inuup nappaataannik suussusersineranik katsorsaanermulluunniit pingaaruteqanngitsoq.

Inummik misissuinermi katsorsaanermiluunniit (nappasimasut misileraaffigineqartut) misileraasoqartillugu tamanna imm. 1 malillugu napparsimasunik nalinginnaasumik matussusiinermi ilaavoq.

Suliniut ilisimatusarnikkut siunertaqarpat, tassa nutaanik ilisimasaqalernissaq siunertalarugu aaqqissugaasumik paassisutissanik katersisoqarpat taamaallaat aalajangersagaq malillugu misileraanertut nalilerneqarsinnaavoq. Misileraaneq imm. 1-impi pineqartuni napparsimmavimmi, nakorsami namminersortumi il.il. imaluunniit katsorsaavinni allani ingerlanneqarsimanera apeqqutaanngilaq. Napparsimmavimmit, universitetimit imaluunniit peqqinnissamut tunngasutigut sullisisumit namminersortumit akuerisaasumit toqqaannartumik akisussaaffigineqarluni misileraaneq suliffeqarfimmi namminersortumi, peqatigiiffimmi assigisaaniluunniit ingerlanneqarpat taanna ilaassaaq.

Taarsiinissaq eqqarsaatigalugu inuit misileraaffigineqartut napparsimasunit periarfissaqarnerupput, tak. § 13 (ajoquusernernut tamanut taarsiisoqassaaq, aamma pissutaasut ataqtigiinnerannut annikinnerusunik piumasaqaateqartoqartarpooq), aamma § 15, imm. 3 (Inatsisartut inatsisaanni ikinnerpaaffissatut killiliussaq nalinginnaasoq inunnut misileraaffigineqartunut timillu pisataanik tunisisunut atuutinngilaq). § 1, imm. 4 malillugu nakorsaatit sunniutaannik pissuteqartunik misileraanermi ajoquusernerit taarsiivigineqarneq ajorput.

Aamma ajoquusernerit inunniq misileraataasunik eqquisut sulisilluni ajoquusernissanut sillimmasiissutinut inatsimmit matussuserneqartarpooq (Kalaallit Nunaanni sulisilluni ajoquusernissanut sillimmasiissutit pillugit inatsimmik nalunaarut). Napparsimasumut taarsiissutigineqartut matumunnga tapertaapput, tassami sulisilluni ajoquusernermut sillimmatip sillimasinngisaanut annaasanut taarsiisoqartarmat.

Tartumik aamma patermik peersinermi ajoquusernermut taamaallaat aalajangersakkami pineqanngillat, taamaattorli inunnit uumasunit timip pisataanik taarsersuinerit allat inieriartortinneqarsinnaasut aamma pineqarput, inuup timaanit ipiutaasanik il.il. peersinerit pillugit inatsit nr. 246, 9. juni 1967-imeersoq kunngip peqqussutaatigut 22.august 1968-imeersukkut Kalaallit Nunaanni atulersinneqartoq takuuk.

Aalajangersagaq aamma aalersuutinik aaversittartunut, ameraasanik tunniussisartunut aamma sananeqaatsikkut atortussanik allanik tunniussisartunut tunngapput. Timip pisataasa tunniunneqarsimasut sillimmaserterat aamma inuit peqqissut misileraaffigineqartut sillimmaserterat assigiippu.

#### Imm. 3-mut

Aalajangersakkap kingunerisaanik napparsimasut ajoquusernerinut taarsiinissaq pillugu malittarisassat atuutissapput, napparsimasut peqqinnissaqarfimmit akeqanngitsumik katsorsartittussatut innersuunneqarunik imaluunniit Kalaallit Nunaata avataani napparsimmavinni, klinikki il.il. katsorsartinnissamut peqqinnissaqarfimmit tapiiffigineqarunik, Peqqinnissaqarfiup sullissineri il.il. pillugit Inatsisartut peqqussutaat nr. 15, 6. november 1997-imeersoq takuuk. Inatsit alla malillugu katsorsaavimmi pineqartumi taarsiiffigineqarnissaq periarfissaassanngitsoq piumasaqaataavoq.

Oqaasertalerteratigut “akeqanngitsumik katsorsartippoq” innuttaasut nunani allaniikkallartut, assersuutigalugu feeriartut Inatsisartut inatsisaat manna malillugu suliarineqarnerminni ajoquusersimasut taarsiiffigineqarnissaminut qinnuteqarsinnaanngillat.

#### Imm. 4-mut

§ 10, imm. 4-mut siunnersuutikkut suliassaqarfiiit sorliit peqqinnissaqarfimmiiittut siunnersummut ilaandersut pillugit nalunaarummi erseqqinnerusunik malittarisassiornissamut Naalakkersuisut piginnaatinneqarput.

*§ 11-mut*

Inatsisartut inatsisaat malillugu ajoquusererit suut taarsiiffigineqarsinnaatitaanersut § 11-mut siunnersuutikkut aalajangersarneqarput.

Inatsit malillugu ajoquuserneq taanna ajoquusernertut akuerineqassappat katsorsaanerup il.il. aamma ajoquusernerup akornanni pissutaasut ataqtigiinnerinut upernarsaanissamut suut piumasaqaataanersut aallarniutaasumik aalajangersakkami aalajangersarneqarpoq. Nr. 1- 4- mi takuneqarsinnaavoq ajoquuserneq misissuinermut, katsorsaanermut il.il. atatillugu pisimassasoq. Aalajangersakkami aamma aalajangersarneqarpoq qanoq ilisoqarnerani napparsimasoq - imaluunniit toqusoqarnerani - taassuma qimatai napparsimasup ajoquuserneranut taarsiivigineqarsinnaanersut. § 12-imi erseqqissaanernik killiliinernillu arlalinnik aalajangersagaq ilaneqarsimavoq.

Ajoquusernerup napparsimasullu misissorneqarnerata, katsorsarneqarnerata il.il. akornanni pissutaasunik pisariaqartumik ataqtigiittoqarneranik naliliinermi ajoquusernerup taamatut pilersinneqarsimasinnaanera ilimanavippat naammappoq. Tunngaviusumik nappaatip nalinginnaasumik - imaluunniit nalinginnaasuunngitsumik - ingerlanera pinnagu ajoquuserneq ajorunnaarsitsiniarluni aaqqiiniarnernut tunngatinneqarsinnaaneranik naliliinermi, kisianni aamma § 11, nr. 1-3-mi pisut taaneqartut nalaanni ajoqusertoqarsimasinnaaneranik naliliinermi, imaluunniit § 11, nr. 4-mi nappaatit kingunerisaannik taaneqartut nalaani ajoquusernerup pisimaneranik naliliinermi tamanna aamma atuuppoq.

Tassa imaappoq tunngaviusumik nappaatip ingerlaneranut atatillugu kingunerlutsitsineq pissutiginagu ilimanavissumilli katsorsaaneq (imaluunniit taassuma amigaataanera) pissutigalugu napparsimasup ajoquusermanera pineqarpoq. Pissutaasut ataqtigiittussaammata katsorsarnerup ajoquusernerullu akornanni piffissatigut ataqtigiinneq attuumassuteqassapput, katsorsaanerli apeqqutaatinnagu kingunerlutsitsinerit ineriartorsimasut attuumassuteqarnavianngillat.

Ajoquusernermut pissutaasoqarsimanersoq qularnaatsumik aalajangerneqarsinnaanngippat ajoquusernermut pissutaasinnaasut ilimanaateqarneri nailersorneqassapput imminnullu oqimaaqtigiissillugit. Tamatuma kingorna naatsorsuutigisariaqarpoq taamaaqataanik ilimanartoq katsorsartinnermut attuumassuteqanngitsumik ajoquuserneq pilersimasoq

imaluunniit ajoquusernermut pissutaasinnaasut ilimanarsinnaaneri  
oqaatigineqarsinnaanngippata napparsimasoq (taarsiiffiusinnaasumik)  
ajoquusersimassanngilaq.

Taamaattorli nalinginnaasumik kisitsisitigut paasissutissatigut misilitakkat kisiisa tunngavigalugit nalornisoorfiusut qaqtigoortumik aalajangiiffiqeqarsinnaallutik. Taamatut pisoqarnerani naliliinermi pissutsit allat naleqqukkaangat ilanngunneqarsinnaanerat oqaasertaliinermi mattusimaneqanngilaq. Assersuutigalugu paasineqarpat ajoquusernermut aalajangersimasumut pissutaasinnaasumik napparsimasup katsorsarnerani erseqqisumik kukkusqarsimappat pissutaasut piviusumik ataqtigiinneri pillugit nalornisoqarnera napparsimasumut iluaqutaasussaassaqaq.

Inunnut misileraaffigineqartuni timillu pisataanik tunisisuni ajoquusernerit eqqarsaatigalugit pissutaasut ataqtigiinnerinut tunngatillugu § 13 malillugu ataatsimut isigalugu sakkukinnerusumik uppernarsaanissaq atuuppoq. § 10, imm, 5-imi ima allassimasoqarpoq:

§ 11-mi ajoquusernerit taarsiivigineqarsinnaasut killilerneri pinngitsoorneqarsinnaaneri annertusiartuaartillugit aaqqissugaapput. Atorneqartumit allaanerusumik misissuisoqarneratigut, katsorsaasoqarneratigut il.il. ingerlatsisoqarneratigut ajoquusernerut pinngitsoortinnejqarsimasinnaagaluartunut taamaallaat taarsiisoqarsinnaanera aallaaviuvoq. Tamanna tunngaviatigut ajoquusernerut nr. 1-3-ni pineqartunut atuuppoq. Taakku aalajangersakkat nr. 4-mi malittarisassamik ilaneqarput, taanna malillugu pisuni aalajangersimasuni ajoquusernerut taarsiisoqarsinnaavoq, naak taakku pinngitsoortinnejqarsinnaanngikkaluartut. Napparsimasup ajoquusernera taarsiivigineqarsinnaanersoq pillugu nalilersuinermi aalajangersakkami killiliinerit tulleriaarlugit misissorneqartariaqarput.

Napparsimasoq suliamut tunngasutigut immikkut ilisimasalimmit misissorneqarnermigut, katsorsarneqarnermigut il.il. ajoquuserneq pinngitsoorneqarsimasinnaagaluarnera tamannalu piviusumit aallartinnejqartumit allaanerusumik misissuisoqarlunilu katsorsaasoqarnissaanik il.il. naliliisoqarsimassagaluarneroq nr. 1 malillugu siullertut apeqqutaapput. Kalaallit Nunaanni pissutsinik immikkut ittunik eqqarsaatiginninnerit nalilersuinernut ilanngunneqassapput. Akissut angerneruppat nr. 1 malillugu taarsiisoqassaaq. Immikkut ilisimasalik misilittagalik tassaavoq inuk suliassaqarfimmi pineqartumi naammattumik suliatigut ilinniagaqarsimasutut nalinginnaasumik isigineqarsinnaasoq. Suliassaqarfimmi nakorsap immikkut ilinniagaqarsimasutut akuerisaasimanissaq pinngitsoorani naatsorsuutigineqanngilaq, naak tassani nakorsani amerlanertigut taamaattaraluartoq.

Nr. 1-imut akissut naaggaarneruppat apeqput nr. 2 malillugu misissuinermi imaluunniit katsorsaanermi atorneqartuni atortuni il.il. kukkunernut imaluunniit ajoqutinut tunngatinneqarsinnaanersoq apeqqutaalerpoq, taamaalilluni atortut pissusissamittut ajoquteqarsimanngikkaluarpata ajoquserneq pinngitsoorneqarsimasinnaagaluarluni. Akissut angerneruppat immikkut ilisimasalik misilittagalik atortup kukkussuteqarsimaneranik imaluunniit ajoquteqarsimaneranik pasitsaassaqarsimanngikkaluarpalluunniit nr. 2 malillugu taarsiisoqassaaq.

Nr. 2-mut akissut naaggaarneruppat nr. 3 malillugu apeqqutigineqassaaq katsorsaanermi teknikki katsorsaarriaaserluunniit alla atorlugu ajoquserneq pinngitsoorneqarsimasinnaagaluarlernersoq, naak immikkut ilisimasalik misilittagalik teknikkimik katsorsaarriaatsimilluunniit allamik toqqaasimanissaa aalajangersarneqarsinnaanngikkaluartoq. Akissut angerneruppat nr. 3 malillugu taarsiisoqassaaq.

Nr. 3-mut akissut naaggaarneruppat apeqput 4 malillugu apeqqutigineqassaaq piumasaqaatit erseqqinnerusut aallaavigalugit napparsimasup naammaginartumik naammagiinnarsinnaasaanit annerusumik nappaatip nassataanik ajoqusertoqarnersoq. Taamaattoqarsimappat ajoquserneq katsorsaanermi teknikki imaluunniit katsorsaarriaaseq alla atorlugu pinngitsoorneqarsinnaanngikkaluartoq nr. 4 malillugu taarsiisoqassaaq.

Nr. 4-mut akissut naaggaarneruppat taarsiisoqarsinnaanngilaq, ajoqusertoq inuit misileraaffigineqartut timillu pisataanik tunisisut pillugit § 10, imm. 2-mi malittarisassanut ilaanngippat.

Aalajangersakkami normunut ataasiakkaanut uku oqaatigineqassapput:

Nr. 1-imut

Nr. 1-imi malittarisassami napparsimasumik misissuinermut, katsorsaanermut il.il. atatillugu kinaassusersiunngitsumik kukkunerit tamarmik pineqarput. Kukkuneq sumik kinguneqarsimanersoq apeqqutaanngilaq. Taamaalillutik kukkusumik nappaammik suussusersineq imaluunniit allamik peqquteqarluni nakorsaanikkut isigininnermik aallaaveqanngitsumik katsorsaasoqarsimanera pissutigalugu kukkusqarsimanersoq apeqqutaatinnagu ilaatigut kukkusumik katsorsaanerit suulluunniit ilaatinneqarput. Pisut paarlattuat, tassa nakorsaanikkut isigininniq aallaavigalugu katsorsaasoqarsimannginneranik pisoqarsimanera aamma ilaavoq. Katsorsaarriaaseq teknikkiluunniit alla kukkusq atorneqarsimappat imaluunniit napparsimasumik nakkutiginnermik ingerlatsinermi

imaluunniit katsorsaanerup nalaani il.il. kukkusoqarsimappat tamanna aamma ilaatinneqarpoq.

Katsorsaneq il.il. eqqarsaatigalugit peqqinnissamut tunngasutigut sullissisup aalajangersimasup kukkusutut imaluunniit sumiginnaasutut pisuutinneqarnissa piumasaqaataanngilaq, annertunerumik sissuerikkut pinngitsoorneqarsimasinnaalluni, tassa imaappoq ajoquuserneq pinngitsoorneqarsimasinnaagaluarluni.

Suliassaqarfimmi pineqartumi immikkut ittumik ilisimasalik misilittagalik Kalaallit Nunaanni pissutsini allani pineqartuni sunik ilimagineqartunik aallartitsisimanissa nalilersuinermi uuttuutaavoq.

Taamaalilluni misissuineq, katsorsaneq il.il. alla tulluarnerusimasinnaasoq nassuerutiginiarlugu peqqinnissamut tungasutigut sullissisup inuttut tunuliaquataa piginnaasaalu isiginiarneqassanngilluinnarput. Akerlianik misissuinermi imaluunniit katsorsaanermi pisoq aalajangersimasoq eqqarsaatigineqassaaq, matumani avataatigut atortut atorneqarsimasut, tassanngaannartumik pilattaanerup pisariaqarnerani piffissaq il.il. Piffissami katsorsaanermi pissutsit aalajangersimasut naliliinermi aallaavigneqassapput, kisianni nakorsaq aalajangersimasoq immikkut misilittagalimmit taarserneqarsimasinnaanera eqqarsaataasinnaalluni. Pisuni taakkunani piviusumik katsorsaanermiit allaanerusumik immikkut ilisimasalik allaanerusumik iliorsimagaluarpat taamaalilluni ajoquusernerup pinngitsoorneqarsimasinnaagaluarnera imaluunniit annikinnerusimasinnaagaluarnera naatsorsuutigineqarpat napparsimasoq taarsiivigineqarsinnaavoq.

Immikkut misilittagalik allaanerusumik iliorsimasinnaanersoq nalornissutigineqarsinnaavoq, tassami assersuutigalugu katsorsaanermik aalajangiineq nalorninartumik tunngaveqarsinnaammatt imaluunniit immikkut ilisimasallit akornanni katsorsaanerup pitsaanerpaap suuneranik isumaqatigiinngitsoqarsinnaammatt. Nalinginnaasumik taarsiinissamut piumasaqaataavoq ajoquusernerup pissutsini taarsiinissamut tunngavissiisuni pisimancerata ilimanarluinnarnissaa. Taamaalilluni ajoquuserneq pinngitsoortinnejqarsimasinnaagaluarneroq pillugu nr. 1 malillugu naliliinermi tamanna amma atuuppoq. Katsorsaanermi teknikklinik katsorsaariaatsinilluunniit toqqaaneq pillugu aperisoqarpat pisumi tessani nalorninartumik pisoqarnerani nr. 3-mi malittarisassaq tunngavigalugu aalajangiisoqarnissaa pissusissamisuussaaq, tessani teknikkip imaluunniit katsorsaariaatsip sorliup immikkut misilittagalimmit toqqrneqarnissaa naatsorsuutigineqassanersoq pingaaruteqanngimmat.

§ 11, nr. 1 malillugu nalilersuinermi Kalaallit Nunaanni pissutsit atugaasut eqqarsaatigalugit katsorsaanermi pitsaassutsit akuerisaasut pissarsiarineqarsinnaasullu eqqarsaatigineqassapput.

## Nr. 2-mut

Kinaassusersiunngitsumik kukkunerit allat, tassa ajoquusernermut pissutaasoq kukkuneruppat imaluunniit atortoq sakkuluunniit allap misissuinermut, katsorsaanermut il.il. atatillugu atorneqartoq ajoquteqarpat taakku nr. 2-mi malittarisassami ilaapput. Nr. 1-imi malittarisassaq malillugu atortumi kukkuneq imaluunniit ajoqut napparsimasup ajoquuserneranut pissutaasimanersoq apeqqutaanngilaq. Assersuutigalugu teknikkikkut atortuni ajoquteqarnerit malitsigisaanik misissuinermi inernerit kukkuneqarsinnaapput, tamannalu pissutigalugu kukkusumik nappaat suussuserneqarluni. Aamma sinitsitsinermi imaluunniit pilattaanermut atatillugu atorneqartut atortut sakkulluunniit ajoquteqarsinnaapput, kukkusumik atorneqarsinnaapput, isasoorsinnaapput assigisaanilluunniit ajoquusernermik kinguneqartitsisinhaallutik. Aammattaaq apeqqutaanngilaq atortup sakkulluunniit ajoquteqalerneranut pissutaasoq aaqqissugaanerata imaluunniit sananeqaataani kukkusqarsimanera imaluunniit taassuma atornissaanut naammanngitsumik ilitsersuuteqarnera, aserfallatsaaliorneqarsimannginnera allaluunniit. Kukkuneq napparsimmavimmi sulisuniit imaluunniit taamatut isumaginnittuniit allaniit, imaluunniit atortup aalajangersimasumik atorneqarneranut nakorsaanermi sullisisumiit nalinginnaasumik imaluunniit immikkut ittumik nakkutiliinermut atatillugu paasineqarsimanersoq imaluunniit paasineqartariaqarsimagaluarnersoq taarsiivigitinnissamut aamma apeqqutaanngillat.

Misissuinermi, katsorsaanermi assigisaaniluunniit atorneqartut atortut, sakkut il.il. atorneqartut taamaallaat malittarisassami ilaapput. Atortuni imaluunniit aaqqissuussinerni allani, assersuutigalugu nalinginnaasumik illup aaqqissugaanerani, elevatorimi il.il. kukkunerup imaluunniit ajoquteqarnerup malitsigisaanik ajoqusertoqarpat nr. 2 malillugu taarsiisoqarsinnaanngilaq. Taamatulli ajutoornerit § 12, imm. 2-mi malittarisassaq naapertorlugu pisut ilaat taarsiivigineqarsinnaapput.

Tunisassiamut akisussaaneq pillugu malittarisassat malillugit arlaata akisussaatinneqarsinnaaneranut tunngatillugu nr. 2 malillugu taarsiivigineqarsinnaanermut apeqqutaanngilaq.

## Nr. 3-mut

Nr. 3-mi malittarisassani ilaapput ajoquuserneq peqqinnissamut tunngasutigut sullisisunut imaluunniit atortuni atorneqartunut tunngatinneqarsinnaanngippat tamatuma kingorna tassa imaappoq katsorsaanerup naammassereermeratigut ajoqusertoqarneranilu paasineqarsinnaammat katsorsaanermi teknikki imaluunniit katsorsaaseriaaseq alla atorneqarsimagaluarpas tamanna pinngitsoortinneqarsimasinnaagaluarluni. Tamanna

isumaqarpoq katsorsaanermi teknikki imaluunniit katsorsaariaaseq alla nakorsaanikkut isiginninneq aallaavigalugu taamatoqqinnaaq sunniuteqartussaasoq. Taamaalilluni malittarisassaq nr. 1-imi malittarisassamit ingerlaqqinneruvoq, tassami immikkut ilisimasalik misilittagalik pisumi aalajangersimasumi teknikkimik katsorsaariaatsimilluunniit allamik toqqaasimasinnaagaluarnerata naatsorsuutiginissa piumasaqaataanngimmat.

Malittarisassaq taanna malillugu taarsiisoqarnissaanut piumasaqaatit tassaapput:

- 1) Piffissami katsorsaanerup aallartinnerani katsorsaanermi teknikkimik katsorsaariaatsimillu allamik peqarnissaa, taassumalu napparsimasup immikkut ilisimasalimmut imaluunniit nunatsinni napparsimmavimmi immikkut suliarinnittarfimmut (allamut) innersuunneqarneratigut katsorsaanermi aalajangersimasumi atorneqarsinnaasimanissa piumasaqaataapput. Taamaalilluni piffissap katsorsaaffiusup kingorna aatsaat atorneqalersut katsorsaanissamut periarfissat eqqarsaatigineqarsinnaanngillat, imaluunniit pisumi aalajangersimasumi atorneqarsinnaasutut pissarsiarineqarsinnaanatik, napparsimasup innersuunneqarneranut imaluunniit nuunneqarnerani.
- 2) Katsorsaanermi teknikki katsorsaariaaserluunniit alla toqqrneqartumut naligiittutut isigneqarsinnaassasoq, tassa imaappoq nakorsaanikkut naliliineq aallaavigalugu teknikki katsorsaariaaserluunniit piviusumik toqqrneqartoq assigalugu minnerpaamik taamatut kinguneqarluartumik katsorsaasinnaassasoq piumasaqaataavortaaq. Tamatuminnga naliliineq nakorsaanikut ilisimatusarnermik aamma piffissami katsorsaanermi misilitakkani tunngaveqassaaq. Nr. 1-imi malittarisassamut nassuaatit malillugit immikkoortumi tessani immikkut ilisimasallip misilittagallip naliliinera naliliinermi tunngavigineqassaaq. Immikkut ilisimasalik misilittagalik teknikkip katsorsaariaatsilluunniit allap pitsaunerujussusussaanera pissutigalugu taassuminnga toqqaasimassagaluarpat, taava tamanna nr. 1 –imi malittarisassani ilaavoq. Paarlattuanilli naliliisoqarpat, tassa malittarisassaq manna malillugu katsorsaanermi teknikki katsorsaariaaserluunniit siumut naliliinermi ajornerusutut isigneqartoq toqqrneqarsimappat taarsiisoqarsinnaanngilaq. Taamaalilluni taamatut naliliinermi ajoquserneq piviusumik pisimasoq eqqarsaatigineqassanngilaq. Allatut oqaatigalugu nakorsap katsorsaanermi atortumik imaluunniit periutsimik allamik atuinnginnissaq eqqortumik toqqarsimappagu taarsiisoqassanngilaq, misilitakkat naapertorlugit napparsimasup nappaataanik katsorsaanissamut sunniuteqanningerussammat, naak - kingusinnerusukkut piviusumik ajoqusernermut ilisimalikkat - oqaatigineqarsinnaagaluarut teknikkimik katsorsaariaatsimilluunniit allamik toqqaaneq napparsimasumut aalajangersimasumut pitsaunerusussaagaluartoq.

3) Aammattaaq piumasaqaataavoq piffissami pineqartumi, taarsiinissaq pillugu suliap aalajangiiffisassaani, katsorsaanerup ingerlanera pillugu ilisimasat atorlugit paasineqarsinnaavoq katsorsaanermi teknikki katsorsaariaaserluunniit alla - taamaaqataa - taarsiullugu atorneqarsimasuuppat ajoquusernerup pinngitsoorsimasinnaagaluarnera ilimanarluarsinnaasoq. Ajoquusernerup pinngitsoortissimanissaanik kingornatigut naliliinermi ilaatigut napparsimasup nappaataa, allatigut ajorunnaarnissaanut pissutsit il.il. katsorsaanerup pilersinneqartup kingunerisai pillugit ilisimasat eqqarsaatigineqassapput. Pissutsit taakku piffissami katsorsaanermi teknikkimik katsorsaariaatsimilluunniit toqqaanissaq pillugu aalajangiinermi allat immikkut ilisimasalimmit misilittagalimmit nassuerutigineqarsinnaaneri apeqqutaatinagit atuupput.

Katsorsaanerup aalajangersimasup (»katsorsaanermi teknikkip«), ingerlannissaanut assigiinngitsut, naligiittut periutsit akornanni toqqaasoqarnera imaluunniit katsorsaanermi tunngaviit assigiinngisitaartut akornanni, assersuutigalugu nakorsaanikkut imaluunniit pilattaanikkut (»katsorsaariaatsimik«) toqqaasoqarnera allaanerutitsinavianngitsoq matumani takuneqarsinnaavoq.

Malittarisassap ilaatigut kingunerisaanik katsorsaariaatsimik misileraasoqarneranut atatillugu ajoqusertoqarpat, naak maannamut katsorsaariaatsit pitsaanerpaat atorneqartut atorneqarsimagaluarpata ajoquusererit pisimasussaanngikkaluartut, taava napparsimasut misileraaffigineqartut taarsiivigineqarsinnaatitaassapput. Piffissami katsorsaanermi katsorsaariaatsit nalinginnaasut katsorsaariaatsimi misileraatigineqartutulli issasut (minnerpaamik) matumani piumasaqaataavoq. Katsorsaariaatsinik teknikkinillu nutaanik pisoqqanillu toqqaanissamut tunngatillugu malittarisassatigut killiliisoqanngilaq.

Ajoquusererit suut katsorsaanermi teknikkimut imaluunniit katsorsaariaatsimilluunniit tunngatinneqarsinnaanerinik nalilersuinermi teknikkit katsorsaariaatsilluunniit allat atorneqarsinnaasut malitsigisinnaasaattut ilimagisat eqqarsaatigineqartariaqarput. Naatsorsuutigineqartariaqarpat teknikkit imaluunniit katsorsaariaaseq alla aamma napparsimasumik tamakkiisumik ajorunnaarsitsisinnaanngitsoq tassunga atatillugu ajoquuserneq teknikkip katsorsaariaatsilluunniit toqcarneqartup kingunerisaanik taamaallaat ajorunnaarnissamut ajornerulerermik kinguneqaannassaaq.

Eqqortumik nappaammik suussusersinnginnerup kingunerisaanik ajoquusererit nr. 3-mi malittarisassami ilaanginnerat oqaatigineqassaaq. Nappaammik suussusersiineq amerlasuutigut ingerlaavartumik suliarineqartarmat nappaammik suussusersinerup kingorna nalilersornissaa tulluanngitsoq nalilerneqarpoq.

#### Nr. 4-mut

Nr. 4-mi malittarisassaq malillugu kingornatigut nalilersuisoqareeraluartorluunniit misissuinermi katsorsaanermilu ajousernerit assigiinngitsut pinngitsoortinneqarsinnaanngitsut nr. 3-mi malittarisassami ilaapput. Malittarisassami siunertaavoq nr. 1-3-mi malittarisassani ilaasinnaanngitsunik napparsimasut ajousernerannik paasisaqarnissaq, taamaattorli napparsimasup taarsiiffingineqarnani ajousernerminik naammaginniinnarnissaanik naammaginartinneqarnani. Siullermik ajousernerup ilungersunartuunerata aappatigullu napparsimasup tunngaviusumik nappaataata ilungersunartuunerata aamma tunngaviusumik nappaatip misissornerata, katsorsaaneqarnerata pisusissamisoortumik naatsorsuutigineqarsinnaasullu malitsigisaasa akornanni naapertuttoqannginnera.

Nappaatip nassatai suusinnaasulluunniit, matuman iaseruuttoornerit, ilimanarluinnartumik misissuinerik katsorsaanernilluunniit peqquteqartut aalajangersakkami ilaapput. Nappaatip nassatai, tassunga ilanngullugit iaseruuttoornerit tunngaviusumik nappaammik taassumalu atugaaneranik pissuteqartut misissuinerut katsorsaanernulluunniit attuumassuteqanngitsut taarsiivigitinnissamut pisinnaatitaaffeqanngillat, taakku nr. 1-3-mi malittarisassani ilaannngippata.

Aalajangersakkap atuuffiani killiliinermi pingaaruteqartumi nappaatip nassataata ilungersunartuunera napparsimasup naammagiinnarsinnaasaanit annertunerussasoq piumasaqaataavoq. Nappaatip nassataa namminermi napparsimasumut ilungersunartuunera naammanngilaq. Nappaatip nassataata ilungersunartuunera napparsimasup tunngaviusumik nappaataata qanoq ittuuneranut, ilungersunartuuneranut allatigullu peqqinnikkut qanoq inisisimaneranut sanilliunneqassaaq. Tunngaviusumik nappaat katsorsarneqarnani annertuumik innarluuteqalersitsisinhaappat imaluunniit napparsimasoq toqusinnaalluni aamma taassuma katsorsarneranut atatillugu nappaatip nassatarisinnaasai ilungersunartuusinnaaneri aamma akuerineqartariaqarput. Tunngaviusumik nappaat katsorsarneqarnani annertuumik innarluuteqalersitsisinhaappat imaluunniit napparsimasoq toqusinnaappat taassuma katsorsarneranut atatillugu nappaatip nassatarisinnaasaasa ilungersunartuusinnaanerat aamma akuerineqartariaqarput. Nappaatip nassatarisinnaasai napparsimasup suut akuerineqartariaqarnersut pillugit naliliinermi misissuinermut katsorsaanermullu tunngatillugu pissutsit erseqqinnerusut, matuman ilaatigut piffissaq pissutigalugu nalinginnaasumit annertunerusumik ilungersunartorsiortariaqalersinnaaneq eqqarsaatigineqassapput.

Tunngaviusumik nappaatip ilungersunartuunerata nappaatillu nassataata imminnut naapertuitinnginnerat suussusersiniarluni pilattaanermut (misissuilluni pilattaanernut) atatillugu erseqqissuuusinnaapput, taamaammallu aalajangersakkami erseqqissumik

nassuiardeqarlutik. Assersuutigalugu napparsimasup qaratsamigut tinuneqarneranik pasitsaassaqa neq pissutigalugu qalipaat erseqqissusaat iluaqtigalugu tarrarsuilluni misissuinissaq pisariaqarsinnaavoq. Ilaannikkut taamatut misissuineq qaratsakkut annertuumik ajoqusernermik aammalu napparsimasup qaratsamigut tinuneqannginneranik paasisaqarnermik kinguneqartarpooq. Taamatut ajoquserneq nr. 1-3-mi malittarisassani ilaatinneqassangilaq, pisumili tassani taanna napparsimasup naammagisinnaasaanit annerussaaq, taamaammallu napparsimasoq nr. 4-mi malittarisassaq malillugu taarsiivigineqarnissamut pisinnaatitaalluni.

Taamaaqataanik napparsimasoq pinaveersaartitsilluni iliuuseqarnernut, assersuutigalugu akiuussutissanik kapitinnernut atatillugu taarsiivigitinnissamut nalinginnaasumik pisinnaatitaassaaq. Tassunga tunngatillugu kingunerluutit ajoqutaalersutut isigineqanngitsut erseqqissaatigineqassaaq.

§ 11 nr. 4-mut atasoq alla nappaatip nassataa qanoq akuliksigidumik nalinginnaasumik atuutilersinnaaneranut tunngasuuvooq, pisut ataasiakkaat nappaatip nassatai qanoq annertutigisumik atuutilersinnaaneranut ataqtigisillugu isigineqassaaq. Misissuinermi katsorsaanermiluunniit aalajangersimasumi nappaatip nassataa pineqartoq nalinginnaasumik aarlerinartuunerata annertusiartornera naapertorlugu napparsimasup taarsiivigineqarnani naammagiinnarsinnaasariaqassavaat. Nappaatip nassatarisinnaasaanut pineqartumut tunngatillugu nakorsap ilisimatitsisimanera apeqqutaanngilaq, taamaattorli nakorsap ilisimatitsisussaatitaanerani ilaangitsut, tassa nappaatip nassatarisinnaasai qaqtigoorluinnartut aalajangersakkami nappaatip nassatarisai taamaattut ilaakkajuttarput. Nappaatip nassataa pineqartoq qaqtigoortoq pillugu kisitsisitigut paasissutissat tunngavigalugit aalajangersimasunik killiliisoqarsinnaanngilaq, napparsimasulli suna naammagiinnarsinnaanera pillugu naliliinermi akulikissuseq ilaassaaq, tassami aarlerinartuunera ima annikitsigisutut isigineqartariaqassaaq taassuma eqqarsaatiginissaanut tunngavissaqarnani.

Tamatumunnga pissutaavoq naliliinermi immikkoortut taakku marluk - nappaatip nassataa ilungersunartoq taassumalu qaqtigoortuunera allatigulluunniit naatsorsuutiginngisamik iluseqarnera - ajoqusernerup napparsimasup naammagiinnarsinnaasaanit annertunerunera pillugu naliliinermi nalinginnaasumik ataatsimoortumik nalilerneqassamat. Tunngaviusumik nappaatip nappaatillu nassataata akornanni annertuumik naapertuttoqanngippat taassuma qaqtigoortuunissaanut piumasaqaat sakkukillisinneqarsinnaavoq. Assersuutigalugu nappaammik suussusersiniarluni pilattaanermut taaneqartumut taama pisoqarsinnaavoq, taamaattorli katsorsaanermik ajoqusernerit, tassani nalinginnaasumik pilattaanerit annertoorujussuarmik ajoquisiinermik kinguneqartut eqqarsaatigineqarsinnaapput. Paarlattuanik qaqtigoorluinnartoq, immaqalu

manna tikillugu ilisimaneqanngitsoq nappaatip nassataa pineqarpat nappaatip nassataata ilungersunartuunissaanut piumasaqaat sakkukillisinneqarsinnaavoq.

### *§ 12-imut*

§ 12-imut siunnersummi § 11-mi ajoqusernerit taarsiivigineqarsinnaasut killilorsornerinut tunngatillugu arlalinnik erseqqissaasoqarlunilu killiliisoqarpoq.

Kukkusumik nappaammik suussusersiineq imm. 1-imti pineqarpoq ajutoornerillu imm. 2-mi pineqarlutik.

#### Imm. 1-imut

Napparsimasup nappaataa eqqortumik suussusersineqarsimannginna pissutigalugu ajoqusersimaneranut § 11 nr. 3-mi malittarisassaq atorneqannginnissaa pillugu § 12, imm. 1-imut siunnersummi aalajangersarnissaa siunertaavoq. Nappaammik suussusersiinermi kukkanneq taarsiivigitinnissamut pisinnaatitaaffiuvoq, immikkut ilisimasalik misilittagalik eqqortumik nappaammik suussusersiisinnasutut naatsorsuutigineqarsinnaappat imaluunniit pissutsini atugaasuni piffissami siusinnerusukkut taamaaliorsinnaasimappat. Taamaaqataanik atuutissaaq teknikkikkut atortuni il.il. misissuineremi atorneqartuni kukkunerit ajutoornerilluunniit malitsigisaanik kukkusumik misissuineremi inernerit assigisaaluunniit pissutigalugit kukkusumik nappaammik suussusersisoqarpat. Pisuni taakkunani eqqortumik nappaammik suussusersiisoqannginnerata imaluunniit piffissaagallartillugu suussusersineqannginnerata malitsigisaanik taarsiisoqassaaq, tamanna tunngaviusumik nappaat ajorseriarpat imaluunniit katsorsaanerup ingerlanera sivitsorpat imaluunniit pisariunerulerpat. "Piffissaq eqqorlugumi" nappaatip tunngaviusumik ineriantornerani piissutsit eqqarsaatigineqarput.

Akerlianilli nappaatip suussusersinerata kingornatigut naliliiffigineqarnissaa aalajangersakkami mattunneqanngilaq. Katsorsaanerup aallartinneqareernerata naammassineqareernerataluunniit kingorna, assersuutigalugu pilattaareerneremi – allaat immikkut ilisimasalik misilittagalik – eqqortumik nappaammik suussusersisimaguni, taava siusinnerusukkut nappaatip suussusersineqarsimannginneranut taarsiisoqassanngilaq.

§ 11, nr. 4-mi malittarisassaq kukkusumik nappaammik suussusersiinermut attuumassuteqanngilaq. Suussusersineqartup malitsigisai ilaannigillat, akerlianilli ilaatigut suussusersinissaq siunertaralugu pilattaanermi ajoqusertoqarpat.

#### Imm. 2-mut

Imm. 2-mi malittarisassami ajoqusernerit § 11, imm. 2 naapertorlugu taarsiiffigineqarsinnaasut ilaatigut erseqqissaaffiginissaat siunertaavoq.

Atortutigut ajutoorneq assigisaalluunniit pissutaanngikkaluartut ajutoortoqarsinnaavoq, assersuutigalugu napparsimasoq uffarnermini quaannermigut uppinnermigullu imaluunniit siniffimmit nallavimminit nakkarermigut ajoqusersinnaavoq. Ajoqusernerit taamatut ittut matussusiinissamit nalinginnaasumik ilaatinneqarneq ajorput, paarlattuanilli § 11, imm. 2-mut ilaasunut ajoqusernerni aalajangersagaq malillugu taarsiisoqarsinnaavoq, nalinginnaasumik taarsiisoqarnissaanut piumasaqaatit naammassineqarsimappata, ajoqusernerlu katsorsaanermut nammineq atassuteqarpat.

Ajutoernerit katsorsaanermut atasumik pinngitsut, assersuutigalugu uffarfimmi upperneq assigisaaluunniit, nalinginnaasumik taarsiinissamut malittarisassat malillugit suliarineqassapput, taamaattumillu Inatsisartut inatsisaannut matumunnga ilaanatik.

#### *§ 13-imut*

Malittarisassap kingunerisaanik inuit misileraaffigineqartut timillu pisataanik tunisisut taarsiivigitinnissamut pisinnaatitaapput, § 11-mi piumasaqaatit naammassineqanngikkaluarpataluunniit. Taamaalilluni ajoqusernernut pinngitsoorneqarsinnaanngitsunut aamma taarsiisoqassaaq, § 11, nr. 4-mi piumasaqaatit naammassineqanngikkaluarpataluunniit. § 15, imm. 3 malillugu aamma ajoqusernerni taakkunani nammineq akileeqataanissaq pillugu inatsimmi malittarisassat atuutinngillat. Taamaattorli minnerpaamik iluseqartut ajoqusernerit, soorlu aaversinnerup kingorna tillusat, ullualuit qaangiuppata tammartussat, Nunatta Nakorsaaneqarfianut innersuussinermi itigartinneqartarput.

Taamaalilluni misileraanerup ajoqusernerullu akornanni pissutaasut ataqtigiinnerinut uppernarsaanissamut piumasaqaat § 11-mi nalinginnaasumik piumasaqaatinut naleqqiullugu sakkukinnerulerpoq. Ajoquserneq misileraanermik pissuteqarpat tessani pissutaasumut ataqtigiinnerit aalajangersimasut pillugit nalornissutaasut suulluunniit ajoqusertumut iluaqutaassapput. Taamaalilluni ajoquserneq nammineq pissutsinik allanik peqquteqarsinnaappat imaluunniit ajoqusernermut pissutaasinnaasut ilimanarsinnaanerinik naliliinissaq ajornarpat taarsiivigitinnissamut pisinnaatitaaffeqarpoq.

#### *§ 14-imut*

§ 14-imut siunnersuummi inatsit malillugu taarsiivigitinnissamut pisinnaatitaaneq pillugu napparsimasunut paasissutissiinissamut pisussaaffik equnneqarpoq. Pisussaaffik

peqqinnissamut tunngasutigut sullisisunut tamanut, sulinerminni ajoquusernernik, inatsit malillugu taarsiivigitinneqarnissamut pisinnaatitaaffilitut naatsorsuutigineqartunik ilisimasaqalersunut atuuppoq.

Ajoquuserneqartunut pineqartunut paassisutissiineq misissuiffiusumik imaluunniit katsorsaanerup ingerlanneqarfianik il.il., inatsit malillugu taarsiivigineqarnissamut pisinnaatitaaffeqartumik ajoqusertoqarsimaneranik paasisaqarfiusumik nalilersueqqissaarnermik tunngaveqartariaqassaaq. Paassisutissiinerup qanoq iluseqarnissaanut piumasaqaateqanngilaq, kisianni allakkatigut pinissaa naleqqututut nalilerneqarpoq. Paassisutissiinissamut pisussaaffik naammassineqarsimassanngilaq paassisutissiineq misissuineq, katsorsaaneq assigisaaluunniit aalajangersimasoq sioqqullugu tunniunneqarpat.

§ 14-mi pisussaaffiup kingunerisaanik assersuutigalugu nakorsatut peqqissaasutulluunniit akuerisaaneq tunuliaqtalaralugu kinaluunniit peqqinnissakkut ilinniarsimasutut sulisoq naammagittaalliuteqarnissamut taarsiinissamullu periarfissaq pillugu ilisimatitsissaq.

Paassisutissiinissamut pisussaaffimmik unioqqutitsineq pillaanermik kinguneqartinneqarsinnaavoq aammalu Peqqinnissaqarfimmi napparsimasut naammagittaalliuteqarfianut imaluunniit Peqqinnissaqarfimmi Aalangiisartunut suliassanngortinneqarsinnaalluni.

#### Imm. 2-mut

Aalajangersagaq paassisutissiinissamut pisussaaffik pillugu malittarisassanik erseqqinnerusunik Naalakkersuisut aalajangersaasinnaanerannut, tassunga ilanngullugu sulisunut assigiinngitsunut akisussaaffiit immikkoortiterinissaannut periarfissiivoq.

#### *§ 15-imut*

§ 15-imut siunnersuut malillugu napparsimasut ajoquusernerinut taarsiissutissat taarsiissuteqarnissamut akisussaaneq pillugu inatsimmi, peqqussutikkut nr. 796, 1. oktober 1993-ikkut kingusinnerusukkut allannguuteqartukkut Kalaallit Nunaannut atuutilersinneqartumi malittarisassat malillugit annertussusilerneqartarpot. Tunngavik taanna nammineq akilummik aalajangersaanikkut iluarsineqassaaq, tak. imm. 2, 3 aamma 7, akilersimasanut piumasaqarneq matussuserneqarsimangippat, tak. imm. 4, meeqqap toqnerani angajoqqaanut taarsiissuteqartoqassasoq, tak. § 16, aningaasallu suliap naammassineqarneraniit sapaatit akunnerinik tallimanik kingusinnerusumik tunniunneqarpata taarsiinermi ajunngitsorsiassallu aningaasartai suliap aalajangiiffiginerani iluarsineqarlutillu ernialerneqassasut, tak. §§ 17-18.

### Imm. 1-imut

Imm. 1-mi malittarisassami taarsiinerup aamma inuup ajoquserneranut ajunngitsorsiassanik imaluunniit pilersuisumik annaasaqarnermut il.il. aalajangersaanermi Danmarkimi taarsiinissamut akisussaaneq pillugu inatsimmi malittarisassat atorneqassapput. Danmarkimi taarsiinissamut akisussaaneq pillugu inatsit kunngip peqqussutaatigut nr. 796, 1. oktober 1993-imeersukkut, kingusinnerusukkut allannguuteqartukkut Kalaallit Nunaannut atulersinneqarpoq.

Taamaalilluni taarsiinerit assigiinngitsunullu ajunngitsorsiassat, tassa ajorunnaarnissamut aningaasartuutit allallu annaasat, sulinermi iluanaarutissat annaaneqarneri, anniареq, ataavartussamik ajoquteqalerneq, inuussutissarsiorsinnaanerup annaaneqarnera, pilersuisumik annaasaqarneq ilisinermilu aningaasartuutit annertussusilerneri pillugit malittarisassat siullertut attuupput.

Tulliatut taarsiinissamut akisussaaffik pillugu inatsimmi innersuussinerup malitsigisaanik, taarsiinerit allatigullu taarsiinerit ataqtigiissinnissaat pillugu malittarisassat, assersuutigalugu isumaginninnikkut pisartakkat inuttullu sillimmasiinerit, taamaaqataanik napparsimasup ajoqusernera pillugu taarsiinissamut annertussusilernerani atorneqassapput.

Tamatuma saniatigut § 10-mi ajoquserneq pillugu taaguutip malitsigisaanik napparsimasup ajoqusernerata kingorna inisisimanera napparsimanerup ingerlarnganut nalinginnaasumut, tassunga ilanngullugit pisarialimmik katsorsarneqarnerup nalinginnaasumik kingunerisaanut tamatigut sanilliunneqartassapput. Ajoquserneq - taamaalillunilu aamma taarsiineq - taakku taamaallaat akornanni nikingassutaasuovoq. Assersuutigalugu napparsimasup ajoqusernerata kingorna napparsimasup inuussutissarsiorsinnaassusia 75 pct.-imik apparsimappat, kisiannili napparsimanerup katsorsaanerullu pisariaqartup nalinginnaasumik malitsigisaanik inuussutissarsiorsinnaassutsip 50 pct.-imik apparsimanissaa naatsorsuutigineqarpat taamaallaat napparsimasup ajutoortup inuussutissarsiorsinnaassutsimut annaasaanut 25 pct.-iusumut taarsiisoqassaaq.

### Imm. 2-mut

§ 15, imm. 2-mi siunnersuutigineqarpoq taarsiineq ajunngitsorsiassallu akilerneqassasut, namminneq akiliutip ilanngaatigereernerata kingorna akilerneqassasut, nalunaarummi erseqqinnerusumik aalajangersarneqartumi iluarsineqarluni. Nammeneq akiliut taanna 8.305 kr.-nik annertussuseqassasoq naatsorsuutigineqarpoq (2023-mi akit) taarsiinerup imaluunniit ajunngitsorsiassap aningaasartaamit ilanngaatigineqartoq. Nammeneq akiliutit suliani tamani ilanngaatigineqartarput, matumani taarsigassat ajunngitsorsiassallu 8.305 kr.-usarlutik amerlanerusarlutilluunniit, taamaattorli § 15, imm. 3 takuuk.

Qulaani allaaserineqartutut nalunaarut atulersinneqassappat taarsiinissamut suliap ingerlannissaanut assersuut:

Napparsimasoq 5.000 kr.-nik taarsiiffigineqarpat napparsimasoq taarsiissutisiassani tigussanngilai, tassa taarsiineq tamarmiusoq nammineq akiliutinit 8.305 kr.-init annikinnerummat.

Napparsimasoq 12.000 kr.-nik taarsiiffigitittussanngoruni ajunngitsorsiassanilluunniit tunineqartussanngoruni taamaallaat 3.695 kr.-t tigussavai. (taarsiissutit 12.000 kr.-t, nammineq akiliutit ilanngaatigineqartut 8.305 kr.-t, katillugit 3.695 kr.)

Nammineq akiliutit suliami ataatsimi ataasiaannarlutik ilanngaatigineqassapput namminerlu akiliutit 8.305 kr.-t qaangernerini taarsiissutit siulliit tunniunnerini ilanngaatigineqassallutik. (2023-mi akit).

#### Imm. 3-mut

Imm. 3-mi malittarisassaq peqqinnissamut ilisimatusarnermi, misileraaffiusuni, misileraaneq inummut pineqartumut misissuinermi imaluunniit katsorsaanermi ajoqusernerni nammineq akiliutit pillugit piumasaqaat ilaatsinngilaq. Taamaalilluni pisuni taakkunani taarsiinissamut akisussaaneq pillugu inatsimmi malittarisassat malillugit tamakkiisumik taarsiinissaq ajunngitsorsiassallu uuttorneqassapput.

#### Imm. 4-mut

Imm. 4-mi malittarisassami erseqqissarneqarpoq napparsimasunut taakkulu qimataannut taamaallaat taarsiisoqarsinnaasoq, nalinginnaasumilli taarsiinissamut inatsisini malittarisassat malillugit napparsimasup ajoqusernera pissutigalugu piumasaqaateqarsinnaasunuunngitsoq. Ullormusiassat imaluunniit napparsimanersiutit akilerneqarnerinut sulisitsisumut akiliisimanermut ajunngitsorsiassat pillugit malittarisassat pingaartumik malittarisassamut pingaaruteqarput. Taamaalillutik piumasaqaatit taamaattut matussuserneqanngillat.

#### Imm. 5-imut

Imm. 5-imi malittarisassami aalajangerneqarpoq taarsiissutissani nammineq akiliut ilanngaatigineqarpat, taava Napparsimasunut Taarsiissuteqartarfiup aalajangiinerani piffissami atuuttumik aningasanik iluarsiisarneq atorneqassaaq, tak. § 25, imm. 4. Taamaalilluni nammineq akiliutip ukiukkaartumik iluarsineqartarnissaa sillimaffigineqarpoq, aamma nammineq akiliutip annertussusianut Napparsimasunut Taarsiissuteqartarfiup aalajangiinerani piffissaq aalajangiisusoq erseqqissarneqarluni.

**Imm. 6-imut**

Aalajangersakkatigut sulinermit isertitassaraluaniq taarsiivigitinnissamut aammalu sulisinnaajunnaarneq pissutigalugu anniarnermut ajunngitsorsiassat tunniunnissaanut piffissamik sivikinnerpaaffissaliinissamut, sivisunerpaamilli qaammatinik pingasunik piffissaliinissamut Naalakkersuisut piginnaatinneqarput.

Assersuutigalugu qaammatinik marlunnik sivikinnerpaamik killiliisoqarnissaa aalajangersaaffigineqarpat anniarnerni sulitilluni aningaasarsianut annaasanut ajunngitsorsianullu taarsiissuteqartoqarsinnaanngilaq, matumani ajoquserneq piffissami qaammatinik marlunnik sivikinnerusumi sulisinnaajunnaarnermik napparsimanermilluunniit kinguneqarsimappat.

**Imm. 7-imut**

Nammineq akiliut erseqqissumik allanneqarluni malittarisassanik Naalakkersuisut malittarisassaliussapput, matuma allannerani 8.305 kr.-inik annertussuseqartut. (2023-mi akit) ukiukkaartumik iluarsineqartartussaq. Taanna suliassaqarfimmi ilisimasat pissarsiarineqartarneri naapertorlugit pissutsinut tulluarsarsinnaanera eqqarsaatigalugu nalunaarummi malittarisassaliorneqassaaq.

*§ 16-imut***Imm. 1-imut.**

§ 16-imi aalajangersakkami qulakkeerneqarpoq misissuinermut, katsorsaanermut assigisaataluunniit katsorsaaffiup akisussaaffigisaanut atatillugu ajoqusernerup malitsigisaanik meeqqamik 18-it inorlugit ukiulimmik annaasaqartut angajoqqaat tamatuma malitsigisaanik ajunngitsorsiassanik tunineqarsinnaasut. Ajunngitsorsiassat meeqqamut angajoqqaatut oqartussaasumut imaluunniit oqartussaasunut tunniunneqassapput. Ajunngitsorsiassanut pisinnaatitaaffik pisuni toquneq napparsimasup ajoquserneratut akuerineqartillugu, aamma toquneq siusinnerusukkut napparsimasup ajoquusersimanagerata malitsigisaatut akuerineqarpat.

Ajunngitsorsiassanut pisinnaatitaaffimmut piumasaqaataavoq inatsimmi kapitali 3-mut ilaasumik ajoqusertoqarsimanissaa.

**Imm. 2-mut**

Aalajangersakkami nassuiarneqarpoq meeqqami paasineqartoq meeraq uumalluni erniusoq kiisalu meeraq toqungalluni erniusoq, naartuneq sivikinnerpaamik sapaatit akunnerinik 22-nik sivisussuseqarsimappat. Aalajangersakkami oqaaseqatigiit aappaasa qulakkeerpaat meeraq toqungalluni erniuppat ajunngitsorsiassaqartitsisoqarsinnaasoq, assersuutigalugu iltimik

amigaateqarnera takunngitsoorneqarsimappat taamaattumillu meeraq piffissaagallartillugu anillassimanani. Naartuneq sapaatit akunnerinik 22-inik sivikinnerusimappat naartumik katatsineq pineqassaaq, tamannalu aalajangersagaq taanna malillugu ajunngitsorsiaqarnissaanut pisinnaatitaaffiunani.

Imm. 3-mut.

Imm. 2-mi siunnersuutigineqarpoq ajunngitsorsiassat aataasiaannarlugit tunniunneqartarnissaat aalajangerneqassasoq. Angajoqqaatut oqartussaassuseqarneq ataatsimoorunneqarpat ajunngitsorsiannut tamarmik immikkut affaanik tunineqassapput. Angajoqqaaq ataasiinnaq angajoqqaatut oqartussaaffeqarpat ajunngitsorsiassat tamarmiusut tassunga tunniunneqassapput.

Imm. 4-mut

Imm. 1-imi aalajangersagaq imm. 1-imi siunnersuutigineqartutut ukiumut ataasiarluni iluarsineqartassaaq, tak. Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat. Tamatuma kingorna aningaasat 500-mik koruunit aningaasartaanik agguardeqarsinnaasumut qaninnerpaamut akunnaallineqassapput. Iluarsiineq akunnaaliliinissaq sioqqullugu piffissami iluarsiinissamut atuuttut tunuliaqutaralugit pissaaq.

Aalajangersakkap kingunerisaanik § 16 malillugu ajunngitsorsiassat allatigut taarsiinermi ajunngitsorsiassani aningaasat pillugit Inatsisartut inatsisaanni tunngaviit assingi malillugit iluarsineqassapput.

#### *§ 17-imut*

§§ 17-18-imi aalajangersakkat iluarsiinissaq aamma taarsiinissami ajunngitsorsiassanilu aningaasat ernialersorneri pillugit malittarisassanik aalajangersaapput, taakku danmarkimi malittarisassanut naapertuupput. Taarsiinissamut suliat Napparsimasunut Taarsiissuteqartfimmeli suliarineqartarnissai eqqarsaatigalugu danmarkimi aaqqissuussinermi malittarisassat assingi atorneqarput. Erseqqissarneqassaaq aalajangersakkat siunnersuutigineqartut taamaallaat peqqinnissaqarfiup iluani napparsimasut naammagittaalliutaat taarsiiffigitinnissamullu periarfissat pillugit Inatsisartut inatsisaanni malittarisassat malillugit aalajangiiffigineqartunut ajunngitsorsiassanut taarsiinissanullu pingaaruteqarmata. Aalajangersakkat taamaallutik akisussaaffinni allani ajunngitsorsiassanik taarsiisarnernillu aalajangersaanernut pingaaruteqartussaanatik.

Imm. 1-imut

§ 17, imm. 1-imi siunnersuutigineqarpoq § 3, § 4, imm. 1, § 6, imm. 2, § 8, § 13, imm. 1, oqaaseqaatigiit aappaanni taarsiinermi ajunngitsorsiassanilu aningaasat aamma kapitali 3-mi

malittarisassat malillugit taarsiinissamut akisussaaffik pillugu inatsimmi § 14 a taarsiinissamut akisussaaneq pillugu inatsimmi § 15, imm. 1-imik malittarisassat malillugit iluarsineqartassasut aamma piffissami aalajangiiffiusumi atuuttu aningaasat iluarsineqarsimasut tunngavigalugit aalajangersarneqartassasut.

Aalajangersagaq siunnersuutigineqartoq anniarnermut, ataavartumik ajoqusernermut, inuussutissarsiorsinnaanerup annaaneqarnerata naatsorsornerani ukiumut aningaasarsiat pillugit qaffasinnerpaamik killiliussamut, inunnut ajoqusernermi 15-inik ukioqalersimanngitsunut inuussutissarsiorsinnaanerup annaanera pillugu taarsiinissamut, apparisamik inooqataasumulluunniit pilersuisumik annaasaqarnermut minnerpaamik taarsiinissamut aamma apparisamut inooqatigisamulluunniit qimataasumut ikaarsaarnermi aningaasanut pingaaruteqassapput.

Aalajangersakkami siunnersuutigineqartumi qulaani allassimasut ajunngitsorsiassat taarsiinissallu ukiukkaartumik ulloq 1. januarimi 2,0 pct.-imik iluarsineqartussaassapput, ukiumi aningaasaliiffiusumi tulluarsaanissamut procenti ilanngullugu, soorlu aamma tamatuma kingorna aningaasat pissarsiarineqartut koruunit aningaasartaanik 500-nik agguarneqarsinnaasunut qaninnermut akunnaallineqassasut, § 3, oqaaseqatigiinni siullerni aningaasanut eqqaaneqartunut taamaattoq koruunit aningaasartaanik 6-imik agguarneqarsinnaasumut qaninnermut.

Qulaani allassimasut ajunngitsorsiassat taarsiinerillu piffissami aalajangiiffiusumi atuuttoq taarsiinissamut akisussaaneq pillugu inatsimmi § 15, imm. 1-imik malillugu iluarsineqartut aningaasat tunngavigalugit aalajangersarneqassapput. Taamaalilluni suliap ingerlanerani ajoqusertup taarsiiffigitinnissamut ajunngitsorsiassanullu piumasaqarnerata naliisa isumannaarneri ajorseriannginnissaallu qulakkeerneqassapput.

Tamanna assersuutigalugu isumaqassaaq Napparsimasunut Taarsiissuteqartarfik juli 2024-mi ajoqusernermut ataavartumut ajunngitsorsiassanik aalajangiippat, tak. taarsiinissamut akisussaaffik pillugu inatsimmi § 4, taava ajunngitsorsiassat taarsiinissamut akisussaaffik pillugu inatsimmi § 15, imm. 1 malillugu 2024-mi ataavartumik ajoqusernermut ajunngitsorsiassanut aningaasanut aalajangersarneqassallutik.

Suliaq aalajangiinermik atuutilersussamik Napparsimasunut Taarsiissuteqartarfimmur Suliareqqitassanngortitanik Aalajangiisartunut naammagittaalliuutigineqarpal Napparsimasunut Taarsiissuteqartarfip aalajangiinerani piffissami akigititaasut suli atuuttussaassapput. Aalajangiineq Napparsimasunut Taarsiissuteqartarfimmur Suliareqqitassanngortitanik Aalajangiisartunit allanngortinneqarpal ajunngitsorsiassat ukiumi

allannguiffiusumi ajunngitsorsiassat tunniunneqarnerini akigititat tunngavigalugit aalajangersarneqartussanngussapput.

### Imm. 2-mut

§ 17, imm. 2-mi siunnersuutigineqarpoq taarsiinissamut akisussaaneq pillugu inatsimmi § 7 malillugu ukiumut aningaasarsiat aamma kapitali 3-mi malittarisassat malillugit tunniunneqartussanngortut taarsiinissamut akisussaaneq pillugu inatsimmi § 13 malillugu taarsiinissaq ajoqusernermiit piffissamilu aalajangiinerup akornanni piffissami taarsiinissamut akisussaaneq pillugu inatsimmi § 15, imm. 1-im i malittarisassat malillugit iluarsineqassapput.

Aningaasat ukiukkaartumik ulloq 1. januarimi 2,0 pct.-imik iluarsineqartussaassapput, ukiumi aningaasaliiffiusumi tulluarsaanissamut procenti ilanngullugu, soorlu aamma tamatuma kingorna aningaasat pissarsiarineqartut koruunit aningaasartaanik 500-nik agguardeqarsinnaasunut qaninnermut akunnaallineqarlutik.

Siunnersuummi qulakkeerneqassaaq taarsiinissamut akisussaaffik pillugu inatsimmi § 7 malillugu ukiumut aningaasarsiat aamma napparsimasumut taarsiisarnermik aaqqissuussinermi aalajangerneqartut taarsiinissamut akisussaaneq pillugu inatsimmi § 14 malillugu meeqqamut pilersuisumik annaasaqarnermi taarsiinissap nalinga suliap ingerlanerani isummannaarneqassaaq, soorlu imm. 1-im i siunnersuutigineqartutut ajunngitsorsiassat taarsiinermilu aningaasat aamma taamaasineqartut.

### Imm. 3-mut.

§ 17, imm. 3, oqaaseqatigiinni siullerni siunnersuutigineqarpoq taarsiinissamut akisussaaneq pillugu inatsimmi §§ 1, 2 aamma 5 malillugu taarsiinissamut ajungitsorsiassanilu aningaasat, kapitali 3-mi malittarisassat malillugit tunniunneqartussasut, taarsiinissamut akisussaaneq pillugu inatsimmi § 15, imm. 1, oqaaseqatigiit siullit aappaannilu malittarisassat malillugit iluarsineqartassasut, aamma piffissami aalajangiuffiusumi atuuttut aningaasat iluarsisimasat tunngavigalugit aalajangersarneqassasut.

Aalajangersagaq siunnersuutigineqartoq peqqissinissamut aningaasartuutinut, allatigut annaasaqarnermut, sulinermi ajunngitsorsiassanik annaasaqarnermut aamma naammaginartumik ilisinermi aningaasartuutinut, taarsiinissamut akisussaaneq pillugu inatsimmi § 12 malillugu pingaaruteqarsinnaapput.

Tamanna isumaqarpoq aningaasat pineqartut, tassunga ilanngullugit aningaasartuutit annaasallu, ajunngitsorsiassatut taarsiissutissatullu tunniunneqartut, ukiukkaartumik 1. januarimi 2,0 pct.-imik iluarsineqartassasut ukiumilu aningaasaliiffiusumi atuuttumik tulluarsaanermut procentimi ilaneqartassasut, tak. procenti aaqqiissutissaq pillugu inatsit.

Maluginiarneqassaaq siunissami peqqissinissamut aningaasartuutit imaluunniit anniarnermut, innarlerneqarnermut ajunngitsorsiassat aamma taarsiinissamut akisussaaneq pillugu inatsimmi §§ 1a, 26 aamma § 26 a malillugu qimataasunut ajunngitsorsiassat pillugit taarsiisarnerup iluarsineqarnissa siunnersuutigineqanngimmat, tassa taarsiisarnerni ajunngitsorsiassanilu taakkunani aalajangersimasumik akigititaqarnanilu tunngaviusunik aningaasaqanngimmata, piffissami aalajangiiffiusumi qummut iluarsiivigineqartussanik.

Napparsimasumut taarsiisarnikkut aaqqissuussinermi tunniunneqartussat ajunngitsorsiassat taarsiinissallu naatsorsorneri pillugit piumasaqaatit attuumassuteqartut piffissami aalajangiiffiusumi aaqqissuussinerup siunnersuutigineqartup taamaalilluni qulakkiissavaa suliap suliarinerata nalaani ajoqusertumut taarsiinissap ajungitsorsiassallu naliisa isumannaarneqarneri ajorseriarnatillu.

§ 17, imm. 3, oqaaseqatigiit aappaanni siunnersuutigineqarpoq aningaasat iluarsineqartut koruunini aningaasartai 5-imik agguarneqarsinnaasumut qaninnerpaamik akunnaallisinneqassasut. Tamanna isumaqarpoq taarsiinissamut akisussaaneq pillugu inatsimmi § 15, imm. 1, oqaaseqatigiit siullit malillugit iluarsiinerup kingorna 5-mik agguarsineqarsinnaasumut qaninnermut koruunit aningaasartaanut qaninnernut akunnaalliisoqassasoq.

Imm. 4-mut

§ 17, imm. 4 siunnersuutigineqarpoq § 16 malillugu ajunngitsorsiassat piffissami aalajangiiffiusumi atuuttut § 16, imm. 4 malillugu aningaasat tunualiaqtaralugit aalajangersarneqassasut.

Aalajangersagaq siunnersuutigineqartoq isumaqarpoq § 16 malillugu immikkut ittumik ajunngitsorsiassatut aningaasat 18-inik ukioqalernatik toqusunut meeqqanut angajoqqaatut oqartussaaffeqartunut tunniunneqartussat piffissami aalajangiiffiusumi atuuttut § 16, imm. 4-mi aningaasat tunngavigalugit aalajangersarneqartussaapput.

Tamanna isumaqarpoq Napparsimasunut Taarsiissuteqartarfik juli 2024-mi § 16 malillugu angajoqqaanut ajunngitsorsiassanik aalajangiisimappat taava 2024-mi akigititanut ajunngitsorsiassat aalajangersarneqartussaassapput.

Suliaq aalajangiinermik atuutilersussamik Napparsimasunut Taarsiissuteqartarfik Naammagittaalliueteqarfimmut naammagittaalliuutigineqarpat Napparsimasunut Taarsiissuteqartarfiup aalajangiinerani piffissami akigititaasut suli atuuttussaassapput. Aalajangiineq Napparsimasunut Taarsiissuteqartarfimmut Suliareqqitassangortitanik

Aalajangiisartunit allanngortinneqarpat ajunngitsorsiassat ukiumi allannguiffiusumi ajunngitsorsiassat tunniunneqarnerini akigititat tunngavigalugit aalajangersarneqartussanngussapput.

*§ 18-imut*

§ 18-mi siunnersuutigineqarpoq taarsiinissamik ajunngitsorsiassanillu tunniussinissaq pillugu aalajangiinermiit piffissap sapaatip akunnerisa tallimanik kingusinnerusumik taarsiinissaq ajunngitsorsiassallu tunniunneqassappata ernialersuineq pillugu inatsimmi § 5 naapertorlugu erniamut naapertuuttumik tunniussassat ukiumut ernialersorneqassasut.

Aalajangersagaq danmarkimi napparsimasunut taarsiisarnermik aaqqissuussinermi malittarisassanut naapertuuppoq siunertaallunilu nalornilernissamik pissutissaqartitsinngitsumik paasinartumik kinaassusersiunngitsumillu piffissami ernialersuinermik aalajangersaasoqassasoq.

Sapaatit akunneri tallimat siunnersuutigineqartut Napparsimasunut Taarsiissuteqartarfiup aalajangiinerata Napparsimasunut Taarsiissuteqartarfimmur Suliareqqitassanngortitanik Aalajangiisartunut naammagittaalliuutigineqarnissaat piffissaliussap qaammatip ataasiuneranut atatillugu isigineqassaaq, tak. § 25, imm. 6. Naammagittaalliuut kinguartitsisinnaavoq, taava aalajangiineq naammagittaalliuutigineqarpat maalaartarfiup aalajangiinissaata tungaanut akiliinissamut pisussaaffik atorunnaartussaassalluni.

Sapaatit akunnerini tallimani - akiliinissamut naammagittaalliuuteqarnissamut piffissaliussamiit sapaatip akunneranik ataatsimik sivisunerusumi - qulakkeerneqassaaq ernialersuinissamut aamma akiliinissamut naammagittaalliuuteqarnissamullu piffissat qaleriinnginnissaat. Ullut qaleriissimappata ernianik akilersuinissap pinngitsoortinnissaaq oqartussanut akiliisussanut ajornarsisisaaq, taarsiineq ajunngitsorsiassallu piffissap maalaarfiusussap naanerani ullormi toqqaannartumik akilerneqarsinnaanngimmata. Tamatumunnga pissutaavoq aalajangiineq pillugu naammagittaalliuutigineqarnissaanut piffissamiit tamatumunnga oqartussat nalunaarsuinissaannut qisuarlernissamullu piffissaqassamat.

Siunnersuutikkut naammagittaalliuuteqarsinnaatitaasut aalajangiineq pillugu naammagittaalliuuteqarsinnaanersut, aningaasat ernialersunngikkaluarlugit, ilisimaneqarneralerneranut taarsiinerit ajunngitsorsiassallu tunniussinissap kinguartinnissaanut oqartussat periarfissaqalissammata.

Siunnersuutip kingunerisaanik Napparsimasunut Taarsiissuteqartarfik ulloq 1. september 2024-mi aalajangiinikkut taarsiinissamut naatsorsorpassuk, taava piffissap taassuma kingorna kingusinnerpaamik sapaatit akunneri tallimat qaangiutsinnagit, tassa imaappoq 6. november 2024-mi, taarsiinermik oqartussat taarsiisussaataasut akiliinngippata ernialersuisoqalissammat. Taamaattoqarpat piffissami aalajangiiffiusumiit 1. september 2024-miit akiliinissap tuugaanut erniat naatsorsorneqalissapput.

Suliaq Napparsimasunut Taarsiissuteqartarfimmut Suliareqqitassanngortitanik Aalajangiisartunut Naammagittaalliuut napparsimasumiit imaluunniit oqartussanit taarsiisussaataasunit naammagittaalliuutigineqarpat suliami naammagittaalliuutigineqartumi aalajangiisoqarnissaata tungaanut taarsiinissaq uninngatinneqassaaq.

Taarsiinissaq pillugu aalajangiinermut maalaartarfik akuersippat aningaasat septembarip aallaqaataaniit 2024-miit ernialersorneqalissapput. Akerlianilli taarsiinissaq maalaartarfimmit qaffaneqarpat ukiumi allanguiffiusumi akigitat tunngavigalugit qaffaaneq annertussusilerneqassaaq, taarsiinermillu qaffaaneq maalaartarfiup aalajangiinerani piffissamiit ernialersorneqalertussaalluni, tamatuma kingorna sapaatit akunnerini tallimanik kingusinnerusumit taarsiineq tunniunneqassappat. Taarsiinissaq maalaartarfimmit apparinnejqarpat Napparsimasunut Taarsiissuteqartarfiup aalajangiinerani piffissamut ernialersuinissaq inissinneqassaaq, tassa imaappoq 1. september 2024.

Erniat siunnersuutigineqarpoq erniat pillugit inatsimmi § 5 malillugu ernianut aalajangersarneqassasut, tassaasoq pisortat taarsigassarsinerni erniarititaat, Nationalbankenimit ukiut tamaasa ulloq 1. januarimi aamma ulloq 1., julimi 7 pct.-imik tapilerneqarluni aalajangersarneqartartoq.

#### *§ 19-imut*

Malittarisassami nammineq pisuuneq aamma ajoquusernerup pineranut napparsimasup allatigut pisooqataanera pissutigalugu taarsiissutissanik appartitsinissaq pineqarpoq. Malittarisassaq nalinginnaasumik taarsiinissamut inatsimmi malittarisassanit allaassutaasumik imaqarpoq, tassa napparsimasup mianersuaalliornera pissutaalluni nammineq pisuussutigisaanik taarsiissutissat apparinnejqarsinnaapput. Oqaatsimut "pisooqataaneq"-mut ilaapput nammineq pisuuneq aamma aarlerinartumik akuersineq, kisiannili aarlerinartumik akuersineq pisuni taakkunani nalinginnaasumik pingaaruteqarneq ajorpoq, tassa katsorsaanerup naammassineqarnissaanut napparsimasumiit erseqqisumik akuersineq namminermi napparsimasup ajoquusernerani taarsiinissamut pisussaaffeqarnera pillugu naliliinermut pingaaruteqanngimmat.

Napparsimasup Peqqinnissaqarfimmi sulisut sungiusaqqinnissamik, suliaritinnissamut piareersarnissalluunniit pillugit innersuussutaat malissimanngippagit tamanna peqataanertut taaneqarsinnaavoq, imaluunniit naak tamakku pillugit paasissutissiisoqaraluartoq nakorsaatit eqortumik atorneqarsimanngippata.

Napparsimasoq piaaraluni ajoquersimappat matumani napparsimasup ajoquersimaneratut nalinginnaasumik oqartoqarsinnaassanngilaq. Immikkut illuinnartumik pisoqartillugu napparsimasoq piaaraluni pisooqataanikkut ajoquersimappat, malittarisassap atornerata nalinginnaasumik kingunerisaanik taarsiisoqartussajunnaassaaq, malittarisassamili immikkut pisuni taarsiinissap paarlattuanik ilaatigut appatinneqarsinnaanera mattunneqanngilaq.

#### *§ 20-mut*

Aalajangersakkami pineqarput Inatsisartut inatsisaanni taarsiinissamut aaqqissuussinerup aamma nalinginnaasumik taarsiinissamut inatsimmi malittarisassat malillugit taarsiivigitinnissamut piumasaqaateqarsinnaanerup akornanni ataqtigiissaarineq. Aalajangersakkatigut taarsiinissamut aaqqissuussaaq taarsiinissamut tunngatillugu pingaarnertut inissinneqarpoq, taamaalilluni napparsimasoq taassumaluunniit qimatai, taarsiinissamut aaqqissuussaaq atorlugu taarsiisoqarsinnaatillugu, nalinginnaasumik taarsiinissamut inatsimmi malittarisassat malillugit, taarsiivigineqarnissamut piumasaqarsinnaajunnaarsinneqarput, taamaattorli siunnersummi tunisassiamut akisussaaneq pillugu § 22 takku. Tassani taarsiisussatut piumaffigineqartoq peqqinnissamut tunngasutigut sullisisuunersoq imaluunniit taassuma sulisitsisorineraa imaluunniit ajoquisiisoq avataaneersuunersoq pingaaruteqanngilaq.

#### *§ 21-mut*

Aalajangersagaq, napparsimasumut taassumaluunniit qimataanut oqartussat akiliisut imaluunniit sillimmasiisarfik akiliisoq taarsiissutinit qanoq annertutigisunik, nalinginnaasumik taarsiinissamut inatsisini malittarisassat malillugit napparsimasup ajoquerneranut taarsiinissamut akisussaasup utertitsilluni akiliinissaanik piumasaqarsinnaanerannut tunngatillugu apeqqummut malittarisassaqartitsivoq.

Malittarisassap kingunerisaanik akilersimasanik utertitsisoqarnissaanik § 10-mut taamaallaat ilaasunut piumasaqartoqarsinnaavoq. Mianersuaalliornikkut inuit taakkua ajoquisiisut, nalinginnaasumik taarsiinissamut inatsisini malittarisassat atuuttut malillugit akilersimasanik utertitsinissamik piumasaqaateqarnissamut tunngavissaqassanngillat. Tamatumunnga tunuliaqutaasoq tassaavoq, taarsiinissamik aaqqissuussinerup ingerlanissaanut peqqinnissamut

tunngasutigut sullissisoq katsorsaasoq ajoquisiilluni iliuuseqarneq pillugu ilitsersuinermi paasissutissiinermilu peqataanissaanut akornusiinnginnissap pingaaruteqarnera.

Napparsimasup ajoquusernera, taarsiisoqarnissaanik inunnut § 10, imm. 1-imi taaneqartut saniatigut piumasaqarnissamut kinguneqarsinnaasumik pisimappat, akilersimasat taarserneqarnissaannut periarfissaq pillugu apeqqut nalinginnaasumik taarsiinissamut inatsisini malittarisassat malillugit tamanna aalajangerneqartariaqassaaq.

Napparsimasup taarsiivigineqarnissamut piumasaqarsinnaanera § 20-imi malittarisassamit malittarisassaqtinnejcarnera erseqqissaatigineqassaaq, taanna malillugu napparsimasoq amerlanertigut ajoquisiinermut akisussaasumut toqqaannartumik taarsiivigineqarnissamut piumasaqaateqarsinnaanngilaq.

#### *§ 22-mut*

Malittarisassaq ajoquusernernut pingaartumik napparsimmavimmi atortunik ajoqutilinnik peqquteqartunut pingaaruteqarpoq. Tamatumani napparsimasup § 11, nr. 2 malillugu taarsiivigineqarnissani toqqarsinnaavaa, imaluunniit tunisassianut akisussaaneq pillugu inatsisip Kalaallit Nunaannut atuutilersinneqarnissaa pillugu peqqussummi nr. 900, 30. august 2004-meersumi malittarisassat malillugit tunisassiortumut aamma/imaluunniit akunnermiliulluni niueruteqartumut taarsiivigitinnissani peqqussutigisinnaavaa.

Napparsimasup taarsiisussaatitaasumut piumasaqaateqarnissani toqqassappagu taarsiisussaatitaasoq tunisassiortumut pineqartumut il.il. akisilluni piumasaqaateqarsinnaavoq. Taamaallilluni aalajangersakkami taarsiivigitinnissamik piumasaqaat inunnut inatsit alla naapertorlugu taarsiisussaatitaanermut akisussaalersimasumut tutsinneqarsinnaajunnaarlugu ilanngutinngitsuuisoqarpoq. Inatsisartut inatsisaanni tassani malittarisassat naapertorlugin taarsiivigitinnissamik piumasaqaateqartoqarsinnaappat.

#### *§ 23-mut*

Siunnersummi § 23, nr. 1 malillugu pisortani peqqinnissaqarfimmi katsorsartinnerup aamma pisortani oqartussani allani katsorsartinnerup kingorna ajoquusernernut taarsiinissamut aningaasartuutinut Naalakkersuisut akiliuteqassapput. Tamanna aamma ulloq unnuarlu paaqqinnittarfinnut atuuppoq, peqqinnissakkut ilinniarsimasunik katsorsaanernik suliaqartunut aamma Naalakkersuisunit ingerlanneqartunut.

§ 23, nr. 2-mut siunnersuut malillugu kommunii sullissivinni katsorsartinnerup kingorna ajoquusernernut aningaasartuutinut kommunii akiliisarput, assersuutigalugu kommunit ulloq unnuarlu paaqqinniffii.

§ 23, nr. 3-mut siunnersuut malillugu pisortani peqqinnissaqarfíup avataatigut ingerlanneqarsimasut katsorsaanerit malitsigisaanik ajoqusernerit pillugit katsorsaasarfiit namminersortut taarsiisussaatitaapput.

Malugeqquneqassaaq akiliisussaatitaaneq katsorsaanermut akisussaasumut malinneqarmat, assersuutigalugu kommunini ulloq unnuarlu angerlarsimaffinni peqqinnissakkut ilinniarsimasutut sulinermi ajoqusertoqarpat, akiliisussaatitaaneq katsorsartinnissamut inniminniisumiimmat.

"Katsorsaaviit" imatut paasineqassapput, tamakkunani pingarnertuunngitsoq katsorsaaviusimasut, assersuutigalugu illut paaqqutarinniffit imaluunniit ulloq unnuarlu angerlarsimaffiit katsorsaaviusimasut, tassani § 1, imm. 1 pillugu nassuaatini allaaserinninneq naapertorlugu.

#### *§ 24-mut*

§ 24-mut siunnersuut iluaqtigalugu Inatsisartut inatsisaat manna naapertorlugu taarsiivigitinnissamut piumasaqaat sillimmasiisarfímmi sillimmasernemit matussuserneqarsimassasoq Naalakkersuisut taarsiivigitinnissaq pillugu nalunaarummik nalunaaruteqarsinnaatitaapput.

#### *§ 25-mut*

##### Imm. 1-imut

§ 25, imm. 1-imut siunnersuummi aalajangersarneqarpoq Nunatsinni Nakorsaaneqarfík suliamik tigusissasoq.

Qinnuteqaat Napparsimasunut Taarsiissuteqartarfímmut nassiunneqarpat Napparsimasunut Taarsiissuteqartarfiup qinnuteqaat Nunatsinni Nakorsaaneqarfímmut ingerlateqqissavaa.

##### Imm. 2-mut

Siunnersuummi § 25, imm. 2-mi napparsimasut taarsiivigitinnissaq pillugu suliap Napparsimasunut Taarsiissuteqartarfímmi aalajangiiffigisassangorlugu nassiunneqartinnagu Nunatta Nakorsaaneqarfia nammineerluni suliap suliariinissaanut piareersaanermik isumaginnissasoq aalajangersarneqarpoq. Matumani taamaalluni Napparsimasunut Taarsiissuteqartarfiup Kalaallit Nunaanni peqqissutsimut suliassaqarfíup iluani pissutsit pillugit paassisutissanik attuumassutilinnik pissarsisarnissaata qulakkeerneqarnissaa siunertaavoq, tamannalu arlalippassuartigut danskit peqqissutsimut suliassaqarfiani pissutsinit

allaanerusinnaavoq. Taamaalilluni Nunatsinni Nakorsaaneqarfiup naammagittaalliuut tigoreerpagu allakkallu kalaallisut qallunaatullu nutserneqareerpata suliap suliarinissaanut piareersaassaaq suliamilu paasiniaalluni suliamik saqqummiussillunilu eqikkaassaaq. Nunatta Nakorsaaneqarfiata suliamik suliarinninneratigut, taarsiinissamut Kalaallit Nunaanni suliat Kalaallit Nunaanni pissutsit aallaavigalugit nalilersorneqarnissaat qulakkeerneqassaaq.

Imm. 3-mut.

Piareersarluni sulianik suliarinninnermut aamma ilaavoq angajoqqaanut aamma naammagittaalliuut Inatsisartut inatsisaata atuuffiata iluaniinnersoq pillugu isummerneq. Taarsiinissaq pillugu suliat ataasiakkaat allaffissornikkut aningaasartuuteqarfiusarneri eqqarsaatigalugit pisoqalisoorsimanissaanut isummernissamut periarfissaq siusissukkut equnneqarpoq. Taarsiinissaq pillugu suliaq erseqqissumik pisoqalisimappat imaluunniit Inatsisartut inatsisaata atuuffiani avataaniippat suliap Danmarkimut nassiunneqarnissaa tulluassangnilaq - kingumullu - tassani paasineqarluni suliaq pisoqalisoorsimasooq allatigulluunniit suliarineqarsinnaanngitsoq. Nunatsinni Nakorsaaneqarfiup aalajangiinera naammagittaalliuutigineqarpat suliaq Napparsimasunut Taarsiissuteqartarfimmut suliassanngorlugu nassiunneqassaaq.

Naliliinermi tessani Nunatta Nakorsaaneqarfia naammagittaalliuutip imarisaanut isummissanngilaq, taamaallaalli naammagittaalliuut Inatsisartut inatsisaanni matumani ilaatinneqarnersoq isummerfigineqassaaq. Nalilersuinermi Nunatta Nakorsaaneqarfiani ajoquserneq Inatsisartut inatsisaata atuutilernerata kingorna katsorsaanermut tunngatinneqarsinnaanersoq isummerfigineqassaaq, § 32, imm. 3 takuuk.

Imm. 4-mut

Siunnersuummi § 25, imm. 4-p malitsigisaanik Inatsisartut inatsisaat manna naapertorlugu Danmarkimi Napparsimasunut Taarsiissuteqartarfipu taarsiinissaq pillugu suliat aalajangiiffigissavai. Tamatuma malitsigisaanik suliaq akuerineqassanersoq imaluunniit itigartinneqassanersoq Napparsimasunut Taarsiissuteqartarfimmit isummerfigineqassaaq. Suliaq akuerineqarpat taarsiinissaq annertussusissaanik Napparsimasunut Taarsiissuteqartarfik aalajangersaassaaq.

Napparsimasunut Taarsiissuteqartarfipu aalajangiinerit tamaasa Nunatsinni Nakorsaaneqarfimmut nassiutissavai, tassanilu nutserneqassalluni aamma suliami peqataasunut nassiunneqarluni, tassunga ilanngullugu oqartussat taarsiinissamut akisussaasut, tak. § 23. Suliani taasiinermi aamma/imaluunniit ajungitsorsiassanik tunniussiffiusussani piffissap naammagittaalliuuteqarfiusussap naanerata kinguninngua aningaasat aalajangerneqarsimasut akilissavai. Napparsimasunut Taarsiissuteqartarfipu aalajangiinera Napparsimasunut Taarsiissuteqartarfimmut Suliareqqitassanngortitanik Aalajangiisartunut

Naammagittaalliuut naammagittaalliuutigineqarsimappat tamanna atuutissanngilaq. Naammagittaalliuuteqarnissamut piffissaq tassaavoq qaammat ataaseq, tak. § 25, imm. 6, oqaaseqatigiit siulliit.

Napparsimasunut Taarsiissuteqartarfiup aalajangiinera peqataasumit ataatsimit marluusunilluunniit naammagittaalliuutigineqarpat naammagittaalliuut kinguartitsinermik sunniuteqassaaq, tak. § 25, imm. 6, oqaaseqatigiit siulliit. Suliani taakkunani napparsimasoq imaluunniit napparsimasumit qimataasut taarsiinermik kiisalu ernianik akilerneqassappat - napparsimasoq imaluunniit napparsimasumit qimataasut - maalaartarfiup aalajangiinerata kingorna - suli tassunga pisinnaatitaappata.

#### Imm. 5-imut

Aalajangiinerit Naammagittaalliuutiginissaat pillugu noqqaanerit, tak. imm. 4, Napparsimasunut Taarsiissuteqartarfimmut Suliareqqitassanngortitanik Aalajangiisarfimmut Naammagittaalliuut suliakkiutigineqarsinnaapput. Noqqaaneq naammagittaalliuuteqartumit, katsorsaavimmit, naalakkersuisoqarfimmit akisussaasumit imaluunniit Nunatsinni Nakorsaaneqarfimmit saqqummiunneqarsinnaavoq.

Tamatuma kingorna Napparsimasunut Taarsiissuteqartarfimmut Suliareqqitassanngortitanik Aalajangiisarfipu suliaq suliariressavaa. Napparsimasunut Taarsiissuteqartarfimmut Suliareqqitassanngortitanik matuma kingorna aalajangiineq aalajangersarsinnaavaa, atorunnaarsillugu imaluunniit allanngortillugu.

Napparsimasunut Taarsiissuteqartarfimmut Suliareqqitassanngortitanik Aalajangiisarfipu aalajangiineri inaarutaapput oqartussanullu allanut suliassanngortinnejarsinnaanatik.

#### Imm. 6-imut

Napparsimasunut Taarsiissuteqartarfimmut Suliareqqitassanngortitanik Aalajangiisarfipu naammagittaalliuut pillugu noqqaaneq naammagittaalliuuteqartup aalajangiineq pillugu nalunaarfigineqarnerminiit qaammat ataaseq naatinngagu tunniutissavaa, naammagittaalliuut pillugu noqqaanerit Nunatsinni Nakorsaaneqarfimmut tunniunneqassapput taakku nutsertinnissai isumagalugit aamma Napparsimasunut Taarsiissuteqartarfimmut Suliareqqitassanngortitanik Aalajangiisarfimmut nassiullugit. Piffissaliussamik qaangiisimasut noqqaaneri Nunatsinni Nakorsaaneqarfimmit itigartinneqarsinnaapput.

Naammagittaalliuut ingerlaannartumik kinguartitsisumik sunniuteqartarpoq. Tamanna isumaqarpoq napparsimasoq imaluunnit napparsimasumit qimataasoq Napparsimasunut Taarsiissuteqartarfiup aalajangiinera naammagittaalliuutigineqarpat piffissap

naammagittaalliuuteqarfiup naanerata kingorna taarsiissutinik pissarsisinnaanngitsoq. Suliani napparsimasoq imaluunnit napparsimasumit qimataasut maalaartarfiup aalajangiinerata kingorna taarsiiffigineqassapput ernianillu pissarsillutik - napparsimasoq imaluunniit napparsimasumit qimataasut suli tassunga pisinnaatitaappata.

#### Imm. 7-imut

Immikkorluinnaq pissutsit tamatumunnga pissutissaqartitsippata imm. 6-imi piffissaliussaq Nunatsinni Nakorsaaneqarfimmit soqutigineqanngissinnaavoq, assersuutigalugu napparsimasut timikkut peqqissusiata piffissaliussamik eqqortitsinissaq sapernartissimappagu.

#### *§ 26-mut*

#### Imm. 1-imut

Napparsimasut Taarsiissuteqartarfimmut Maalaartarfiup aalajangiinera allaffissornikkut oqartussanit allanit suliarineqarsinnaangilaq, kisianni eqqartuussivimmi misilinneqarsinnaalluni. Kukkusqarsimappat imaluunniit suliamut tunngasumik isumaqatigiinngitsoqarpat suliaq qaqpinniq neqassaaq taamaalluni suliamik nutaamik naliliisoqarluni. Noqqaaneq tunuliaqutaralugu suliareqqinnejarnissaanut tunngaviliisinnaasunik paassisutissanik nutaanik annertuunillu takkuttoqarsimanersoq Napparsimasunut Taarsiissuteqartarfimmut Suliareqqitassanngortitanik Aalajangiisarfimmi naliliissapput. Qaqeqqinnejarnissaanut noqqaaneq napparsimasumit, katsorsaavimmit imaluunniit Naalakkersuisunit saqqummiunneqarsinnaavoq.

#### Imm. 2-mut

Imm. 1 malillugu aalajangiinerup eqqartuussivimmut suliassangortinnissaanut piffissaliussaq tassaavoq aalajangiinerup naammagittaalliuuteqartumut nalunaarutigineraniit qaammatit arfinillit qaangiutsinnagit.

#### *§ 27-mut*

#### Imm. 1-imut

§ 27, imm. 1-imi siunnersuutigineqarpoq § 25, imm. 4 malillugu akilerneqartut taarsiineq ajunngitsorsiassallu utertinneqarneqarsinnaanngitsut imaluunniit piumasaqaatini ajunngitsorsiassaniluunniit allani ilanngaatigineqarsinnaanngitsut.

Tamatuma kingunerisaanik aalajangiineq naammagittaalliuutigineqarp, naammagittaalliuuteqarfillu isumaqarluni napparsimasoq taarsiinissamut pisussaaffiliisumik ajoqusersimanngitsoq, aamma napparsimasumut imaluunniit napparsimasup qimataanut iluaqutaanngitsumik Napparsimasunut Taarsiissuteqartarfiup aalajangiinera allanngortillugu, suliami tassani siusinnerusukkut tunniunneqarsimasut taarsiinerit ajunngitsorsiassallu utertillugit

akilerneqarnissaat taarsiisussatut pisussaaffeqartup piumasarisinnaanngilaa. Taamaalilluni taarsiineq akilerneqarsimasoq suneqarsinnaanngilaq.

#### Imm. 2-mut

§ 27, imm. 2-mi aalajangersagaq malillugu peqquserlunnermi atuutinngilaq. Napparsimasoq imaluunniit napparsimasumit qimataasut nalunngikkaluarlugu paasissutissanik tunniussisimanngippata imaluunniit paasissutissanik eqqunngitsunik tunniussisimappata, aamma paasissutissat pigineqarlutik Napparsimasunut Taarsiissuteqartarfiup imaluunniit maalaartarfiup aalajangiineranit allaanerusumik paasissutissat amigaataasut imaluunniit kukkusut allamik aalajangiinermik kinguneqarsimappata taava Napparsimasunut Taarsiissuteqartarfiup maalaartarfilluunniit nutaamik aalajangiissaq.

#### Imm. 3-mut.

Aalajangiineq nutaaq tunuliaqutaralugu taarsiinissamut pisussaaffeqartup, § 25, imm. 4 malillugu tunniunneqarsimasut taarsigassarsiat aamma ajunngitsorsiassat utertinneqarnissaat piumasarisinnaavai. Utertilugit akilerneqarnissaannik piumasaqaat taamaallaat atuutissaq paasissutissat pineqartut aalajangiinerup inerneranut pingaruteqartumik aalajangiisimappata.

Taarsiinissamut pisussaaffeqartoq taamaalilluni siusinnerusukkut taariisimanerup imaluunniit ajunngitsorsiassanik tunniussisimanerup utertilugit akilerneqarnissaat noqqaassutigisinhaavai, nalunaaruteqarneq - taamaalillunilu akiliisimaneq - napparsimasumit imaluunniit napparsimasumit qimataasut peqquserlussimappata. Assersuutitut eqqaaneqarsinnaavoq katissimanermut upernarsaat salloqittaataasoq tunuliaqutaralugu pilersuisumik annasaqaqnermut taarsiiffigitinnissamut qinnuteqarsimapput taarsiiffigitissimalluni.

#### *§ 28-mut*

#### Imm. 1-imut

§ 28, imm. 1-imi aalajangersakkamiippoq Nunatsinni Nakorsaaneqarfimmum paasissutissanik nassiussinissamut pisussaaffik. Malittarisassap kingunerisaanik oqartussat pineqartut aamma pisortat sullissivii il.il. nipangiussisussaataaneq pillugu malittarisassanik unioqqutitsinatik paasissutissanik Nunatsinni Nakorsaaneqarfimmum ingerlatitseqqissinnaapput. Nunatsinni Nakorsaaneqarfimmum nassiunneqartunik paasissutissanut akileeqqusisoqarsinnaanngilaq.

#### Imm. 2-mut

Ullunik 30-nik piffissaliineq sukkasuumik eqaatsumillu sullissinissaq siuarsarniarlugu qulakkeerniarlugulu ikkunneqarpoq, tamannalu napparsimasunut iluaqutaasussaalluni.

Paasissutissani nassiuussinissamut pisussaaffimik eqqortitsinnginneq § 30 malillugu akiliisitsinermik pineqaatissiissutaasinhaavoq.

Imm. 3-mut.

§ 25, imm. 4 aamma 5 naapertorlugit suliad suliad sinnaanissaannut tunngatillugu paasissutissanik pisarialinnik ingerlatitseqqinnissamut Nunatsinni Nakorsaaneqarfik Napparsimasunut Taarsiissuteqartarfimmum kiisalu Napparsimasunut Taarsiissuteqartarfimmum Suliareqqitassanngortitanik Aalajangiisarfimmum pisussaaffeqarpoq.

Paasissutissat suut pisariaqartinnejarnersut Nunatsinni Nakorsaaneqarfip aamma Napparsimasunut Taarsiissuteqartarfimmum Suliareqqitassanngortitanik Aalajangiisarfip akornanni eqqartuinikkut qulaajarneqassaaq.

#### *§ 29-mut*

Kapitali 3 taarsiinissamut pisinnaatitaasup ilisimasaanit imaluunniit ilisimasariaqagaanit kingusinnerpaamik ukiut pingasut qaangiutsinnagut Nunatsinni Nakorsaaneqarfimmum nalunaarutigineqarsimassasoq § 29-mut siunnersuummi aalajangersarneqarpoq. Piffissaliussaq atorunnaarsinneqassaaq taarsiivigineqarnissamut pisinnaatitaaffiusumik ajoquusersimanermik napparsimasoq ilisimasaqanngippat imaluunniit ilisimasaqartussaagaluarpat. Taamaattorli taarsiivigineqarnissamik piumasaqaat ajoquusernerup pineraniit kingusinnerpaamik ukiut qulit qaangiuppata nalunaarutigineqarsimassaaq. Ukiunik qulinik piffissaliineq aalajangersimasuovoq, taannalu qanorluunniit immikkut ittumik atorunnaarsinneqarsinnaanani. Ajoquusernerup malitsigisai ajoquusernermiit ukiut qulit kingorna aatsaat takkukkaluarpata Inatsisartut inatsisaat malillugu piumasaqaateqartoqarsinnaanngilaq.

#### *§ 30-mut*

Imm. 1-mut

§ 30-mut siunnersuummi peqqinnissakkut sulisup taarsiinissamut suliap suliaderani atugassanik Nunatsinni Nakorsaaneqarfimmum paasissutissanik nassiuussinissamut § 28-mi pisussaaffimmik eqqortitsinngippat akiliisitsinikkut pillaaateqartitsinissamut tunngavissiivoq.

Imm. 2-mut

Imm. 1 tunngavigalugu pineqaatissiinermik akiliisitsineq nunatta karsianik pisassanngortinnejassapput.

#### *§ 31-mut*

§ 31-mut siunnersuummi Inatsisartut inatsisaat naapertorlugu atulersinneqartunik najoqqutassanik eqqortitsinnginnej akiliisitsinertut ittumik pineqaatissiinermik kinguneqarsinnaasoq aalajangersarneqarpoq. Pineqaatissiinerit Kalaallit Nunaanni Pinerluttulerinermut Inatsimmi malittarisassat naapertorlugin aalajangersarneqarput.

*§ 32-mut*

Imm. 1-imut

Inatsisartut inatsisaat nalunaaruteqarnikkut atuutilersinneqassasoq siunnersuutigineqarpoq. Napparsimasunut taarsiissutinik aamma Napparsimasunut Taarsiissuteqartarfimmut Suliareqqitassanngortitanik Aalajangiisarfimmik attuumassuteqartunik isumaqatigiissuteqartoqareerpat aamma suliassanik suliarinninnissanut Danmarkimi inatsimmi naammattumik tunngavissat qulakkeerneqareerpata nalunaarut saqqummiunneqassaaq.

Imm. 2-mut

Imm. 2-mi siunnersuutigineqarpoq peqqinnissakkut ilinniarsimasutut sulineq pillugu naammagittaalliuuteqarneq pillugu Inatsisartut inatsisaanni kapitali 2 inatsisip atuutilernerata kingorna ingerlanneqartunut katsorsaanernut atuuttuusoq. Paarlattuanik Inatsisartut inatsisaata atulersinnissa sioqqullugu katsorsaanermut atatillugu pisimasut ajoquusernerit taamanikkut malittarisassat atuuttut malillugit suliarineqassapput.

Imm. 3-mut.

Imm. 1-imi siunnersuutigineqarpoq napparsimasut ajoquusernerinut taarsiinissaq pillugu inatsisartut inatsisaani kapitali 3 Inatsisartut inatsisaata atuutilernerata kingorna pisunut ajoquusernernut atuuttoq. Ajoquuserneq tassaavoq piffissami taarsiinissamut tunngavissaqartitsisumik pisumik tunngaveqartoq. Inatsisartut inatsisaat taamaalluni taamaallaat ajoquusernernut, misissuineq imaluunniit katsorsaaneq il.il., taarsiinissamik piumasaqarnissamik tunngavissiisoq piffissap atuutilernerata kingorna pisimasuussaaq. Piffissami pisumi assersuutigalugu tassaavoq piffissaq katsorsaaffiusoq imaluunniit nakorsap eqqortumik nappaatip suussusernissaanut piffissaq.

Piffissaq atuutilerfiusussaq sioqqullugu ajoquusernernut tunngasut taarsiiffigitinnissamut piumasaqaat taamanikkut malittarisassat malillugit suliarineqassaaq. Ajoquuserneq aatsaat piffissap atuutilerfiusup kingorna aatsaat paasineqaraluarpuunniit tamanna atutissaaq, aamma taarsiinissaq pillugu noqqaaneq piffissaq atuutilerfissaq sioqqullugu kingornatigulluunnit nassiuunneqarsimanersoq apeqqutaatinnagu.

*§ 33-mut*

Inatsisartut Inatsisaata atortussanngortinnera tunngavigalugu Peqqinnissaqarfiup aqunneqarnera, aaqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaanni nr. 27, 18. november 2010-meersumi aammalu Inatsisartut inatsisaatigut nr. 2, 29. maj 2012-imeersukkut allanngortinnejartumi kiisalu Napparsimasut inatsisitigut inissisimancerat pillugu Inatsisartut peqqussutaat allannguutnik suliaqartoqarpoq.

Tamatuma saniatigut Napparsimasut Maalaarutaannik Aalajangiisartunut maalaaruteqartarneq pillugu Namminersorlutik Oqartussat nalunaarutaat nr. 14, 24. september 2012-imeersoq Peqqinnissaqarfiup aqunneqarnera, aaqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit inatsisartut inatsisaanni nr. 27, 18. november 2010-meersumi § 11 a tunngavigalugu aalajangersarneqartoq atorunnaarpoq.

**Ilanngussaq 1****Tusarniaassut pillugu allakkiaq piffissami 14. maj 2021-miit 11. juni 2021-p tungaanut tusarniaanermi ilisimatitsissut**

Siunnersuut ukununnga tusarniutigalugu nassiunneqarsimavoq: Naalakkersuisut Siulittaasuata Naalakkersuisoqarfia, Aningasaqarnermut Nunamullu Namminermut Naalakkersuisoqarfik, Ineqarnermut, Attaveqatigiinnermut Naligiissitaanermullu Naalakkersuisoqarfik, Aatsitassanut Naalakkersuisoqarfik, Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfik, Isumaginninnermut Sulisoqarnermullu Naalakkersuisoqarfik, Meeqyanut, Inuuusuttunut, Ilaqutariinnut Inatsisillu Atuutsinneqarnerannut Naalakkersuisoqarfik, Inuussutissarsiornermut, Niuernermut, Nunanut Allanut Silallu Pissusaata Allanganqortorneranut Naalakkersuisoqarfik, Peqqissutsimut Pitsaaliuinermullu Aqtsisoqarfik aammalu Nunatsinni Nakorsaaneqarfik.

Taakku saniatigut siunnersuut Naalakkersuisut tusarniaassutigisaminnut nittartagaanni piffissami tassani pissarsiarineqarsinnaasimavoq.

Tusarniaanermi akissutit arfineq-marluk tiguneqarput, taakkunannga uku oqaaseqaateqarsimanatik: Ilanniartitaanermut, Kultureqarnermut, Timersornermut Ilageeqarnermullu Naalakkersuisoqarfik, Aalisarnermut Piniarnermullu Naalakkersuisoqarfik aammalu Meeqyanut, Inuuusuttunut, Ilaqutariinnut Inatsisillu Atuutsinneqarnerannut Naalakkersuisoqarfik.

Tusarniaaffigineqartut uku siunnersummut oqaaseqaateqarput:

**1) Naalakkersuisut Siulittaasuata Naalakkersuisoqarfia**

Naalakkersuisut Siulittaasuata Naalakkersuisoqarfia matumuuna Napparsimasut peqqinnissaqarfimmut atatillugu naammagittaalliuteqarnissamut taarsiivigineqarnissamullu periarfissaat pilligit Inatsisartut Inatsissaattut siunnersummut oqaaseqaatini tunniuppai.

Siunnersummut nalinginnaasumik nassuaatinuit atuarneqarsinnaasutut peqqinnissaqarfimmit passunneqarnermut atatillugu ajoquusersimanernut napparsimasut taarsiivigineqarsinnaanerannut tunngatillugu inatsisitigut malittarisassaqarsimannginnerata aaqqiivigineqarnissaata naapertuutinnera Naalakkersuisut Siulittaasuata Naalakkersuisoqarfiaata siullertut nalunaarsorpaa.

Naalakkersuisut Siulittaasuata Naalakkersuisoqarfia maluginiarpaa, naammagittaalliuutit 'peqqinnissaqarfimmi aqutsisunut' nassiunneqartarneri § 7, imm. 2-mi aammalu 3-mi kiisalu nassuaatit nalinginnaasuni (2.3) aammalu siunnersuummi immikkoortunut ataasiakkaanut oqaaseqaatini (§7-im) nassuiarneqarsimasut".

Kikkut pineqarnersut matumuuna takujuminaatsinneqarpoq; 'peqqinnissaqarfimmi aqutsisut' tassaappat Peqqissutsimut Pitsaaliuinermullu Aqutsisoqarfik, peqqinnissaqarfimmik aqutsisut imaluunniit najukkani nakorsatut aqutsisut?

*Akissut: Maalaartarfik eqqortoq erseqqissarniarlugu siunnersuummi § 9-mi kiisalu nassuaatini nalinginnaasuni (2.3.2.2-mi) aammalu siunnersuummut nassuaatini § 9-mi 'peqqinnissaqarfimmi aqutsisut'-mik allaqqasut peqqinnissaqarfimmi quillersat'-mut allanngortinneqarput. Peqqinnissaqarfimmik aqutsisut Peqqissutsimut Pitsaaliuinermullu Aqutsisoqarfimmiippuit, taamaammat peqqinnissaqarfimmi quillersat tassaapput peqqinnissaqarfimmik aqutsisut.*

Naammagittaalliuutinik suliaqartumik allattoqarfimmik pilersitsisoqarnissaata siunniunneqarnera Naalakkersuisut Siulittaasuata Naalakkersuisoqarfia nalunaarsorpaa

Inatsimmut siunnersuummi arlalitsigut taaneqarpoq (assersuutigalugu § 3, imm. 1, aamma § 7, imm. 1) Nunatsinni Nakorsaaneqarfik naammagittaalliuutinik tigusisarlunilu nassiusisartoq, tassani ilimagineqarluni allattoqarfik Nunatsinni Nakorsaaneqarfimmik inissinneqarsinnaasoq.

*Akissut: Siunnersuummi nassuaatini nalinginnaasuni (3.1-im) ilanngunneqarpoq. Naammagittaalliuutit pillugit sorianut allattoqarfik aaqqissuussaanikkut Nunatsinni Nakorsaaneqarfimmut inissinneqassaaq.*

Tamatuma saniatigut ilinniagartuutut fuldmægtigimut naapertuuttumik pilersitsinermi aningaasartuuteqarnissaq naatsorsuutigineqartoq nassuiarneqarpoq, akerlianilli ingerlatsinermut aningaasartutissat, taakkununnga ilanngullugit sulisut aqutsisullu amerlassusissaattut naatsorsuutigisat, nassuiarneqarsimanatik.

*Akissut: Naammagittaalliuutit pillugit sorianut allattoqarfik Nunatsinnik Nakorsaaneqarfimmit sulisunik kiisalu ilinniagartuutut fuldmægtigimik sulisoqassaaq. Naammagittaalliuutit pillugit sorianut allattoqarfik napparsimavinni napparsimasunut ilitsersuisunik il.il. qanimat suleqateqarnikkut ingerlanneqassaaq. Naammagittaalliuutit pillugit sorianut allattoqarfik Nunatsinni Nakorsaaneq qullersarissavaa.*

## **2) Ineqarnermut, Attaveqatigiinnermut Naligiissitaanermullu Naalakkersuisoqarfik**

IIAN-ip 'Kalaallit Nunaannii peqqinnissakkut katsorsaanerup iluani napparsimasut naammagittaalliuteqarnissamut taarsiivigineqarnissamullu periarfissaqarnerat pillugu Inatsisartut inatsisisaattut siunnersuut'-mut tusarniaanermut akissuteqaasiorsinnaanerminut periarfissinneqarnini qujassutigaa.

IIAN-ip tungaaniit siunnersuummi taarsiivigininnissamut aalajangersakkat soqtigineqarput, taakkununnga ilanngullugit ingammik siunnersuummi § 19-imut tunngatillugu, kiisalu tamatumunnga atatillugu aningaasaqarnikkut kingunerisassai eqqarsaatigalugit.

Tamatumunnga atatillugu ilisimatitsissutigineqarsinnaavoq, Namminersorlutik Oqartussat missingersuusiornermut malitassaasa imarisaani Namminersorlutik Oqartussanut sillimmasiissutinik pisinermut akisussaaffik pillugu aalajangersagaqartoq. Tassani Ineqarnermut Naalakkersuisup akisussaaffiinut ilaasoq allaqqavoq. Tamanna isumaqarpoq, sillimmasiissutinut tunngatillugu IIANN kisimi isumaqatigiissusiorsinnaasoq.

Tassunga tunngatillugu paasissutissiissutigineqassaaq Naalakkersuisut taakkummata Namminersorlutik Oqartussat sillimmasiisnarernut politikanut aalajangiisartuullutillu akuersisartut. Naalakkersuisut kingullermik ullormi 1. Januar 2021 aallarnerfigalugu atuutilersussamik Namminersorlutik Oqartussat sillimmasiissutinut politikia atukkatigut allannguutitaqanngitsumik nutarterneqarnissaa 2020-p ukianerani akuersissutigivaat. Tamatuma ilaatigut kingunerisaa tassaavoq, immikkoortunut sillimmasiissutit akornanni tamatumunngalu sillimmasiissummut tassunga nammineq akiligassat sorliit attuumassuteqarneri, kiisalu immikkoortut sorliit nammineerlutik imminnut sillimmasiissutinik isumaginnittuussaneri pillugit agguataarinnineq allanngortinnejarnikuunnginnera. Taamatuttaaq aalajangiinerup kingunerisaanik tamatumunnga aningaasartuutit immikkoortortaqarfinit pineqartunit matussuserneqartassapput.

Namminersorlutik Oqartussat sillimmasiisnarermut politikia sillimmasiissutinik arlalinnik pisiarineqarnikunik aammalu Namminersorlutik Oqartussat sillimmasiissutini arlalinni

imminnut sillimmasesrimanerannik imaqarpoq. 2021-mut Aningaasanut Inatsimmi, pingaarnertut kontumi 70.10.03-mi allaqqavoq, Namminersorlutik Oqartussat immikkoortortaqrifii sillimmasiissutinut akiliutit akiligassiissutigineqartassasut. Agguataarineq 2016-imiilli akiligassiissuteqartarneq naapertorlugu pisarpoq – taamani sillimmasiissutit tamaasa pisiarineqarnikuupput. Tamanna piviusumik isumaqarpoq, immikkoortortaqrifit sillimmasiisnarermut aaqqiissutit tamaasa iluini sillimmaseqqasut, sillimmasiissutip allagartaata allaffissornikkut ingerlanneqarneranut aningaasartuuteqarfingineqarneranullu akiliisartut. Immikkoortortaqrifimmi aningaasartuutit ilanngulligit sillimmasiissummut akiligassap akileeqqusissutigineqartarnera immikkoortortaqrifinni imminnut sillimmasiissuteqarfiusuni ingammik atuutsinneqarpoq, taamaasilluni annertuumik ajoqusertoqartillugu Nunatta Karsia artukkerumanagu aningaasat annerusumik ajoquusersimasunut aningaasartuutissanut nuunneqarsinnaaniassammata.

Tamanna aamma 'Kalaallit Nunaannii peqqinnissakkut katsorsaanerup iluani napparsimasut naammagittaalliuteqarnissamut taarsiivigineqarnissamullu periarfissaqarnerat pillugu Inatsisartut inatsisissaattut siunnersuut' naapertorlugu taarsiinissamut akisussaaffimmut atuutsinneqassaaq – sillimmasiissutit pisiarisimasat imaluunniit namminerisamik sillimmasiissuteqarneq pineqarnersut apeqqutaatinnagu. Sillimmasiissutinut aaqqiissummut aningaasartuutit peqqinnissaqarfiup pisussaaffigilissavaa, taamatuttaaq tamatumunnga atatillugu ilaatigut allaffissornikkut attuumassuteqartut ilanngulligit.

Siunnersummut nassuaatini aningaasaqarnikkut kingunerisassanut tunngatillugu, sillimmasiissutip uppernarsaataanut aningaasartuutit eqqarsaatigineqarsimanersut – taamaassappat pisiarineqassanersoq imaluunniit namminerisamik sillimmasiissuteqarneq pineqarnersoq IIANN-ip takujuminaatsippaa. IANN-imit taamaalilluni innersuussutigineqarpoq tamanna qulaajarneqassasoq siunnersummilu atuarneqarsinnaassasoq.

Tassungalu atatillugu paasissutissiissutigineqassaaq qulaajaanissami qanoq iliorluni sillimmasiinerup pisiarisap imaluunniit nammineerluni sillimasiinerup misissuiffigneranni Namminersorlutik Oqartussani sillimmasiisnarermut aaqqissuussat allat assigalugit aalajangiinerit Naalakkersuisunit akuerineqartussaanerat qulaajaaffigineqassasoq.

Siunnersummi qularnaveeqqusiiinissamut akisussaaffimmut tunngatillugu aningaasaqarnikkut kingunerisassat pillugit qulaajaanissamut IIAN ikuuussinnaavoq, tassunga ilanngulligit neqeroorusiortitsinernut, aammalu/imaluunniit namminerisamik sillimmasiissutinik naatsorsuinermut. Tamanna kissaatigineqassappat Peqqissutsimut Naalakkersuisoqarfik tamanna pillugu naalakkersuisoqarfiup sillimmasiinernut mailianut saaffiginneqquillugu qinnuigineqarpoq: [sillimmat@nanoq.gl](mailto:sillimmat@nanoq.gl).

*Akissut: Napparsimasut taarsiiffiginissaannut sorianut aningaasartuuit ulloq manna tikillugu Peqqissutimut Naalakkersuisoqarfimmuit tunniunneqartarsimapput, sillimmasiisoqarsimanngilarlu, soorluttaarlu Namminersorlutik Oqartussani suliffiup iluanut tunngatillugu sillimmasiisarnermut aaqqissuussisoqarsimanngitsoq. Aningaasartuutaasartut siusinnerusukkut 1,5 mio. kr.-nit missaanniittarsimapput, taakkulu aningaasanut inatsimmi takuneqarsinnaasutut napparsimasut taarsiiffigitinnissaannut suliad tunniuttarnerannut aningaasaliissutinut inatsisitigut pisussaaffiusunut naapertuupput. Siunnersuut manna aqutigalugu napparsimasut naammagittaalliuutaannut suliassaqarfik annertusineqarpoq, naatsorsuutigineqarporlu taarsiinissanut sorianut aningaasartuuit ukiumut 7 mio. kr.-ninut qaffassasut. Tamakku 2022-mut aningaasanut inatsimmut ukiunullu missingersuusiorfiusunut ilanngunneqarput.*

### **3) Nunatsinni Nakorsaaneqarfik**

*Napparsimasut Maalaarutaannik Aalajangiisartut suliassaat*

Inatsisissatut siunnersuummi peqqinnissamut tunngasutigut suliaritinnermut naammagittaalliuutit Danmarkimi Napparsimasut Maalaarutaannik Aalajangiisartunut tunniunneqartarsinnaanerink ilanngussisoqarnikuunngitsoq maluginiarneqarpoq. Peqqinnissamut tunngasutigut sullisisunut ataasiakkaanut naammagittaalliuutinut, Napparsimasut Maalaarutaannik Aalajangiisartut suliassaannik taasartagaannut, naleqqiullugu, Napparsimasut Maalaarutaannik Aalajangiisartunut maalaaruteqarneq pillugu Namminersorlutik Oqartussat nalunaarutaat nr. 14, 24. september 2012-imeersoq atuuttoq innersunneqassaaq, Peqqinnissaqarfip aqunneqarnera, aaqqissuussaanera kiisalu peqqinnissamut tunngasutigut sullisisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersoq naapertorlugu nalunaarutaasoq.

Inatsisissatut siunnersuummi allannguutit ilagiligassaat tassaavoq, aallaaviusumik peqqinnissamut tunngasutigut katsorsaanerit pillugit naammagittaalliuutit tamaasa, peqqinnissamut tunngatillugit suliad tunngatillugit sulinermik napparsimasut naammagittaalliuutit suliarineqartassapput, taamaattorli Nunatsinni Nakorsaanerup peqqinnissamut tunngasutigut suliad Napparsimasut Maalaarutaannik Aalajangiisartunut suliassanngortissinnaassavai.

Tigussaasumik ima isumaqarpoq, Napparsimasut Maalaarutaannik Aalajangiisartunut maalaaruteqartarneq pillugu Namminersorlutik Oqartussat nalunaarutaanni nr. 14, 24. oktober 2012-meersumi atuuttumi § 1, imm. 1, atorunnaarsinneqassasoq aammalu § 1, imm. 2 suli atuutsinneqassasoq.\_Tamanna isumaqarpoq naammagittaalliuutit Napparsimasut Maalaarutaannik Aalajangiisartunut tunniunneqarnissaannut inatsisitigut piumasaqaatitaqannginnerat, taamaattorli peqqinnissamut tunngasutigut sullisisumik akuerisamik isornartorsiunissamut allatigulluunniit kinguneqartitsisoqarsinnaaneranik tunngavissaqartoqarsinnaaneranik naliliisoqassappat, taava Nunatsinni Nakorsaaneqarfip

suliaq napparsimasut naammagittaalliutaannik aalajangiisartunut suliassanngortittussatut suliarisinnaavai

*Akissut: Ilaannakortumik ilanngunneqarpoq. Inatsisisstatut siunnersuusiornermi Napparsimasut Maalaarutaannik Aalajangiisartunut maalaaruteqartarneq pillugu Namminersorlutik Oqartussat nalunaarutaanni nr. 14, 24. september 2012-imeersup atorunnaarsinnejarnissaa siunniunneqarpoq. Taarsiullugu siunnersuummi matumani peqqinnissamut tunngasutigut sullisisunut aalajangersimasunut tunngatillugu (naammagittaalliutit taakku Napparsimasut Maalaarutaannik Aalajangiisartunit suliarineqartassallutik) aammalu peqqinnissaqarfik pillugu (Napparsimasut naammagittaalliutaannut Aqutsisoqarfimmut) naammagittaalliuiteqarsinnaaneq ataatsimoortinneqassaaq. Taamaattorli suli napparsimasup nammineerluni peqqinnissamut tunngasutigut sullissisoq imaluunniit peqqinnissaqarfik pillugu naammagittaalliuiteqarnissaminik kissaateqassanerluni aalajangissavaa.*

*Nunatsinni Nakorsaaneqarfip naammagittaalliutinik itigartitsinissaminut tunngavissai Inatsisisstatut siunnersuummi § 4, imm. 1 aamma imm. 3, naapertorlugit Nunatsinni Nakorsaaneqarfip aalajangissavaa inatsit malillugu naammagittaalliut nalilorseqarsinnaanersoq (imm. 1) aammalu naammagittaalliut pisoqalisimasoorsimanersoq pillugu aalajangiisinjaatitaassalluni (imm 3). Suliami paasissutissanik (aqutsisunit aamma/imaluunniit attuumassuteqartunit oqaaseqaatinik noqqaassuteqarneq kiisalu maalaarummik eqikkaanermik) pissarsinnginnermi, Nunatsinni Nakorsaaneqarfik maalaarummik ersariinnartumik tunngavissaqanngitsumik aallarniutaasumik nalilorseqarsinnaanersoq noqqaassutigineqarpoq.*

Nunatsinnik Nakorsaaneqarfip misilittagai naapertorlugit, naammagittaalliutit ilaatsersariinnartumik toqqammavissaqanngitsutut isigineqartariaqarput. Naammagittaalliutinut atatillugit, naak ersariinnartumik tunngavissaqanngikkaluartut, tamakkiisumik ilisimatissutigineqartussanut suliarineqartussanullu tunngatillugit isumalluutinik atuinissamik pinaveersaartitsisinjaanermut Inatsisinut maannakkut atuuttunut aammalu inatsisisstatut siunnersuummi inatsisitigut tunngavissaqarnissamik periarfissaqartoqanngilaq. Tassungalu ilaavoq tunngavissaqanngitsumik naammagittaalliutit ersiinnartumik sulerulutsitsisarnerat maalaartarnermut suliassaqarfimmi sulianik suliarinnitarnermut tamarmut sivitsorsaataasarmata.

*Akissut: Inatsisisstatut siunnersuummi § 6, imm. 4-mi ilanngunneqarput.*

*Naammagittaalliutit pillugit sulianut allattoqarfik/Naammagittaalliuiteqartarfik*

Inatsisisatut siunnersuummi § 3, imm. 2-mi atuarneqarsinnaavoq naammagittaalliuutit sumut tunniunneqarsinnaaneri piareersarneqarnissaallu pilligit malittarisassanik Naalakkersuisut aalajangersaasinnaasut. Taamaattumik, allattoqarfittut isumaliutigineqartup inatsit naapertorlugu pilersinneqarnissaanik kissaatigineqarpat, pilersinneqarnissaa inatsimmut nalunaarutitigut tunngavissaqarnissaa naatsorsuutigineqarpoq. Nunatsinni Nakorsaaneqarfiup naliliinera tassaavoq, innuttaasut naammagittaalliuuteqarnissamut taarsiivigineqarnissamullu periarfissaat naapertuuttumik inatsisitigullu tunngaveqartumik suliarineqarsinnaanerinut tunngatillugu allattoqarfeqarnissaa piumasaqaataasoq, tamatumunnga ilanngulligit aningaasarsiornikkut allaffissornikkullu kingunissai pilligit immikkoortoq takuuk.

*Pisortanut aningaasaqarnikkut allaffissornikkullu sunniutissat*

Inatsisisamut nassuaatini (qupperneq 8) taamaallaat allattoqarfimmik pilersitsinermut aningaasartuuteqarnerulerneq kiisalu taarsiissut tunniunneqartartut qaffariaateqarnissaannik naatsorsuuteqarneq taamaallaat pineqartut maluginiarneqarpoq. Eqqaaneqartoq siullermut tunngatillugu "naammagittaalliuutit pilligit suliad katersornerisigut assigiaartumillu suliarinerisigut isumalluutit allamut atugassaalersut sulinermi tassani ilaaniisaat"-nnik eqqoriaaneq tunuliaqtigineqarsimanagernik nalilersuisimanertut isumaqarfingineqarpoq, naak aamma suliad amerlinerulernerinik kinguneqarnissaannik naatsorsuuteqarnerup naliliinermut tamatumunnga allangortitsisoqarnavianngitsutut paasineqarluni.

Inatsisisatut siunnersuutip malitsigisaanik nutaanik suleriaaseqalernermi isumalluutit amerlanerulernissaannik oqariartuuteqartoqarnera Nunatsinni Nakorsaaneqarfiup isumaqataaffigingilaa. Akerlianilli sulianik innersuussisarnerup ilisimatitsissuteqartarnerullu malitsigisaannik, taakkununnga ilanngulligit taarsiisussaanermut akisussaaffimmut ilaasutut suliad amerlassusiisa amerleriarnissaat, allaffissornikkut nammatassat annertuseriassapput. Tassunga ilaapput naatsorsuutigisatut suliassat amerlassusiisa amerleriarnissaannut tunngatillugit, inatsisisatut siunnersuutip nassuaataani oqaatigineqartut.

Una eqqarsaatigineqarsimannngissorineqarpoq, ukiuni qulini kingullerni naammagittaalliuutit amerliartuinnartut suliarinissaannut isumalluutinik amerlanerusunik aningaasaliisoqarsimannnginnera.

Nakorsaaneqarfiup 2016-imit ukiumoortumik nalunaarutaani atuarneqarsinnaavoq, 2012-imiilli naammagittaalliuutit ukiumut 80-100-t tungaanut qaffariangaatsiarsimasut. Suliat amerlassusii suli qaffakkiartorput, pissutigalugu 2019-imi aammalu 2020-mi naammagittaalliuutit 120-iunikuummata.

Ukioq manna 1. juuni aallarnerfigalugu naammagittaalliuutit 62-it Nunatsinni Nakorsaaneqarfimmut toqqaannartumik nassiuunneqarsimalereerput. Taakku saniatigut sullinneqarnermut naammagittaalliuutit amerlassutsikkut kisitsisit ilisimaneqanngitsut

Peqqinnissaqarfimmi aqutsisunut toqqaannartumik nassiunneqarsimanissaat ilimagineqartariaqarpoq.

Ingammik nappaalanersuup nalaani naammagittaalliuutinut tunngatillugit sulianut suliarinninniarnermi siunnersortinik avataaneersunik attartortoqartariaqarnikuunera eqqarsaatigalugu, taamaattorli aamma atukkat nalinginnaasuugaluarpataluunniit suliassat amerlassusaat taakkuuginnartarput aammalu sulianik suliarinninnermi suliatigut immikkut ilisimasanik pilersitsinissaq piumasaqaataasoq eqqarsaatigalugu Nunatsinni Nakorsaaneqarfimmut unamminartorujussuuvoq. Suliat amerlassusiisa annertusiartoraluttuinnarnerisa kingunerisaannik, sulianik suliarinnittarnermut piffissaq annertunerusup atorneqartalerpoq kiisalu suliat suliarinissaannut kinguaattoortoakkajuttarpoq. Nunatsinni Nakorsaaneqarfipalilerpaa, AC-mi ukioq naallugu sulisussamik pisariaqartitsisoqartoq, sulilu aamma Nunatsinni Nakorsaaneqarfimmi sulisut maanna amerlassusiligaanerat aammalu inatsisissamut nassuaatini eqqaaneqartutuulli allattoqarfimmi sulisussamut (allattoqarfimmik pilersitsinissamut) naleqqiullugit naammagittaalliuutinik sulianik suliaqarnissamut pisariaqartitsisoqarnerulernissaa nalilerneqarluni.

*Akissut: Peqqissutsumit Naalakkersuisoqarfiup qulaani allaqqasut tusaatissatut tiguai.*

#### **4) Kalaallit Nunaanni Peqqissaasut Peqatigiiffiat**

Peqqinnissaqarfip iluani maalaarnissamut taarsiivigitinnissamullu periarfissat pillugit inatsisitigut atortussanngortitsisoqarnissaa PK-p pingaartitaraa.

PK Inatsisissatut siunnersuummut nassuaatini immikkoortunut tulliuttunut nassuaatissaqarpoq 2.3.1 *Inatsisit atuuttut Peqqinnissamut tunngasutigut naammagittaalliuutit.*

**Kalaallit Nunaanni naammagittaalliuuteqartoqartarnerata ingerlarnga:** Nunatsinni Nakorsaanerup Namminersorlutik Oqartussat nalunaarutaat naapertorlugu<sup>1</sup> napparsimasut naammagittaalliuutat Danmarkimi Napparsimasut Naammagittaalliuutannik Aalajangiisartunut innersuussinnaavai. Nalunaarummi matumani allassimavoq, Kalaallit Nunaanni peqqinnissamut tunngasutigut sullisisut peqqinnissamut tunngasutigut sulinerat pillugu napparsimasuniit naammagittaalliuutit Danmarkimi Napparsimasut Maalaarutaannik Aalajangiisartunut suliassanngortinneqarsinnaasut, tak. § 2 imm. 1. Nalunaarummi tassani aamma allaqqavoq, Kalaallit Nunaanni ilinniarsimaneq akuersissuteqarnerluunniit tunngavigalugit peqqinnissamut tunngasutigut suliamik ingerlataqartut tulliuttut pillugit

<sup>1</sup>Napparsimasut Maalaarutaannik Aalajangiisartunut maalaaruteqartarneq pillugu Namminersorlutik Oqartussat nalunaarutaat nr. 14, 24. september 2012-imeersumi § 2, imm. 4 takuuk.

Nunatsinni Nakorsaanerup Napparsimasut Maalaarutaannik Aalajangiisartunut suliassanngortitsisinnaasoq: Peqqissaasut, kigutigissaasut, kigutit nakorsaasa ikiortaat, peqqissaasumut ikiortit, peqqinnissamut assistentit, isumaginninnermi peqqinnissamullu assistentit, peqqinnissalerisut, peqqinnissamut ikiortit, aammalu portøritut annaassiniartartut, takuuk

Nunatsinni Nakorsaanerup Namminersorlutik Oqartussat nalunaarutaat naapertorlugu<sup>2</sup>, peqqinnissamut tunngasutigut sullisisunut akuersissuteqanngitsunut tunngatillugit aalajangiisinnaatitaavoq, takuuk § 12, imm. 2, tak. § 8, imm. 2. Inatsisartut Inatsisissaannut aallarniutaasumik suliaqarnermi nalunaarsorneqarpoq, siusinnerusukkut ingerlaaseq, matumani Napparsimasut Maalaarutaannik Aalajangiisartut suliassaasa avataaniittut Nunatsinni Nakorsaanerup sulianik aalajangiisarnikuunera, inatsisitigut atuutsinneqalernissaa kissaatigineqartoq, taamaasilluni inuit danskit akuersissutaannik peqanngitsut naammagittaalliuutigisinnaanissaat periarfissanngorniassammat.<sup>34</sup>

### **Danmarkimi naammagittaalliuuteqartarnermi suliassap ingerlanneqarnera:**

Danmarkimi napparsimasut naammagittaalliuutaat Napparsimasut naammagittaalliuutaannut Aqutsisoqarfimmi suliarineqartarpuit, tak. peqqinnissaqarfiup iluani naammagittaalliuuteqarnissamut taarsiivigineqarnissamullu periarfissat pillugit danskit inatsisaat<sup>5</sup>. Naammagittaalliuut suliarinniffimmut tunngassuteqarpat maalaarummik aqutsisoqarfik suliaqartussaavoq. Inatsimmi § 2, imm. 2 naapertorlugu, maalaartarfiup sullissinerani, peqqinnissaqarfiup iluani inuit eqimattat aalajangersimanerusut peqqinnejq pillugu inatsisit malillugit akuersissuteqanngitsunut annerusumik ilanggullugit suliaqarnissaanik peqqissutsimut ministeri malittarisassanik aalajangersaasinnaavoq. Inatsisissamut aallarniutaasumik suliaqarnerni nassuaatini nalinginnaasuni<sup>6</sup> immikkoortoq 2.1.1-imi allassimavoq, maanna Napparsimasut Maalaarutaannik Aalajangiisartunik, nakorsat akuersissuteqanngitsut inatsimmi § 2, imm. 2-mut ilaatinneqanngitsut.

Danmarkimi Napparsimasut Maalaarutaannik Aalajangiisartut peqqinnissamut tunngasutigut sullisisut danskinit akuersissuteqartut, danskit peqqissutsimut inatsisaat naapertorlugu kapitalit 4-7-ikkut aammalu 9 kiisalu immikkoortoq IV malillugit atuuffeqartut, pillugit napparsimasut naammagittaalliuutaannik taamaallaat suliaqarsinnaapput, tak. peqqinnissaqarfiup iluani naammagittaalliuuteqarnissamut taarsiivigineqarnissamullu periarfissat pillugit danskit inatsisaanni<sup>7</sup> § 2, imm. 1.

2Nunatsinni Nakorsaanerfiup sulinera pillugu Namminersorlutik Oqartussat nalunaarutaat nr. 7 15. juni 2017-imeersoq.

3 Inatsisissatut siunnersummut nassuaatit 17. Septembari 2010-mi UKA2010/20-mut siunnersuuteqarnermut Nassuaatit nalinginnaasut.

4 Peqqinnissaqarfiup aqunneqarnera, aaqqissuussaanera kiisalu peqqinnissamut tunngasutigut sullisisut amma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersoq.

5 Peqqinnissaqarfiup iluani maalaaruteqarnissamut taarsiiffigitinnissamullu periarfissat pillugit danskit inatsimmik nalunaarutaat nr. 995, 14. juni 2018-imeersoq

6 Inatsisissatut siunnersummut nassuaatit 17. Septembari 2010-mi UKA2010/20-mut siunnersuuteqarnermut Nassuaatit nalinginnaasut.

7 Peqqinnissaqarfiup iluani maalaaruteqarnissamut taarsiiffigitinnissamullu periarfissat pillugit danskit inatsimmik nalunaarutaat nr. 995, 14. juni 2018-imeersoq

Tamatuma kingunerisaanik Nunatsinni Nakorsaanerup inuit Kalaallit Nunaanni kisimi akuersissuteqartunik Danmarkimi Napparsimasut Maalaarutaannik Aalajangiisartunut suliassanngortitsisinnaannginngilaq.

Kalaallit Nunaanni inatsisitigut atuutsinneqartut aammalu Danmarkimi inatsisitigut atuutsinneqartut akornanni naleqqutinngitsut qulaajarneqarnissaat ersarissarneqarnissaallu PK-p innersuussutigivaa.

*Akissut: Tusarniaanermut akissuteqaammi ersereersutuulli napparsimasut naammagittaalliutaat Napparsimasut naammagittaalliutaannut Aqutsisoqarfimmit suliarineqartarput, tak. Peqqinnissaqarfiup iluani naammagittaalliuteqarnissamut taarsiiffigitinnissamullu periarfissat pillugit danskit inatsimmik nalunaarutaat. Katsorsaavik pillugu maalaartoqartillugu, taava Napparsimasut naammagittaalliutaannut Aqutsisoqarfip naammagittaalliut suliarissavaa, paarlattuanilli Peqqinnissaqarfimmi peqqinnissamut tunngasutigut sulinermut naammagittaalliutaappat Napparsimasut Maalaarutaannik Aalajangiisartunit suliarineqassalluni. Danskit Naammagittaalliornissamut taarsiissuteqartarnermullu inatsisaanni § 2, imm. 2-mi allaqqavoq, maalaartarfip sullissinerani, peqqinnissaqarfiup iluani inuit eqimattat aalajangersimanerusut peqqinneaq pillugu inatsisit malillugit akuersissuteqanngitsunut annerusumik ilanngullugit suliaqarnissaanik peqqissutsimut ministeri malittarisassanik aalajangersaasinnaasoq. Malittarisassat taakku peqqinnissaqarfiup iluani inuit ilaat sulinissamut akuerineqarsimannngitsut pillugit nalunaarummi nr. 1448, 15. december 2010-meersumi nalunaarut nr. 1064, 9. november 2012-imeersumi allanngortinneqartumi Napparsimasut Maalaarutaannik Aalajangiisartut suliaannut ilaatinneqarput. Nalunaarummi § 1, nr. 10-mi allaqqavoq Napparsimasut Maalaarutaannik Aalajangiisartut sulinerini inuit eqimattat tulliuttut ilaatinneqartut: Peqqissaasut, kigutigissaasut, kigutit nakorsaasa ikiortaat, peqqissaasumut ikiortit, peqqinnissamut assistentit, isumaginninnermi peqqinnissamullu assistentit, peqqinnissalerisut, peqqinnissamut ikiortit, aammalu portøritut annaassiniartartut Kalaallit Nunaanni ilinniarsimaneq akuersissuteqarnerluunniit tunngavigalugit peqqinnissamut tunngasutigut suliamik ingerlataqartut. Taamaammat peqqinnissamut tunngasutigut sullissisut Kalaallit Nunaanni akuersissuteqartut pillugit naammagittaalliutit Danmarkimi Napparsimasut Maalaarutaannik Aalajangiisartunut suliassanngortinnejarsinnaapput, taamaammat daskit kalaallillu inatsisaasa akornanni naleqqutinngitsoqarneranik oqarnermut naleqqiullugu Peqqissutsimut Naalakkersuisoqarfik taama misigisimanngilaq.*



**Tusarniaassut pillugu allakkiaq piffissami 18. januar 2024-miit 16. februar 2024-p  
tungaanut tusarniaatigineqarsimavoq**

Siunnersuut piffissami 18. januar 2024-miit 16. februar 2024 ilanngullugu tusarniutigineqarsimavoq. Tusarniaanissaq sioqqullugu siunnersuut Nunamut Namminermut Peqqissutsimullu ministereqarfikkut, Napparsimasut Maalaarutaannut Aqutsisoqarfimmut, Napparsimasunut Taarsiissuteqartarfimmut aamma Napparsimasunut Taarsiissuteqartarfimmut Suliareqqitassanngortitanik Aalajangiisartunut saqqummiunneqarsimvoq, isummersuutillu ilanngunneqarlutik.

Siunnersuut piffissami tassani Naalakkersuisut tusarniaanermut nittartagaaniissimavoq.

Tusarniaanermi akissutinik tigusaqartoqarsimanngilaq.